






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4924/A/2





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4924/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4924/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4924/A/2

4924/A/2


E. XII. 3

16

PETITAEUS Ambrosius
(Antonius)

all-

71410





IN ANTONII PETITÆI
CRISIMEROLOGION: HENR.

MONANTHOLII RHEMI


EPIGRAMMA.

NIL habuit Phœbi ingeniosa obscuriùs vsquam
Ars, crisimóque die,terrificáque crisi.
Quis dubium est medicus:doleatve incertior æger
Ille quidem causæ, sed necis iste suæ.
Iam nihil obscurum est, opere hoc Petitæus vtrúque
Non finit esse inter spémque, metúmque diu.


Αὐτοῦ εἰς Αντ. Πετῖᾱϊον

Ἐπιγράμμα.

Ὡς ταῦτ' ἡμεῖς, ἡμεῖς παρὰ διδῶς εἰ
κτεμάλα, πρῶτ' ἀποδῶ δαφνιᾶκόν σίφαιον.



AMPLISS. MEDICORVM
APVD PARISIORVM LVETIAM
collegio, Antonius Petitæus,
S.



Mnes qui antiquorū scri-
pta, diurna nocturnaque
manu versant (viri am-
plissimi) ita se cōparare
debēt, vt singula, vel ob-
scure dicta, dilucidè ex-
plicēt: vel prolixiùs enar-
rata, rescindāt: vel controuersa, componant:
aut, quæ deficiūt, suppleāt, ac deniq; in vsus
cōmunes semper aliquid conferant. Neque
profecto is, qui rei medicæ haud ignarus, di-
ligenter antea acti studii thesauros abdit, sibi,
& musis canens, recto iudicio vti videtur,
cū de sua existimatione, aliis cognitionē
non constituit, dum honestissima laborum
præmia consequi, & doctorum censuram
nō refugere debet. Quid prodest iugi libro-
rum lectione sese macerare, ac turbulento
meditationum æstu, vigiliisque assiduis, se-
ipsum per multos annos conficere, & in um-
bra delitescere, nec famæ, ac publicis etiam

studiis consulere? Quid magis exoptandum
cuiquam est, quàm ut plurimis sua industria
prodesse, & velit & possit? Proinde, quum
ego in id studiorum meorum rationem, cogi-
tationesque omnes conferrem, conatus sum
tempus illud, quod mihi liberum, & à scho-
læ nostræ officiis vacuum erat, iis rebus in-
uestigandis impedere, quarum notitiam, ad
studiosorum non mediocrē utilitatem per-
tinere arbitrarer. Cum igitur medicorum
scripta percurrerem, plurimæque sese vndi-
que offerrent, in quibus meam faciliè collo-
carem operam: inter veterum monumenta,
nondū satis explicata, & difficilia omnium
iudicio semper habita, vna de crisi & crisi-
mis diebus *ωρῶν μάλιστα*, digna visa est, in qua
accuratiùs tractāda, optimus quisq; & veræ
artis studiosissimus, sese exerceret. Itaq; cum
hoc Crisimerologion, iam pridem medita-
tus essem, & apud me descriptum aliquan-
diu retinere, & perpolire cogitasset, ami-
cis aliquot clarissimi vestri ordinis, ostēdi:
quod ubi accuratè perlegissent, cunctationi
meæ strenuè occurrerunt, meque adhortati
sunt, ut, antequam vestri collegii ornamen-
tis afficerer, subito edendum curarem. Stu-
diosis, & his potissimū, quibus solida me-
dicorum antiquorum doctrina cordi est, hos
nostros labores, nec inutiles fore, nec ingra-
tos

tos affirmabant: cum præsertim, hæc de crisimis diebus *θωρία* obscurior, nondum veterū scriptis satis illustrata esset. Illud etiam addebāt, sine horum dierū notitia, artē medicam mancā esse, & medicos plurimū in medendo aberrare, & ægros plurimos, vitæ periculum subire. Quis enim victus rationem, pro morbi & crisæws ratione, vel tenuiorem, vel pleniorē, rectè præscriberet, ignoratis diebus crisimis? quopactò, an symptomata formidāda sint, an nō, dignoscere-
tur? Quid turpius medico, quā ut ex insperatō æger syncope prehendatur? Quāto magis, crisima symptomata vulgi instar pertimescere, ac conari opem ferre, aut instante Crisæws tempore ægrum remediis fatigare? Quapropter horum cohortationibus, hæc non solum in lucem prodire passus sum, sed etiam vobis dicare mihi audendum fuit, quæ, quāvis mihi minimè satisfaciant, cum, quibusdam præceptoribus nō displicere videam, reliquis, qui saltem, vel solam iuandi voluntatem, conatúsque semper meritò probare solent, grata fore confido. Quod si fortè nimiam confidēter, ne dicam licenter, tenuia hæc, amplissimo ordini vestro dicasse videbor, veniam mihi dari exoptem. Quis enim ignorat, non nisi maxima tanto ordini consecranda esse? Quis vestri collo-

* iii

gii ornamenta, aut animo æstimare pro dignitate, aut oratione cōsequi posset? Verūta-
men animū meum spes iudiciorū æquitatis,
sustētat, & confirmat: hæc sanè effecit, vt co-
natum operamque satis arduā, non posse nō
probari persuasum habeam, nec à seuerioris
iudicii (dum de iudiciis multa propono) cē-
sura, mihi metuendū esse existimē. Accipie-
tis igitur (viri prudētissimi) laborem hunc
nostrum eo animo, quo reliquorum studiis
fauere soletis: ac, pro summa vestra erudi-
tione eundem illum, qui se vestro iudicio
committit agnoscetis, qui non minus fauo-
re, atque ornamentis vestris illustrari, quàm
censura vestra confirmari cupit. Sanè qui-
dem laboris tædia, & contracta ex longis
meditationibus fastidia, molliuntur, cū ar-
tis, cui multos annos dedimus operam, anti-
fites, vigilias nostras, recto atque illustri be-
neuolētiæ iudicio insigniunt, ac ingenii fœ-
turam, propitiis suffragiis comprobāt. Mul-
tum etiam est, inquit ille, à laudatis viris lau-
dari: at ego non laudari, sed vel probari à vo-
bis, has nostras lucubratiunculas plurimi
profecto faciam: nec amicis quotidiano pe-
nè conuitio vrgentibus paruissē, me pœnite-
bit, & maiorem ad alia quæ molimur, clu-
cubrandā, & ea quæ habemus perpoliendā,
alacritatē, iniicietis. Ex Parisiensi Acade-
mia, anno à Christo nato 1566. Cal. Maiis.

CAPITVM LIBRI PRIMI

Elenchus.

Dies crifimos à veteribus medicis experientia deprehen-	
fos effe, & quanam fint.	Cap. i. pag. 1.
Dierum crifimorum differentia.	Cap. ii. pag. 4.
Dignitatis dierum cognitionem, ad morborum & cura-	
tiones, & folutiones multum conferre.	Cap. iii. pag. 7.
Cur Hippocrates aliter de crifimis diebus in Epidemiis,	
aliter in Aphorifmis, & prognofticis fcripferit.	Cap. iiii. pag. 10.
Quanam dies in prognofticis & Aphorifmis crifimi & cõ-	
templabiles fint, eorumque <i>κρίσιμος</i> ad 120.	Ca. v. pa. 21.
Quanam dies in Epidemiis, veris crifimis afcribantur, &	
cur intercitant.	Cap. vi. pag. 22.
Quodnã morbis principium afignandũ fit.	Ca. vii. pa. 29.
Primi & fecundi diei hiftoria.	Cap. viii. pag. 39.
Tertii diei hiftoria.	Cap. ix. pag. 43.
Quarti diei hiftoria.	Cap. x. pag. 47.
Quinti diei hiftoria.	Cap. xi. pag. 52.
Sexti diei hiftoria.	Cap. xii. pag. 57.
Septimi diei hiftoria.	Cap. xiii. pag. 13.
Octaui & decimi diei hiftoria.	Cap. xiiii. pag. 64.
Noni diei hiftoria.	Cap. xv. pag. 67.
Vndecimi diei hiftoria.	Cap. xvi. pag. 69.
Duodecimi decimifexti & deciminoni hift.	Ca. xvii. p. 72.
Decimitertii decimi quarti & 15. hift.	Cap. xviii. pag. 75.
Decimifeptimi & decimioctauo hift.	Cap. xix. pag. 81.
Vicesimi diei hift.	Cap. xx. pag. 87.
Dierum qui poft vicesimum funt ad 40. vſque hiftoria.	Cap. xxi. pag. 90.
Quadrageſimi 60. 80. 100. 120. hift.	Cap. xxii. pag. 94.

Σὺν, ἔν Ελπίς.

ELENCHVS CAPITVM

LIB. SECVNDI, IN QVO DE CAVSIS

DIERVM CRISIMORVM AGITVR.

Quid agendum, disputandumque hoc secundo libro.	
Item causarum genera.	Cap. i.
Causa materialis dierum crisimorum.	Cap. ii.
An dies crisimi in intemperie simplici animaduertendi sint.	Cap. iii.
An in morbis organicis solutione continui, tumoribus præter naturam symptomatis, dies crisimi observari debeant.	Cap. iiii.
Dubitationibus superioribus respondetur.	Cap. v.
De causa formali dierum crisimorum.	Cap. vi.
Eandem causam formalem in intermittentium accessibus esse seruandam, quæ dierum in continuis.	Cap. vii.
Cur quaternarii & septenarii, integris diebus non numerantur.	Cap. viii.
De tribus lunæ mensibus.	Cap. ix.
Cur Gal.ensem criticum introduxit.	Cap. x.
Aduersariorum Galeni obiectiones.	Cap. xi.
Rationes aduersariorum Galeni diluuntur.	Cap. xii.
Dierum Crisimorum causa efficiens externa.	Cap. xiii.
Solis in hæc inferiora vires: Item lunæ schematismi, ac eius vis in hæc inferiora.	Cap. xiiii.
Dierum Crisimorum causa efficiens, iuxta Astronomorum placita.	Cap. xv.
Quomodo cœlestia in hæc inferiora agant, & crisim efficiant, eamque interdum ad salutem, alias ad mortem.	Cap. xvi.
An cœlestia malam crisim efficiant, & quo pacto. Qua vi stellæ tanta distantia terrena afficiant.	Cap. xvii.
Aduersariorum Gal. obiectiones & dilutiones.	Cap. xviii.
Crisimorum dierum causa efficiens interna.	Cap. xix.
Intercidentium dierum ratio.	Cap. xx.
Comparatio dierum, & horarum crisimarum.	Cap. xxi.
Dierum Crisimorum causa finalis.	Cap. xxii.



ANT. PETITÆ I
A M B I A N I, D E R A T I O N E
 D I E R V M C R I S I M O R V M
 L I B E R P R I M V S.

Dies Crisimos à veteribus medicis experientia,
 deprehensos esse, & quinam sint.

C A P. I.



Dmirādus Hippocrates *Hippocrates*
 non primus solum, sed *primus natu-*
 etiam excellenter, crisi- *ram dierum*
 morum dierū naturam, *crisimorum*
 experientia (cui fiden- *cognouit.*
 dum est) deprehendit, *Experientia*
Hippocratis
fidendum.

atque causam generationis ipsorum indi-
 cavit. Archigenes diligenter in artis ope-
 ribus versatus, & huic superior Heraclides
 Tarentinus, ac insuper Philotimus, & Dio-
 cles, alique veteres, qui ante hos ab Hipp.
 diuino, multis iam annis elapsis, ingenio
 præstanti fluxerunt, huiusmodi dierum dif-
 ferentiam esse, obseruarunt, ac eorum spe-
 culationem quandam collegerunt. Tan-
 dem sequutus est Galenus, qui cū multos
 annos in eorum obseruatione consum-
 plisset, vt cætera omnia que usu, & expe-

*Galen. lib. 1.
 χρῖς. ἱμῖρ.*

*

A

rientia cognita habebat, ingenuè pateface-
re, ac literis mandare consueuerat, iniquissi-
mum esse arbitratus, veritati tenebras offun-
dere: Ita quę de Crisimis diebus veritati con-

*Gal. paterno
insomnio mo-
nitus, ab ado-
lescentia me-
dicina studio
se tradidit,
ac ab ipsa
etate descri-
ptos obser-
uauit.*

sentanea esse accuratissima experientia, per-
uestigatione, ac iudicio,prehenderat, ea
quoque scriptis tradere, non dubitauit. Ipse
equidem cum statim ab adolescentia Philo-
sophiæ studio captus, primùm se ad eam
contulisset, mox patris euidenti insomnio
monitus, ad medicinæ studium venisset, &

Vbi supra. vtrique studio re magis, quàm verbis incum-
beret, ab eo etiam tēpore Crisimos dies ob-
seruare se incēpisse scribit, vt ex sua ipsius
experientia quidpiam de eorum controuer-
sia certò statueret, & ipsorum differentiis pa-
tefactis, ortā inter antiquos, & suæ tempesta-
tis medicos, de ipsis litem dirimendam non
altercandi studio: sed cognitionis & scien-
tiæ verique inueniendi cupiditate, suscipe-

*Duplex cri-
simorum die-
rum defini-
tio.*

ret. Sunt autem crisimi dies in quibus firmę,
& plurimæ, cum perspicua excretionē, aut
abscessu insigni, mutationes fiunt: siue qui
primariam vim morbos iudicandi habent,

*Qua ratione
Græci hos
dies nuncu-
pare soleant:
Crisimorum,
siue Critico-
rum Etymon*

sed per accidēs quoddā. hi sanè dies Græcis
nō solum κρίσιμοι sed etiā κριτικὴ ἡ τοι κρί-
νσαι ἡμέραι dicuntur. ὁποῦ τὸ κρίνειν, quod
iudicare & decernere significat, vnde & iudi-
ciales dies, seu iudicatorii, iudicarii, plerisq;
decer-

decernentes, seu decretorii, aliis Critici, & *Quibus nom-
nibus hi dies,
apud latinos
efferi solent.*
Crisimi Græcis vocibus pro Latinis vsurpa-
tis, dicuntur. Nos modo his, modo illis voca-
bulis, in sequentibus vtemur. Per crisimos
autem dies, non solum propriè dicti acci-
piendi sunt, in quibus morborum iudicatio-
nes fiunt, & qui septimanas singulas termi-
nant: cuiusmodi sunt ad 40. vsque diem, hi
sex veri Crisimi: 7. 14. 20. 27. 34. 40. verum
etiam intelligendi sunt hi, quos Hippoc. &
Galea. *Ε'πισήλouis & Διωρηθας*, hoc est, indices,
& contemplabiles vocant, in quibus Cris-
furæ in alio quopiam Crisimo propriè di-
cto die, signū aliquod apparet, & qui primos
singularum hebdomadarū quaternarios fi-
niunt: hi etiam ad 40. vsque numero, sunt
sex 4. 11. 17. 24. 31. 37. hi verò, quanuis *Indices inter
dum crisimi
deprehendun-
tur.*
sua natura indices seu prænuntii sint, sit ta-
men nonnunquam ut iidem ipsi Crisimi
etiam deprehendantur.

A ii

TOT dierum crisimorum differentia sunt, quot & *crisew* existunt. Et quauis crises ipse diebus singulis, tam crisimis, quam non crisimis eueniant: numero tamen inter se pares non sunt, neque similiter fide. In criticis siquidem diebus plures sunt, & magis fide sunt. In non criticis pauciores, & minus fide. Sic crises quae in illis sunt, bonae ut plurimum sunt, cum mitioribus, leuioribusque symptomatis, perfectae, & indicibus diebus, & contemplatoriis praedicatae. Quae uero in his, contra, malae sunt, cum sauioribus symptomatis, & maiore cum certamine, deficientes, seu imperfectae, non praedicatae, sed *ἐξαφνίδιον τε καὶ ἀδοκήτως*, id est, repente, & ex improviso superuenientes, non indoctos modo, sed & peritissimos artifices fallentes. Itaque quilibet dierum numerus, ad decernendum idoneus existimari non debet. Experimento siquidem comprobatum est, in quibusdam diebus magis quam in aliis egrotantes a morbis cum subitis mutationibus liberari aut interire. Quemadmodum igitur sex in uniuersum *crisew* sunt differentiae: una enim *τελεία*, id est absoluta, alia *πιστή*, *βεβαία*, *ἀσφαλής*, fida, firma, secunda: aliqua *ἀκίνητος*, sine periculo: alia *σαφής*, manifesta: quaedam *εὐσημος* indicata: alia *ἀγαθή* bona seu

Gal. lib. 1.

*χρῖς. κρισιμ.*Indicationes
singulis die-
bus accidunt.In Crisimis
diebus plures
sunt crises.In criticis
diebus crises
sunt bonae, fi-
dae, indicatae,
manifestae,
sine periculo.In non criti-
cis contrariae,
tunc periti-
sum imperi-
ris medicis
se se proden-
tes.Quilibet die-
rum nume-
rus ad decer-
nendum ido-
neus non est.Gal. com. 36.
lib. 4. aph.Sex Crisew
differentia.

feu laudabilis: ita nonnulli dies plurimos iudicāt τελείως ἢ πολλάκις, πῶς βεβαίως ἢ ἀκινδύως, alii σαφῶς: quidam θεωρήτως, alii ἀγαθῶς.

Absoluta autem dicitur iudicatio, quæ in morbo nihil facit reliqui: firma, fida, secunda, certa, μηκέτι ἐπανδρομήν, siue quæ non amplius redit. Tuta quæ sine periculosis symptomatis accidit. Manifesta vocatur ea, cui excretio quædam, vel abscessus insignis, & conspicuus adest. Cum bonis & laudabilibus signis accidit, quæ ab indice præmonstrata est: bona denique est illa, quæ in sanitatem definit. Contrà vero, vt iudicatio alia ἀτελής id est imperfecta, ἄπιστος infida, κινδυνώδης periculosa, ἀσαφής obscura, ἀσίμος non præmonstrata, πρὸς κακὸν ad malum: ita dies aliqui ἀτελῶς καὶ σπανίως, quidam ἀβεβαίως ἀπῶς: alii μετακινδύη: alii ἀσαφῶς aut ἀσήμως, vel κακῶς decernūt. Imperfecta autem

Iudicatio absoluta, fida, firma, secunda, certa, tuta, manifesta, indicata, bona siue laudabilis.
Gal. L. 1.

χρὶς. ἡμερ.

Crisis vocatur, cum ex morbo fuerit quidpiam relictum, infida seu incerta ὅταν ὑποβόηται, siue cum morbi recidiua contingit.

Imperfecta Crisis, periculosa, obscura, non indicata, mala.

Periculosa, quæ cum grauibus symptomatis accidit. Obscura quæ citra excretionem, vel abscessum quempiam euidentem contingit. Sine signis fieri dicitur, quæ à nullo prior die fuerit indicata. Mala quæ πάντως εἰς ἀπολείαν τελεῖται ὅς ἐστιν ἄμνηστος. Cū igitur hæc ita se habeant maximam esse dierum inter se diffe-

A iii

rentiā, neque omnes dies vim iudicandi habere, constare existimo. Alii etenim sunt in quibus nemo vnquam, aut rarissimè iudicatur, vt 12. & 16. alii in quibus sæpissimè crises fiunt, vt 7. & 14. alii verò in quibus morbi cum sæuioribus symptomatis, & maximo periculo iudicantur, vt 5, & 8. Cæterum sex supra cōmemorata iudicationum differentia ad duas reuocari poterunt, si tot

Sex Criseon differentia ad duas reducta. Crisimorum dierum due in vniuersum differentia.

Quæ requiruntur vt crisimus dies vere dicatur

Primi dies qui. s. i. Criseon.

earū differentias, quot dierū crisimorū constituere voluerimus. Dierū enim crisimorū duæ in vniuersum differentia existunt. Alii siquidē Crisimi, sunt in quibus crises sæpius fieri solent, & iudicationis conditionibus prædictis dotati sunt. Alii verò non crisimi dicuntur in quibus crisis interdum vi morbi accidit. Verum non sat est rarò uidisse diem aliquem iudicantem morbos, vt is crisimus dicatur: sed oportet in illo crebro iudicationes fieri, præterea vt crisis sit bona, perfecta, secuta, manifesta, tuta, necnon præmonstrata. crebro autem iudicare uideri non possunt, primi & rari dies, eòq; crisimi simpliciter dicendi non sunt: sed cū adiectione crisimi rarò, aut etiam casu quodam iudicantes. Ne si absolutè crisimi vocentur, confusio pariat, & dierum crisimorum historia interturbetur. Primi autem dies vocantur ii, quos primus quaternarius

rius terminat. hi crebro non iudicant, quia *Die 4. variores sunt crises.*
 pauci morbi adeò acuti existunt, vt quatuor *Rari dies*
 primis diebus iudicari possint. Rari verò iudicantur, in quibus raro contingit iudicationem fieri, quales sunt octauus, & decimus, & quartus in acutissimis. Quis igitur vel septimum, vel undecimum, uel decimum-quartum, vel alios quosdam eis similes non dixerit decretorios, cum omnes notæ iudicationum in eis adsint?

Dignitatis dierum cognitionem, ad morborum & curationes, & solutiones multum conferre.

CAP. III.

EST autem crisimorum dierum natura quædam propria, & eximia: *Crisimorum dierum natura quædam eximia est. L. 1. xpit. xpit.*
 quare ipsorum cognitio ad curationes & solutiones morborum, non leue momentum adfert. Ad curationes quidem, quoniam si parùm fidis & minus dignis diebus, iudicationem euenisse medicus nouerit, ægroto timens, cautius ipsi cibum exhibeat: ne si forte incautius nutriuerit, magnopere lædat. Ad solutiones verò, quia si fidis, & præcipuis diebus quempiam iudicatum aduerterit, ipsum ægrotum non adeo suspectum habeat, aut ipsi timēs, tenuem videtur rationem etiam post biduum, à morbi solutione, præscribat. Contingit enim interdum, vt tanquam soluto integrè morbo, ægri *Non seruata post solutiones exacte victus ratione, multo grauior q̃ initio morbus reuertitur solet.*
 confidant, cibenturque inde negligentius,

A iiii

*Tis est ad
biduum usq;
diligentem
victus ratio-
nem seruare,
quantus mor-
bus iudica-
tus sit.*

*Gal. cōmē.
in lib. 1. οὐδὲ
διατ. οὐδὲ*

*Periculosa in
ratione vi-
ctus omnis su-
bita mutatio
Hip. statu 3.
lib. 1. epid.
Dies iudica-
torius ad iu-
dicationis fir-
mitatē con-
ducit.*

*Gal. li. 2. pro-
gnost. & li. 1.
πισ. ἡμερῶν*

& eius quæ per circuitum repetit accessio-
nis occasionem præbeant, sicque cum quasi
fidè solutus sit morbus neglectui, despe-
ctuiq; habitus fuerit, multò hic quàm antea
grauior euadit. Proinde tutum erit, etiamsi
morbus iudicatus fuerit, assuetā, & tenuem
uictus rationē non immutare ad duos usq;
dies, ut dicit Gal. Post hos dies plenius cibā
dus æger, ita tamen ut mutatio illa quæ ἀθ
ἐως fit, uitetur. Nā quàm formidāda sit om-
nis repentina in ratione uictus mutatio, qui
uis dignoscere potest ex Philonis filix histo-
ria lib. 1. epid. ascripta. Cui cū copiosa san-
guinis è naribus accidisset eruptio, qua ser-
uari debuisset, ut seruati fuerant, quibus eo
statu aliqua excretio contigisset, quia tamen
intempestiuus die septimo cœnauit, obiit
mortem. Quod Hippocrates laconica sui
uernaculi idiomatis breuitate sic explicat:
Φίλωνος γὰρ τῇ θυγατρὶ ἐν ῥινῶν λαυρὸν ἐρρύν, ἐξ ὁ-
μαίνῃ ᾗ ὥσα ἐδείπνησεν ἀκαχεστέρως, ἀπέθανεν.
Dies itaque stabilit & confirmat iudi-
cationem, eamque magis fidam & securam
facit. Nam si vniuersis aliis signis æqualiter
progressis decretorius tantum dies deside-
retur, & deficiat, multum sane de criscōs
fide deciditur: sin aliis decernendi signis
non admodum integris perfectisque de-
cretorium diem addideris, securæ solutio-
nis

nis morbi spem quandam concipies. Idcirco Hipp. lib. 3. prognosticor dicebat: Quibus febres cessant, neque cum signis solutio
 nis, neque in diebus decretoriis, reciduiam *Hipp. l. 3. prognost.*
 in eis expectare oportet. In Græcis codicibus, Galeni commentarius in hanc sententiam, restituendus videtur: alioqui Galenus non solum his, quæ à nobis dicta sunt ex eius doctrina, repugnaret: sed etiam sibi ipsi in eodem commetario, contradiceret: hunc etiam Galeni locum Laurentianus Græcos *Galenus locus in Græcis exemplaribus emendandus*
 codices sequutus, sic vertit: Quoties neutrum existat ex his quæ dixit, tunc expectare oportet reciduiam, non ubi alterum adfit, alterum desit. Quæ enim non ex ratione leuant, reciduiam facere consueuerunt, quanquam in diebus accidat decretoriis. At verò constat, vt hæc non ex ratione leuent, quæcumque & neque cum indiciis solutionis, neque in diebus desinant decretoriis. Itaque si negatiuæ loco copulatiua particula initio commentarii substituatur, sensus erit legitimus, ac Galenus ipse à contradictione vindicari poterit: quod obiter dictum sit. Cæterum citata hæc Hippoc. sententia, non parum confert ad victus rationem probè instituendam: si enim perfectè sanatus sit æger, ei vt sano præscribenda erit victus ratio: sin minus circumspectè agendum.

*Vt xgi pro
 8x.*

Gal. à contradictione vindicatur.

Accidit enim vt interdum melius se habere æger, citra tamen rationem, videatur, quem si morbo liberatum esse existimet medicus, ac tunc pro arburio, victus ratione vti egro permittat, magui mali autor erit. Proinde intelligere licet, nō alium esse, qui accuratè dies crisimos cognoscat, & qui rectam victus rationem instituat: sed in vnum & idem ambo coire necesse est, futurum alioqui vt alterum ab altero corrumpatur, cum alterum ab altero stabiliatur.

Quando medicus magni mali autor est.
Gal. L. 2.
Crisimos
Crisimos dies cognoscere, & victus rationem instituere, mutuis stant auxiliis.

Cur Hippocrates aliter de Crisimis diebus in Epidemiis, aliter in Aphorismis, & Prognosticis scripserit.

CAP. IIII.

Crisimorum dierum cum vsus, tum natura duplex Galen. lib. 2. αρισ. ἡμερ.

CVM duplex esset dierum crisimorum cum vsus, tum natura, eorum quoque duplicem disciplinam instituit Hippocrates. In Aphorismis siquidem & prognosticis eorum qui secundum quaterniones & hebdomadas inuicem connexi sunt, mentionem fecit. In primo verò Epidemiæ non solum eos dies qui per quaternarios & septenarios inuicem implicantur: sed & intercidentes etiam quosdam dies percurrit. Ipse equidem eos dies qui per quaternarios, & septenarios inuicem cōplexos, surgunt, ab intercidentibus natura differre depréhēdit, quod illi natura sua, si medicus, æger, ministri, in nullo delinquāt, & ritè externa

terna comparata sint, de morbis decernunt. Intercidentes verò nunquam, nisi erratis quibusdam cõmissis. Quin, vsu etiam differre voluit. Nam illi ad futuram iudicationem: intercidentes ad præteritam referuntur. Ad iudicationem futuram prænoscedam, solos quaternarios circuitus agnoscere sufficiet. Quippe nullo errato commissio, si insultus, qui per quaternarios fiunt præuideris, & quarto (verbi gratia) die signa quædã in vrinis, aut deiectionibus, aut iputis apparuerint, iudicationem septimo die futuram, prænuntiare poteris. Item, si vndecimo, 14. si 17. vicesimo. Sicque per solos quaternarios de futura iudicatione, omisissis intercidentibus, iudicium feres. Si verò de iam facta iudicatione, iudicium ferendum sit, cùm quaternionum, tùm etiam dierum intercidentium vim & facultatem perspectam habere oportet, & aduertere, num securior ea sit iudicatio quæ hoc, quàm quæ illo die intercidente euenit: vt (exempli causa) an securior ea sit quæ quinto, quàm quæ tertio, quæ item nono, quàm quæ octauo. Cùm igitur varium vsum, variamq; naturam dierum crisimorum deprehendisset Hippocrat. variè etiam de his diuersis in locis scripsit: & alibi aliter docuit. Et hoc sanè Hippocrati item viro veri studiosissimo, videtur accidisse: si

*Futura Cris-
is ut præco-
gnosceda.*

*De præteri-
ta crisi quo-
modo feren-
dum iudi-
cium.*

*Hippocrates
de crisim-
diebus dupli-
cem discipli-
nã reliquit.*

quid ex his quæ in primo epid. habentur, licet colligere. quo in loco multos dies in vnum congeffit, quorum in Prognosticis & Aphorismis nullam rationē habere comperitur. Prius enim libros Epidemiæ scripsit, dū adhuc speculationes artis experimentis exploraret, nec in vniuersum sententiā in his ferre, & quid tenendum esset statuere, auderet. Aliter verò post multos annos elapsos, quæ ipse longa experientia obseruauerat, paulò certiora scripsit, cū Aphorismos & Prognostica scriptis mandauit: Demonstratum nanque à Gal. est Epidemiæ libros Prognostico prius & Aphorismis scriptos esse, & memoriam rerum prius obseruatarum suggerere, siue illos commentariorum vim habere, in quibus cū semel ea latissimè primū tractantur, quæ tractanda suscipiuntur, si iterum etiam commētari volumus, ac inter commentandum nonnulla eorum quæ iam scriptis mandata sunt, repetere, cōsiliū est: multa eorum quæ latè dicta sunt, inculpatè omittūtur. Quamobrem cū Hippoc. Epidemiæ libros ante prognostica & Aphorismos velut commentarios conscripserit, mirū non videbitur, si quosdam crīsimos dies in Epidemiis recensuerit, quorum in Aphorismis & prognosticis non meminerit. Meritò igitur illic quidem

Lib. 2. xpi.

μep.

Epidemiæ
libros ante
prognostica
& aphorismos
scriptos
esse, & com-
mentariorum
vim habere.

dem omnes dies crisimos adscripsit, in his
 verò eos tantum, qui insigni facultate dotati
 sunt, & naturæ suæ ratione perfecti & insu-
 per non mediocrem usum ad futuri status,
 iudicii que prænotionem exhibent. Cur ita-
 que Hippocrates, non vnâ in omnibus li-
 bris suis decretorum dierum doctrinam
 tradiderit: iam liquidò constat. Porro cùm
 dixerimus aliter Hippocratem in prognosti-
 cis, & Aphorismis de diebus Crisimis, aliter
 in Epidemiis præcepta tradidisse, qui dies
 tùm pares, tùm impares in Epidemiis ab
 Hip. Crisimis ascribantur, quos in Apho-
 rismis & Prognosticis ademit, sequens Ta-
 bella indicabit.

Dies pares ex prognosticis	ιδ. κ. 14. 20.
Dies pares ex Aphorismis.	ιδ. λδ. 14. 34.
Dies pares ex primo Epid.	δ. ε. η. ι. ιδ. κη. λ. μη. ξ. π. ρ. 4. 6. 8. 10. 14. 28. 30. 48. 60. 80. 100.
Impares dies ex prognost.	ζ. ια. ιζ. 7. 11. 17.
Impares ex aphorismis.	γ. ε. ζ. θ. ια. ιζ. κα. κζ. λα. 3. 5. 7. 9. 11. 17. 21. 27. 31.
Dies impares ex Epidemiis.	γ. ε. ζ. θ. ια. ιζ. κα. κζ. λα. 3. 5. 7. 9. 11. 17. 21. 27. 31.

Aduertendum etiam est numerum dierum in Græcis codicibus varium reperiri. Nam codices Hip. & Germanici, & Venetiani lib. 1. Epid. Galeni item cod. ibidem habent π. ρ. id est 80. 100. verum in codicib. Gal. tum Aldino, tum Oporino, parium dierum numerus lib. 2. χρισ. ημερ. his designatur notis δ. ε. ι. ιδ. ιη. κ. κδ. κη. λ. λδ. μ. ξ. π. ρκ. vbi post. π. ι. 80. statim ρκ. id est 120. numerat, non 100. ibidē ordo alius margini codicis Basiliensis sic ascribitur δ. ε. η. ι. ιδ. κη. λ. μκ. ξ. π. κγμ ρ.

Quinam dies in prognosticis & Aphorismis Crisimi
& contemplabiles sint, eorumque κόσμος ad 120.

CAP. V.

Hippocrates de diebus criticis præcepta tradens in prognosticis, sic inquit: *Hipp. lib. 3. Prognost.*
Febres siue sanus ab his quis euadat, siue pereat, iisdem numero diebus, iudicantur. Vt enim saluberrimæ febres, quæ videlicet tutissimis fulciuntur notis, die quarto vel citius quiescere solent: ita malignissimæ quæque, & quibus periculosissima signa adfunt, die quarto, vel citius interficiunt. Primus itaque earum insultus ita finitur, secundus quaternarius in septimum diem producit, tertius in vndecimum, quartus in decimumquartum, quintus in decimumseptimum, sextus in vicesimum. Hi autem ex acutissimis morbis per quatuor in viginti ex additione proueniunt. Verum huiuscemodi supputatio, per dies integros fieri non potest, quoniam nec annus, nec menses ipsi integris numerantur diebus. Deinde eadem ratione, atque additione primus circuitus ad quatuor & triginta, alter ad quadraginta, tertius ad sexaginta dies perueniet. hoc loco per quaternarios & septimanas ad 20. numerando, ipsum procedere constat: ubi à 14. in 17. vnum definit quaternarium. hæc quidem ex Prognosticis. In Aphorismis

mis verò cùm prædixisset acutos morbos diebus 14. iudicari, mox infert: Septenorum quartus index est, alterius septimanæ octauus initium. Contemplatorius autem rursus vndecimus, hic enim quartus secundæ septimanæ. Contemplatorius iterum decimus septimus: hic enim quartus est à decimoquarto, septimus autem ab vndecimo. Atque in his duobus libris omnes dierum decretoriorum circuitus hebdomadis, & quaternionibus ascribit, è quibus sanè locis euidentissimum fit, tres septimanas Hippocratem innuere, quarum secundam à prima separandam esse voluit. Nam dixit, alterius septimanæ octauum diem initium esse. Tertia autem secundæ septimanæ copulatur, ait enim 17. esse quartum à 14. 7. ab 11. quod nō fieret, nisi 14. dies bis numeraretur, & postremus secundæ septimanæ dies, tertiæ quoque initium existeret. Hæc autem & separationem & connexionem in quaternariis obseruandam esse etiam innuit. Eos quoque quaternarios sua lingua *ὑποκρίσεις* & *διωρισμοί*, id est, contemplabiles & indices nominat, quòd quæ futura sint in diebus crifimis præcipuis indicent, & quòd in illis quales hi futuri sint, medicus contemplari possit. Nam quartus indicat 7. in 11. medicus contemplatur quid futurum sit 14. & 17. index

Hip. Aph. 24.
lib. 2.

Septimana
numerando
in uicē conne
ctenda, aut à
seipsis disiun
genda in or
dine dierum
à 14 surgen
tium.
Cur indices
& cōtempla
biles dicantur.

index est 20. Septimanæ vt separantur & copulantur: ita quaternarii cōiungendi aut seiunctim numerandi erunt. Prima itaque septimana vt à secunda seiungitur, ita tertius quaternarius à secundo separabitur. Nā tertius quaternarius secundæ septimanæ initiū existit, sic etiam & septimus quaternarius à sexto seiungitur, quoniam quartæ septimanæ, quæ à tertia separāda est, initium existit. Reliqui omnes quaternarii cōiunguntur, siue diem vnum habent cōmunem. Siquidem quaternarii ipsarum septimanarū inuicem coniūgendi sunt, tantum verò seiunctim numerandi erūt, vbi ipsæ septimanæ seiunguntur. Quemadmodū igitur secunda septimana à prima diducitur, nam ab octauo incipit die, & tertia secundæ copulatur, dies etenim 14. ambabus communis est, finis nempe vnus & initium alterius, vt etiam quarta septimana à tertia separatur, ea enim à 21. incipit, ita secundus quaternarius primo cōiungitur, dies namq; quartus finis est primi quaternarii, & initium secundi. Tertius verò quaternarius ratione seiūctionis ipsarum hebdomadarum à secundo dirimitur, quartus cum tertio cōmunem habet diem, nempe vndecimum, quintus item quarto copulatur ratione diei (vtpote 14.) secundæ & tertiæ septimanæ cōmunis. Sextus quinto con-

Prima septimana integra est, & primo quaternario tantum cum secundo coniungitur.

Secunda ultimo suo quaternario cum tertia copulatur.

Tertia non 21. sed 20. terminatur, & à quarta septimana separatur.

Quaternariorum connectio & separatio.

B

nectitur, quoniam 17. finit quintum quaternarium, & inchoat sextum. Septimus à sexto diducitur, quarta etenim septimana à tertia, quæ 20. die terminatur, seiungitur. Incipit enim à 21. die. Octauus quaternio, à septimo non separatur in 24. die. Nonus à 28. die, incipit, & ab octauo quaternario ratione separationis quintæ septimanæ separatur. Decimus quaternarius nono coniungitur in 31. die. Undecimus decimo coniungitur in 34. die ratione coniunctionis septimanarum. Duodecimus item, copulatur undecimo in 37. die. Nam iuxta Hippocratis doctrinam qualis est numerandi modus ad 20. diem, talis est à vicesimo ad quadragesimum. Quinta igitur septimana à 28. die incipit, & separatur à quarta. Sexta verò septimana, quintæ copulatur in 34. die, quo tempore finit quinta septimana, & inchoat sexta. Verum obiiciet fortasse quispiam quòd in prognostico sic scripsit: postea verò eodem modo iuxta eandem additionem, primus circuitus 34. dierum est: secundus 40. dierum, tertius 60. dierum. Ergo videretur ipse Hippocrates malè post 20. diē, 34. annuerasse, quum ante ipsum 34. ex precedentibus cōstet, 24. & 27. decretorios intermedios existere. Respondemus Hippocratem citato loco statim post 20. diem 14. annuerasse

Qualis numerandi modus ad 20. usque diem talis à 20. ad 40.

Quinta septimana cum sexta ultima sui parte connectitur. Sexta a septima etiam separatur. sic ad 18. septimanam & eius finem nempe 120. diem progrediendum. Obiectio. Solutio.

numeraſſe, & eius meminifſe, vt innueret ea-
 dē via poſt 20. nobis progrediendū eſſe, qua
 ante viceſimum procedebatur. Nam quem-
 admodum ex eius doctrina duas primas ſe-
 ptimanas eſſe ſeiungendas, & tertiam cum
 ſecunda coniungendam, & ſecundam ab 8.
 & tertiam a 14. die incipere ſupra oſtendi-
 mus: ita hoc præcitato loco Hip. docet a die
 34. qui 14. eſt à viceſimo, quo die finitur
 quinta ſeptimana, ſextam etiam ſeptimanā
 incipere. Deinceps vero poſt 40. ex 20. ſæ-
 pius aucto, iudiciū feret medicus per circui-
 tus perfectos, vt ſexageſimū 80. 100. centeſi
 mū viceſimū: hic vero cum quatuor conſtet
 menſibus, radix efficitur alterius ordinis
 qui per menſium quaterniones atque hebdo-
 madas numeratur. Morbi enim in longius
 procedentes neque quaternariis primis, ne-
 que ſeptenariis, qui quaternarii etiam vlti-
 mi dicuntur, neque item intercidentibus
 diebus iudicantur: ſed ſolis maximis & per-
 fectiſſimis circuitibus, qui ſoli in productis
 morbis vim ſuam retinent. Alii autem de-
 cretorii dies imbecilles, plane obſcurantur
 prout temporis progreſſu. Crifeæy vehe-
 mentia paulatim remittitur & languescit.
 Quod docet Gal. dum ſic ſcribit. Optimum
 eſt enim per differentias in morbis abs-
 tempore ductas, tantum earum exiſti-

*Circuitus per
 feſti.*

*120. dies qua-
 tuor menſes
 complectens
 alterius ordi-
 nis initium.*

*Non ſolum
 primorum
 quaternario-
 rum ſed &
 vltimorum
 vis in morbis
 inueteraſcen-
 tibus obſcura-
 tur & amit-
 titur.*

B ii

Gal. l. 3.
prognosticon

Gal. locus quo
modo intelli-
gendus.

Ut i febris
continuis dies
numerantur:
ita accessio-
nes in inter-
mittentibus,

Gal. 4. A-
phorif. & 3.
prognost.

mare esse numerum, quanta decretorio-
rum circuitio habetur: ut breuissimus qui-
dem primo circumscribatur quaternario,
postea vero is qui secundo, tum qui tertio,
deinde qui quarto, mox qui quinto, ac
demum qui sexto, qui quaternarius in diem
vicefimū deuenit: postea verò aboleri qua-
ternarios, fierique per septenarios iudicatio-
nes, deinde etiam hos aboleri procedente
tempore: ita ut per videnos dies morborum
efficiantur solutiones: postea ad mēsum nu-
merum deuenire. Quæ quidem Galeni di-
cta sic accipienda videntur, nisi morbus sit
complicatus, aut recidiva contingat, aut
mutatio in acutum morbum fiat. Cæterum
animaduertendum erit, talem esse numerum
accessionum in intermittentibus febribus,
qualis est numerus dierum in continuis. Ut
enim per continuas quartus dies septimi in-
dex est: ita in intermittentibus quarta acces-
sio septimæ index erit. Idcirco tertiana ex-
quisita septem periodis, non diebus septem,
natura sua iudicari solet.

CRISIMORVM LIB. I.

Κόσμος siue dierum Crisimorum, per minores, maiores, & perfectiss. periodos, in 120. auctorum, concinnitas.

MORBI INITIVM.		
Prima septimana.		Decima septimana.
1.2.3.4.		61.62.63.64.
4.5.6.7.		64.65.66.67.
Secunda.		Vndecima.
8.9.10.11.		68.69.70.71.
11.12.13.14.		71.72.73.74.
Tertia.		Duodecima.
14.15.16.17.	ἀκριβῶς τελεία	74.75.76.77.
17.18.19.20.	περίοδος	77.78.79.80.
Quarta.		Decimatertia.
21.22.23.24.		81.82.83.84.
24.25.26.27.		84.85.86.87.
Quinta.		Decimaquarta.
28.29.30.31.		88.89.90.91.
31.32.33.34.		91.92.93.94.
Sexta.		Decimaquinta.
34.35.36.37.	Summè perfectus circuitus.	94.95.96.97.
37.38.39.40.		97.98.99.100.
Septima.		Decimasexta.
41.42.43.44.		101.102.103.104.
44.45.46.47.		104.105.106.107.
Octaua.		Decimasextima.
48.49.50.51.		108.109.110.111.
51.52.53.54.		111.112.113.114.
Nona.		Decima octaua.
54.55.56.57.	ἀκριβῶς τελεία	114.115.116.117.
57.58.59.60.	περίοδος	117.118.119.120.

Quinam dies in Epidemiis veris Crisimis ascribantur,
& cur intercidant.

CAP. VI.

Lib. 1. sect. 3.

Hippocrates in Epidemiis aliam dierum Crisimorum doctrinam instituens, sic omnium ordine meminit:

Quæ diebus paribus exacerbantur, paribus, iudicantur, quorum verò accessiones diebus imparibus fiunt, diebus imparibus iudicantur. Est autem primus iudicatorius circuitum qui diebus paribus iudicant, quartus, sextus, octauus, decimus, decimusquartus, vicequintus, trigessimus, quadragessimus octauus, sexagesimus, octogessimus & centesimus. Primus verò iudicatorius circuitum qui diebus imparibus iudicant, tertius, quintus, septimus, nonus, undecimus, septimusdecimus, primus & vigessimus, vigessimusseptimus & trigessimusprimus. In hac

Lib. 1. Epid.

sententia primum diem ex paribus quartum esse ait, deinde 6. mox in pluribus exemplaribus scriptus est octauus, deinceps decimus. In aliis 14. post sextum numeratur: deinde vicequintus, & post hunc in quibusdam 24. in aliis 34. ab hoc quadragessimus, deinde 60. deinceps 80. & centesimus. In morbis autem qui diebus imparibus iudicantur, primum ait circuitum esse tertium, deinde quintum, mox septimum, deinde nonum,

*De dierum ci-
tate Hip. sen-
tentia nume-
ro, varia re-
periuntur
exemplaria
Græca.*

Κόσμος siue dierum Crisimorum, per minores, maiores, & perfectiss. periodos, in 120. auctorum, concinnitas.

MORBI INITIVM.			
Prima septimana.		Decima septimana.	
1.2.3.4.		61.62.63.64.	
4.5.6.7.		64.65.66.67.	
Secunda.		Vndecima.	
8.9.10.11.		68.69.70.71.	
11.12.13.14.		71.72.73.74.	
Tertia.		Duodecima.	
14.15.16.17.	ἀρχὴς τελεία	74.75.76.77.	Summè perfe
17.18.19.20.	περίοδος	77.78.79.80.	ctus circuitus
Quarta.		Decimatertia.	
21.22.23.24.		81.82.83.84.	
24.25.26.27.		84.85.86.87.	
Quinta.		Decimaquarta.	
28.29.30.31.		88.89.90.91.	
31.32.33.34.		91.92.93.94.	
Sexta.		Decimaquinta.	
34.35.36.37.	Summè perfe	94.95.96.97.	ἀρχὴς τελεία
37.38.39.40.	ctus circuitus.	97.98.99.100.	περίοδος
Septima.		Decimasexta.	
41.42.43.44.		101.102.103.104.	
44.45.46.47.		104.105.106.107.	
Octaua.		Decimasextima.	
48.49.50.51.		108.109.110.111.	
51.52.53.54.		111.112.113.114.	
Nona.		Decima octaua.	
54.55.56.57.	ἀρχὴς τελεία	114.115.116.117.	Maximus &
57.58.59.60.	περίοδος	117.118.119.120.	perfectissim ⁹
			circuitus.

Quinam dies in Epidemiis veris Crifimis ascribantur,
& cur intercidant.

CAP. VI.

Lib. 1. sect. 3.

Hippocrates in Epidemiis aliam dierum Crifimorum doctrinam instituens, sic omnium ordine meminit:

Quæ diebus paribus exacerbantur, paribus, iudicantur, quorum verò accessiones diebus imparibus fiunt, diebus imparibus iudicantur. Est autem primus iudicatorius circuituum qui diebus paribus iudicant, quartus, sextus, octauus, decimus, decimusquartus, vicesimus octauus, trigessimus, quadragesimus octauus, sexagesimus, octogesimus & centesimus. Primus verò iudicatorius circuituum qui diebus imparibus iudicant, tertius, quintus, septimus, nonus, undecimus, septimusdecimus, primus & vigesimus, vigesimusseptimus & trigessimus primus. In hac

Lib. 1. Epid.

*De dierum ci-
tate Hip. sen-
tentia nume-
ro, varia re-
periuntur
exemplaria
Græcæ.*

sententia primum diem ex paribus quartum esse ait, deinde 6. mox in pluribus exemplaribus scriptus est octauus, deinceps decimus. In aliis 14. post sextum numeratur: deinde vicesimus, & post hunc in quibusdam 24. in aliis 34. ab hoc quadragesimus, deinde 60. deinceps 80. & centesimus. In morbis autem qui diebus imparibus iudicantur, primum ait circuitum esse tertium, deinde quintum, mox septimum, deinde nonum,

postea vndecimū, deinde 17. postea 21. mox
 27. à quo tricesimū primū. Hac itaque ora-
 tione constat Hippocratem non solum hos
 dies qui magnam decernendi vim habent,
 & in quibus si nullum committatur erra-
 tum, semper iudicatio fit, enumerare: sed
 etiam vnā cum veris his diebus *παρμαναῖας* *Id est inter-*
μέρας, recensere. Continentur enim inter *cidetes dies.*
 crisimos veros intercidentes dies, ita voca-
 ti, siue prouocatorii, cuiusmodi sunt tertius
 de morbis decernens, dum iudicationem
 eam quæ quarto die fieri debet præuertit, &
 quintus, dum illum qui ex quarto die in
 quintum excidit iudicat, sunt etiam inter-
 cidentes ex paribus diebus ad vicesimum vs-
 que procedendo, sextus, octauus & in qui-
 busdam codicibus decimus, & decimus-
 octauus, sextus enim plurimos egrotantes
 ad malum iudicat, dum futuram iudicatio-
 nem in septimo, anticipat. Nonus quoque
 quosdam iudicat, raro octauus, & 13. Præ-
 terea 18. & 21. iudicant, minus tamen quàm
 17, aut 20. ratione quaternionum & hebdo-
 madarum. tertius quoque & quintus, iuxta
 Galeni sententiam, meritò iudicant, non
 quod *τῆς παννυχῆς περιόδου λόγῳ* id est ratione lu-
 naris circuitus, vim & facultatem decernen-
 di fortiantur: sed quod vel tertius *ἢ παροξισμῶ*
βίᾳ id est accessionis violētia, iudicationem

B iiii

*Intercidētes
ratione mo-
tus materia
potius quā lu-
naris circui-
tus, de mor-
bis decernūt.
l. 3. xpi. n. p.*

quarto die futuram præoccupat, vel profe-
cto quod dum natura quarto die laesa, nec
vsquam concitata conquiescit, quinto tan-
dem ad iudicationem commouetur. 5. enim
crisimo vero tardius decernere 3. vero pau-
lo magis anticipare, experientia comproba-
tur. Ambo autem idcirco vim decernendi
habent, quod cum sint vero crisimo proxi-
mi, eius ipsius excipiunt accessiones, quæ de
eorum numero sunt, quæ naturam stimulant,
& veluti prouocant, eam nec consistere, nec
conquiescere permittentes, verum concitan-
tes, irritantesque, & quasi dixeris pugnam
indicentes, vnde cum in morbis acutis ac-
cessiones fiant, in imparibus diebus, in ipsis
fiunt iudicationes. Tertius itaque & quin-
tus coincidunt, quod iudicationes cum ac-
cessionibus fiunt, huius rei causa haud ob-
scura est. Nam perturbationis vehementia,
naturam, ea quæ ipsam molestant, etiam ante
tempus propellere compellit. Tempus au-
tem actionis huius tum incipit ubi primum
alteratrix facultas cessat. Tunc enim facul-
tas expultrix functionem suam obit, rebus
omnibus secundum naturam factis, cum al-
teratrix functionem suam obire desiit. Ve-
rum aliquantò ante perfectam coctionem,
quæ noxia sunt & molesta amoliri & pro-
pellere cogitur, vt & aliquando etiam com-

*Cur. 3. & 5.
coincidunt.*

*Expultrice
facultate a
magno hu-
morum vitio
& copia, in
morborum in-
sultibus irri-
tata, prama-
tura fit iudi-
catio.*

pleta iam & absoluta coctione cunctatur, ac
 præ imbecillitate suum lentè munus obit.
 Vtraque vero hæc in ventriculo clarè per-
 spicere licet. Irritatus enim & stimulatus, co-
 ctionis tempus non expectat: sed protinus
 etiam id quod benignum est & familiare,
 vna cum eo quod molestat, excernit. Haud
 aliter ac plerunque etiam eius quod iam sa-
 tis concoctum est, superfluum præ imbecil-
 litate cunctatur expellere. At cum is secun-
 dum naturam habet, perfectæ coctionis tem-
 pus idem ipse est, & terminus expulsionis
 excrementorum, quem neque anteuertit,
 neque cum iam præsens adest, retardat.
 Cæterum vt in ventriculo, sic in singulis to-
 tius corporis partibus facultas quædam alie
 norum expultrix est, quæ eadem crises in
 morbis efficit quæ idcirco tum optimæ con-
 tingunt, cum iam omnia in animantis cor-
 pore fuerint concocta. Crisim autem præue-
 nire (sic enim *προσπρηγνυµεν* quasi prærumpere
 dicas, appellare consuevit Hippocrates) per-
 nicio sum est. Nam tum benigna & vtilia
 vna cū his quæ etiam molestant excernuntur,
 fitque hoc natura incitata, vel ab exteriori
 quopiã, vel ab iis quæ in ipso corpore con-
 clusa detinentur. Extrinsecus vero est, cū
 medicus, qui parum recte quid fecerit, tum
 vero & ægrotus & ministri, nec non & alia

l. 3. de natur.

facult. 5, lo-

cor. malè aff.

Crisis quan-

do optima

contingunt

l. 3. Criseon.

Hip, eodem

sensu *προ-**πρηγνυµεν* præ-

tulit l. 2. epid

& libr.

προσπρηγνυµεν

quæ propriè exteriora nominantur. In ipso
verò corpore sunt morbi ipsi, horum causæ, &
accessiones, iam verò & nonus etiam in me-
dio duorum crifimorum septimi, inquam &
vndecimi collocatus, vel non factam in se-
ptimo iudicationem, vel in vndecimo futu-
ram sibi vendicat, sed rarius quidem septi-
mi, frequenter verò vndecimi. Etenim pecu-
liaris & propria septimi diei iudicatio nun-
quam ad nonum, nisi fortè multis erroribus
commisisis peruenit. At vndecimi diei iudi-
catio, contra se habet. In hoc enim fit iudi-
catio etiam, cùm omnia ritè acta fuerint, &
nō diei violenta fuerit accessio. Porrò quod
eiusmodi dies propter vehementissimas ac-
cessiones intercident, euidenti demonstra-
tione hinc colligi potest, quod in productis
morbis nō similiter eueniant. Nam in pro-
ductis vt accessionum vehementia languet-
cit, ita & dierum intercidentium numerus
minuitur. Sic rursus accessionis vehemen-
tia iudicationem alio quàm statu, tempore
fieri compellit. Quare in omnibus ferè die-
bus peracutos morbos iudicari videre li-
ceat, quod in secūda septimana non euenit,
& in tertia adhuc minus, in quarta rarius,
quoniam morbi peracuti primis septem die-
bus finiuntur. supremus enim ipsorum dies
decernere natus septim⁹ est, ante quem non

*Cur ob acces-
sionum vio-
lentiam dies
intercident.*

*Crises in ac-
cessionibus
fiunt humori-
bus ita conci-
tatis vt velu-
ti ebullientes
erumpant.*

quartus modo, sed & alii dies iudicationem excipiunt, in secūda autem septimana, aliisque sequentibus, cum morbi non sint adeo acuti, ideo tam citò ex humorum motu iudicationes non fiunt. In primis etiam morbi diebus iudicationes in imparibus diebus potius euenire, in productis vero potius in diebus paribus cōtingere innuit Hip. dū ait: Quæ diebus exacerbatur paribus, iisdem iudicantur, quorū vero accessiones diebus imparibus, fiunt diebus imparibus iudicantur, sed de his lib. secundo. Dubitaret hic fortasse quispiam cur hipp. scripserit acutos imparibus diebus accessiones habere, quum acutorum morborum accessiones continuæ existant, ac si impares quantum ad accessiones spectat, paribus præferatur, & grauius affligant. Huic quæstioni satisfacere poteris, si duplicem continuarum febrium seu acutorum morborum adferas differentiam, vnam eorum quorum vnica tantum est accessio, seu qui à principio vsque ad iudicationem semper similes manent, & in quibus tam pares quàm impares ægros affligūt: Altera differentia eorū acutorum est, qui tertio quoque die accessionū exacerbationes obtinent: seu qui licet in quietē febre vacantem, priusquàm omnino iudicentur, non desinant, aliquam tamen sensibilem remissionē habent, quàm

*Adeo visum
ti quid habes
accessionis
vehementia:
ut omnibus
fere diebus
prima septi-
mana crises
accidant
quod in 2. nō
fit & minus
in 4. & 5. se-
ptimana.
In longis
morbus crises
in paribus
fiunt,
L. 1. epid*

*An acutorū
morborum
accessiones
continue sint
Dubitatio.
Solutio.
Continuariū
febrium seu
acutorum
morborum
duplex genus
l. 2. Criseon.*

accessionis exacerbatio excipit: de hac secūda acutorum morborum differentia, Hippocratis verba intelligenda sunt. Porro cum hæc ita ut suprà dictū est, se habere non dubitaret Hippocrates, eius cōsiliū fuisse existimo, non tantum eos dies qui magnam iudicandi vim obtinent, in epidemiis recensere: sed simul cum veris crisimis, intercidentes (quorum in acutis morbis non exigua etiam habenda ratio est) enumerare. Iccirco mirum quoque non videbitur, si in Epidemiis aliter, quàm in Aphor. & Prog. scripserit, duplicemque doctrinam de hisce diebus tradiderit.

Qui dies ad 40. vsque, præter indices & decretorios veros, ab Hip. in Epid. recēsentur

indices sex.	4. 11. 17. 24. 31. 37.
Crisimi sex.	7. 14. 20. 27. 34. 40.
Intercidentes, tum pares, tum impares decem.	3. 5. 6. 8. 9. 10. 13. 18. 21. 30.

Quodnam morbis principium assignandum sit

CAP. VII.

ANtequam dierum crisimorum historias percurramus, prius quodnam morbo principium assignari oporteat, inquirendum videtur: ut inde dierum ordo, & supputatio deriuetur. Principium morbi, ab ægri decubitu constituere, rationi non est consentaneum. Etenim fere fit ut imbecillis quispiam, ac paulò delicatior & leui de causa suspiciosus, statim decumbat: contrà vero robustior aliquis, & morbum facilius ferens, vel quia abs sedibus domesticis procul abest, vel quia in aliquo ciuili negotio occupatus est, vel ob alias eiusmodi causas, nondum potest decubuisse, licet malè affectus sit, neque etiam primus morbi insultus principium morbi existit. Nam ferè est insensibile, & ratione potius contemplabile. At, Asclepiadarum medicina non est eiusmodi: ratione siquidem contemplabiles morbos neque dignoscere, neque curare illi dignati sunt: at sensibiles, & manifestos potissimum, cum acuti fuerint, in quibus vel maximè dierum decretoriorum consideratio, necessaria est. Sane quemadmodum omnium medicorum diligentissimus Hippocrates, vniuersa hæc cum obseruasset, memoriæ prodidit, plurimos de-repente nullo sibi

*Morbi principium.**Qui tardius
qui citius
leant decum-
bere.**lib. 1. xpi-
nup.**A sensibili &
manifesto i-
nitio, dicunt
crisimorum
ratio ineun-
da.**Iudicationes
pendent ab eo
tempore quo
quis insigni-
ter febricitat.*

antea oborto symptomate, nonnullos vero stantes, & rectos, grauius habentes febricitare incepisse: ita & iudicationes manare & proficisci ab eo primo die quo febricitant homines, non ab illo quo primum cibos fastidiunt, aut capitis grauitatem sentiunt, aut segnes, & ad motum pigri fiunt, aut

Quidam de repente morbo corripuntur alii prius erecti & stantes grauius habent.

eiusmodi quidpiam patiuntur obseruauit. Proinde cœnatos pleròsque, facilèque se ad cibum habentes, & exercitatos, & lotos de repente morbum corripuisse, Hippocrates de multis egris scriptum reliquit: ipse etiam de aliis ægrotis contrà, priusquam ægrota-re inciperent, etiam erectos & stantes (quo tempore nondum νοσῆντες, sed ἐνοχλῶντας ὀρθῶς αἰδῶν vocat) grauius habuisse, scribere con-

Qui ægroti primo morbi die febricitare inceperint Erasimus ægrotus 8. stat. 3. l. 1. Epid.

sueuit. Nam statu 3. lib. 1. Epid. Erasimum, qui iuxta Bootæ torrentem habitabat, à cœna igne correptum fuisse refert. Phreniticum item, qui ordine quartus est æger, statu 3. lib. 3. Epidem. Primo die, febre hor-

Phreniticus ægrotus 4. stat. 3. lib. 3. Epid. Caluus in larissa ibid.

rida vexatum iacuisse scribit. Item Caluum in larissa fœmur dextrum de repente doluisse, ac primo die febre acuta prehen-

Mulier ex abortiuo fœtu. 1. 3. epid. Pythio ibid.

sum esse ibidem commemorat. Sic mulierem ex abortiuo fœtu, circum Pantimidem primo die ignēprehendisse narrat, Pythiona quoque qui prope Telluris sacrum habitabat, primo die tremore manuum & febre acuta

acuta prehensum esse recēset . Sic mulierem illam in Cyzico, quæ gemellas puellas peperit, & quæ non admodum purgata est, primo die febre horrida, acuta, correptam fuisse dicit. Contrà verò lib. 1. Epid. sic scribit: ἐπάρματα δὲ καὶ τὰ ὤτα, πολλοῖσιν ἐπερόερον καὶ ἁμφοτέρων τοῖσι πλείστοισιν ἀπύροισιν ἀρδοσάδων. id est, multis autem ad alteram aurem tumores erant, plurimis ad vtramque non febricitantibus & rectis. Hoc loco Gal. ὁρδοσάδων ἀνθρώπους ἐνοχλεῖται. exponit ita à tumoribus fuisse afflictos, vt eas tamen ferrent sine tristitia, obambulantes & consueta obeuntes munera, & vt in vehementibus morbis, iacere opus non habentes. Hipp. etiam lib. 3. Epid. eum qui in Dealcis orto iacebat diutius capitis grauitate affectum fuisse, dextròque tempore dolētem cum occasione igne prehensum fuisse, ac iacuisse scribit . Sic Apollonius in Abderis, ὁρδοσάδων ὑπερέβατο χρόνον πόλιν : id est, rectus longo tempore sufferebatur. Item statu 2. lib. 1. Epid. refert Hippoc. In æstate, & autumno, lienterias, dysenterias & tinesmos & diarrhœas, Thasios corripuisse, ac subiungit, ἔχοντο δὲ ταῦτα πολλοῖσιν ὁρδοσάδων ἀπύροισιν πολλοῖσι δὲ πυρετοῦσιν, id est, fiebāt hæc multis rectis & febre carentibus, multis & febricitantibus . Principium igitur morbi id tempus constituendum est, quo febris adeò insigniter

Mulier in Cyzico. 3. Epi.

*ὁρδοσάδων
ἐνοχλεῖται
quid.*

Qui in Dealcis orto iacebat. ubi supra.

Apollonius in Abderis. ibid.

*Obiectio**l. j. Prognost.**Solutio.*

In causa antecedente existentes humores, febris causa coniuncta induunt.

Quamuis in quibusdam parturienti - bus febris se - se non prodat

insigniter actiones lædit, vt homo non amplius rectus stare valeat, sed decumbere cogatur. Verum quispiam fortasse aduersus ea inferret, perperam igitur Hippocratem in Prognosticis docere, ab hora partus cum nondum febre corripitur enixa, supputationem dierum incundam esse, nam eo loci principium numerationis fieri vult, non quo die cœperint febricitare mulieres, vt secundo aut tertio à partu, sed co ipso die quo pepererint. & Gal. ibidem ait principium numerationis tibi fiat, non quo die cœperint febricitare, sed quo pepererint. In quibusdam igitur circa secundum, aut tertium incipiunt diem à partu, ex quo multi numerant futuram crîsim, at res non ita se habet: sed ex quo pepererint, dierum numerationem fieri oportet. Sic responderi posse videtur morbos potissimum iudicari, quum humorum agitatio adest: verum in puerperis, agitatio humorû magis partum quàm febrem comitatur: quâdoquidem in partu humores prauis, diutius in parturiētis corpore accumulati & quiescētes, plurimû in partu commouentur & agitantur. Cùm autem humorum turbationis, & excretionis motus, in ipso partus tempore initium adsit, æquum erit sequentes dies ab eo partus die deriuare, ac futuram iudicationem per

per excretionem aut abscessum ex ipso par-
 tu, non febre numerare. Cùm itaque in die-
 bus ad partum analogiam habentibus hu-
 mores ad iudicationem siue excretionem
 maximè moueantur, ab his supputatio exor-
 dienda videtur: idque tùm in partu naturali
 tùm non naturali obseruandum. Neque
 tamen duplex supputatio incunda, vna à die
 partus, altera à die febris: vt nonnulli existi-
 marunt, rem enim nō ita se habere vult Ga-
 lenus: sed ex quo pepererint numerationem
 fieri oportere dierū ait his verbis: καθ' ὥς ἡ με-
 ρη ἀποκύνει ἢ ἀρχὴ τῆς ἐξαριθμίσσεως γινέσθω σοι, μὴ
 καθ' ὥς ἡρέξατο πύρεττιν. verbi gratia si quæ-
 piam enixa secundo à partu die febre corri-
 piatur, & illius febris iudicationem vndeci-
 mo die futuram medicus prænouerit, dupli-
 ci supputatione vtendum non erit. Alioqui
 enim ratione febris iudicatio x. die expe-
 ctanda esset, ratione verò partus in 10. at de-
 cimum de morbis non decernere constabit
 ex his quæ postea dicemus. Præterea si me-
 dicus præuiderit febris futurā crisim 17 die,
 ratione partus 16. die eueniret, alia in 19. re-
 cideret, quæ 20. expectatur: atqui hoc fieri nō
 posse, nec hos dies crisimos esse infra ostēde-
 mus: idcirco duplici cōputatione vtendū nō
 erit. Cæterum partus non iudicat citam aut
 tardam crisim, sed sola morbi species, cum

sed ob dolo-
 rum aliorū
 symptoma-
 tu. pregnati
 cōtingetium
 vehementia
 quodammo-
 do obscure-
 tur, sedatis
 tamen vche-
 mentioribus do-
 loribus febris
 ipsa tandem
 sese profert
 ac pro ratio-
 ne humoris
 eam commit-
 tentis statis
 temporibus
 recurrit aut
 continuè eni-
 xam infes-
 tat.

Duplici sup-
 putatione v-
 tendum non
 est, vt vna à
 febre, altera
 a puerperia
 fiat.

Recentiorū
 opinionis re-
 futatio.

Rationes,

*

C

*Consideratio
à febre, sup-
putatio qua
unica est, à
die partus su-
mitur.*

vehementia, more, motu & aliis. Verùm ne videamur ab Hipp. discedere, dicemus considerationem quidem à febre sumendam esse, supputationem verò, quam vnicam esse diximus, à die puerperii exordiendam. Considerandum enim erit an morbus peracutus sit, an acutus: si non exactè peracutus sit morbus, qui 7. die desinat, is dies non à febre, sed à die partus 7. erit: si vero secundo à partu die, febre exacte peracuta corripiatur mulier, febris hæc quarto die, aut tertio à partu desinet: si autem acutus sit qui intra 14. iudicari debeat, dies erit 14. à partu non à febre: Quæ quidem intelligenda videntur in his febribus, quæ agitatæ & commotis adhuc humoribus 2. aut 3. die à partuprehendunt: In his etenim motus humorum febrem committentium, motum in puerperii die factum comitari potest, in aliis verò minimè, si febris acuta fiat. Nam si die 6. à partu mulier in febrē 7. die iudicandam incidat, 7. ille dies à partu numerandus non erit, humorum enim motus validissimus qui in partu fit, tãdiu non durat, vt eum sequi possit iudicatio febris: his accedit quòd 7. hic dies secundus esset dies febris, quo quidem die morbus ex

*In Thaso
Philini vxor
statu 3. l.
1. Epid.*

sua natura non iudicatur. Doctrinæ Hippo. hæc consentanea esse patet, ex historia Philini vxoris lib. 1. Epid. quam 14. die à partu

cum purgata rectè esset, & cætera bene haberent, ignem cum rigore eam prehensisse narrat Hipp. Deinde dies crisimos, & præter hos sextū recensens à 14. die, vigesimo eam obiisse affirmat, ex qua quidem historia constat Hippocratem non exordiri supputationem à partu, sed à die febris, alioqui sextus fuisset 19. & septimus vicesimus, & dies in quo obiisset 33. at tricesimustertius non est criticus, sed 34. Verum enim vero enumerationem criticorum dierum interdum, licet rarissimè, à febre, siue morbo, nō à partu exordiri negandum non crit. vt constat libro 1. Epid. ex historia vxoris Epicratis, hæc cum filiam peperisset, secundo die à partu febris acuta eam inuasit, & ab eo die, omnem deduxit supputationem. Hipp. historię initium eiusmodi est. Epicratis vxor, quæ ægrotabat apud Archegetem instante iam partu, rigore correpta est, non incaluit vt ferebant: postridie eadem erant, tertio die filiam peperit, cæteraque rite consecuta sunt: postridie partus eam febris acuta inuasit, cordis dolor & muliebrium, nulli erāt somni: per suppositam glandem hæc leuiora facta sunt, sed caput, collum & lumbi dolebant: alius pauca biliosa, nō cōcreta, mera, vrinæ tenues subnigræ, sexto die, qua illam febris corripuerat, sub noctem delirauit: septimo omnia ex-

Licet aliquādo, raro tantum sit, vt indicatio aliqua facta à die febris computationem, nō eam quæ à partu sit, sequatur.

Vxor Epicratis l. 1. Epid.

*

C ii

acerbata, vigilæ delirauit, sitibunda, deiectiones omnes synceræ, biliosæ &c: atque ita usque ad octogesimum à febre, non ab hora partus dies connumerat. In historia etiam

*Dromeada
vxor.
L. I. epid.*

Dromeadae vxoris, omnem computationem exorditur à die febris, non à puerperio. sic enim ait: Dromeadae vxorem quæ filiâ erat enixa, cæteris rite consecutis, postridie rigor cœpit, febris acuta. Primo die ex præcordiis laborare cœpit, fastidiosa, horrens, implacida: sequentibus diebus, somnum non cœpit, spiritus rarus, magnus, præcordia statim reuulsa, postridie eius dici, quo riguerat, aluum commodè reddidit, vrinæ crassæ, albæ, turbidæ, cuiusmodi sunt quæ in matellis diu steterunt, cum agitantur non subsidebant, nocte non dormiuit, tertio die circa meridiem riguit, tandem sexto die illam mortuam fuisse affirmat. Quo fit vt manifestum sit Hip. docere nos dierum crifimorū enumerationem à febre, vel à morbo esse interdum inchoandam. Neque tamen sibi con-

*Hippocrates
à contradi-
ctione vindi-
catur.*

tradicit, nec mirum esse debet, si secus acciderit in his duabus mulieribus. Nam quæadmodum nonnunquam, licet rarò, accidit vt 13. iudicentur morbi acuti, & anteuertât 14. qui eorum terminus est, itémque contingit vt in 21. protendantur morbi, qui 20. die iudicandi erant: ita in enixis accidit vt criti-

ci dies, qui à puerperio numerandi forent,
 ab ipsa febre nonnunquam, quamuis rarif- *Quod sæpè*
 fimè, numerentur. Quod autem sæpè fit *ut verum ac*
 in arte medica, vt verum est accipiendum, *est.*
 quamuis non semper eodem modo id eue-
 niat, sed rarò aliquando aliter accidat, vt te-
 statur Gal. com. 58. lib. 6. aphor. dicens. Si
 quis verò aliquando vidit omentum quod
 paruo tempore extra prodierit, & deinde ad
 suum locum reductum, non putruerit, per-
 petuum quidem non esse probabit Hippo-
 cratis enuntiationem: illud ramen seruabit,
 quod magna ex parte solet accidere, & cõ-
 mune est huic aphorismo, ad alios ab Hip-
 pocrate dictos perpetuum quoddam ex fi-
 gura dictionis ostendente, quamuis res ipsæ *Hinc illud.*
 non semper eodem modo eueniant, sed ra- *vniversale*
 ro aliquando aliter accidant. Itaque si quis *medicorum*
 contentionis æstu historiis citatis sibi repu- *in multis ve-*
 gnare Hipp. probare conaretur, promptum *ritatem ha-*
 & facilè esset respõdere, rarum quidem hoc *bet.*
 esse, aliud sæpissimè accidere consueuisse.
 Quinetiam Hipp. id solum quod plerumque *Hippocrates*
 oculis vsurpauit, pronuntiat, nulla habita ra- *quod crebro*
 tione eius quod raro accidit. Non sunt igi- *oculis usur-*
 tur morborum principia ex contemplabili *pauit, enun-*
 quopiam, & rationi innixa coniectura, sed *ciat, omittēs*
 ex ipsa energia, & actione auspicanda, cum *quod raro fit.*
 primum scilicet æger ipse morbum sic se in-

*Principium
recidivæ à
principii
morbi prin-
cipio quan-
do sumendū.
Recidiva in-
terdum eadē
cum priore
morbo.*

*Anaxian
lib. 3. Epid.*

*Principium
à principio
inflammatio-
nis à quopē-
det febris, su-
mendum est.*

*A die vul-
neris inflicti.*

*Principium
supputatio-
nis rumpen-
dæ.*

l. 2. prognost.

uadentem adeò manifestè sensit, vt præsen-
tem quempiam, & obuium quemuis medi-
cum consulere deliberarit, ac cum adeò in-
insigniter febricitat, vt amplius erectus sta-
re non possit, sed coactus, nisi locus aut tem-
pus impediatur, decumbat. Cæterum numera-
tionis principium in recidiuis, non à recidi-
uæ, sed à prioris morbi principio deriuan-
dum erit, si morbus non ob alicuius partis
intemperiem, sed ratione causæ materialis
relictæ reuertatur, tum enim recidiva eadē
cum præcedente morbo existimanda est, ac
vna dierum crismorum supputatio ineūda,
à die quo primū aliquis morbo correptus
est. Quod Hippocrates in historia Anaxio-
nis obseruauit. Item febres ob inflammatio-
nes ortæ, à die inflammationis, non autem à
die febris computandæ erunt. Præterea fe-
bris vulnere superueniens, si humorum cō-
motionem vulneris ratione sequitur, ab ipso
die, quo vulnus inflictum est, numerāda erit.
Inflammationes verò internæ, vt quo die
rumpi debeant præsagire possimus, non à
morbi, sed ipsius inflammationis principio,
quo puris generatio incæpit, supputandum
est. Id autem ostendunt febris, rigor, pondus
pro dolore. vt plurimum 20. 30. 40. aut 60.
die, pro ratione caliditatis frigiditatis, regio-
nis, ætatis, temporis, rumpuntur.

Cum

CVM ex prædictis satis constet, vnde certū morbi sumi debeat principiū, à quo dierum enumeratio exordien-
da sit, nunc dies omnes recensendi sunt, vt qui critici sint, qui non critici ex Hippocra-
tis & Galeni doctrina ostendamus. Primus dies & secundus vna quidem ratione, crisi-
mi dici possunt, altera verò non. Nam si cri-
sis nomen in ea significatione sumatur, vt morbi solutionem simpliciter significat, cri-
simi dici possunt: febres enim diariæ, quæ na-
tura sua vnica accessione constant, partim in
primo, partim in secundo die, solutionē nan-
ciscuntur. Verum, crisimos existimare non
oportet, si præceps ac subita in ægrotantis
corpore perturbatio, morbi solutionem præ-
cedens, crisis nominatur, quòd nullā agita-
tionem & perturbationem (quàm Galenus
alias *ταραχήν* interdum *ἀγῶνα* alias etiam *σάλον*
appellat) solutionem præcedentem, in his ne
quaquam fieri conspiciamus. Non defuerūt
tamen qui primum diem decretorium pri-
mum ordine esse assererēt, tum quod febres
diarias in eo die, solui contingeret, tū quòd
Hipp. lib. i. Epid. decretorios dies recensens
primi etiam diei meminerit. Quin suā opi-
nionē Hippocratis autoritate stabilire co-
nantes, locū ex lib. Progn. citant de emor-

*Primus dies
& secundus
quando crisi-
mi dicendi
quando non.
Crisis duplex
significatio.*

*Febres dia-
rie ad bonā
desinunt post
unicam ac-
cessionem.*

*Perturbatio
critica qui-
bus nomi-
bus à Gale-
no vocatur.*

Obiecta.

tua facie sic scriptū κρινεται δι τὰ τοιαῦτα ἡμέρη
τε καὶ νύκτι ἢ διὰ ταύτας τὰς προφάσεις τὸ πρόσωπον τοῦ

στον ἡ. die nocteq; iudicatur siquidē ob eiuf-
modi causas hæc faciei species orta sit: sed hi
plurimum falluntur. Quāvis enim diarix in
primo die iudicentur, id tamen sine certa-
mine, aut insigni perturbatione fit. Hæ enim

Dubitio.

*Diaria fe-
bres spiritus
affectiones
sunt, ac sine
lucta cessant.*

simplissimæ sunt, ac sine humorū putredi-
ne spiritus tantum affectiones existunt, quæ
sine magna ac præcipiti agitatione, vt &
hecticæ, permutantur. Neque etiam Hipp.
in eo ex Epid. loco quem ad suæ assertionis
confirmationem proferūt, primi vsque diei
meminit. Circuitus enim primus, & non di-

*Hippocrates
nam primi di-
a crisi: sed
primi circui-
tus meminit.*

esprimus, apertè ibi scriptum est, in pariū sci-
licet impariūque catalogo, sic enim legi-
tur α γ ac si diceret Hipp. primus ex impari-
bus est tertius. Quemadmodū igitur in pa-
riū catalogo, postquam primi circuitus
mentionem fecit, quartum diem subinfert,
sic in impariū numero, tertiū. Vbi autem
lib. i. prog. scriptū est κρινεται δι τὰ τοιαῦτα ἡμέρη
τε καὶ νύκτι, hoc loco κρινεται, interpretari non
debet λυεται, aut λυεται, ita vt morbum sol-
ui velit Hippoc. aut definere vel ad salutem
vel ad mortem die vno & nocte vna, vt illi
falsò interpretantur. Nam ibi κρινεται dicitur
δι ὡς τὸ δοκιμῆσαι καὶ ἀνελῶσαι. id est, loco c-
ius quod est probatur ac cognoscitur ita vt
velit

velit Hipp. medicum intra diem, & noctem,
 seu primum diem naturalem deprehendere,
 & diiudicare posse, an talis facies ab externa
 causa, an ab interna prouenerit. Nam si vt *Medicus in-*
 in eius loci explicatione docet Gal. ab ex- *tra diem &*
 terna causa sola, vt insomniis, euacuatione, *noctem de-*
 aut fame, eiusmodi facies extiterit, die & no *prehendere*
 cte, siue spatio 24, horarum corrigetur & e- *& diiudica-*
 mendabitur. Si verò à causa interna, vt affe- *re debet, an*
 ctione, in corpore, aut talis permanebit aut *facies Hippo-*
 deterior euadet. Primus itaque dies propriè *cratica ab*
 crisimus non est, ac perperam Hipp. verba *exteriori*
 interpretantur, qui iis suam opinionem fal- *causa euene-*
 so stabiliunt, vt contra asserere possint. Pri- *rit an interio-*
 mus dies index esse potest, si quis enim pri- *ri.*
 mo die, acuta febre corripitur, at ipsi tamè
 nullum periculosum signū adsit, sed aliqua
 coctionis nota in vrinis deprehensa sit. Huic
 die quarto, & non vltra, morbus ad bonum
 iudicatur, sin omnia contrà, primò statim
 die lethalia deprehendantur, absque vlllo co-
 ctionis signo, æger ad malum intra diē quar-
 tum iudicabitur, quod innuit Hipp. lib. 3.
 prognost. dum sic scribit: Simplicissimæ
 namque febres, & signis securissimis ni-
 tentes, quarto die desinunt, aut prius: mali-
 gnissimæ verò & quæ cum signis horren-
 dissimis fiunt, quarto die aut prius occi-
 dunt. Neque tamen Erasinus ab hoc

*Primus dies
 quarti index
 esse potest.*

*Erasinus quin-
to die obiit,
quarto tamē
obiisse, quo-
modo dicen-
dus l. 1. epid.*

*Philiscus
cur à pradi-
cto decreto
excipiendus sit*

Hipp. placito excipiendus est. quanuis morbo acutissimo cum signis grauissimis laborarit & die quinto obierit. Ille enim primū diem quietum habuit, vt testatur Galenus in com. Erasinus itaque (infit) quanquam graua omnia haberet, ad diem tamen quintum productus est, quod primo die mediocriter haberet. Scripsit siquidem in eo ad verbum ita: primus dies quietus. Quintus itaq; dies, quo defunctus est, 4. est, si 1. non connumeraueris. Verū, ab hoc decreto Philiscus, qui primus est constitut. 3. 1. Epid. exceptus esse videtur: nam quanuis hic primo die acuta febre prehensus esset, ac periculosa cum signa tum symptomata habuisset, extra quartum tamē (nam sexto interiit) iudicatus est. Sed Galenus eo loco notat accessiones diebus paribus in eo factas fuisse, ipsumque, ad diem octauum sufficere potuisse, nisi quintus sanguinis puri stillam cum frigidis sudoribus nec amplius recalescentibus, vrinis item nigris, attulisset, quæ omnia satis arguebāt eum, accessionem sexto die futuram perferre non posse.

PRincipium dierum morbos acutè iudicatum, & cum perturbatione aliqua immutantium, tertius ab initio dies statuendus venit, non quòd is ullam habeat cum prima septimana cõunionem, societatemve: sed quod de coincidentium ordine sit. Tertium enim & reliquos intercidentes dictos decernere vult Galenus, ratione motus materiæ, potius quàm ratione motus lunaris: ac illos tantum dies qui hebdomadam, vel bifariam diuidunt, vel terminant, vi cœlesti nixos, morbos iudicare statuit. Qui septimanam mediam secant, nempe in quibus luna est in medio quadræ, hi indices dicuntur. Qui verò eandem claudunt, & in quibus luna est in fine quadræ, hi crisimi vocantur. Vtrique autè vulgò radicales dicuntur, quasi lunæ motui ita annexi sint, ut eandem semper constantiam, ordinemque retineant, nec vnquam nisi ob errores commissos, aut naturæ ignauiam, iudicandi officium intercidentibus delegant. Tertius itaq; accessionis violentia crisim quarto die futuram præuertit, estque imparium crisimorum primus, ut suprà ex Hipp. retulimus, quandoquidem acutissimi morbi, biliosissimi sunt, morbi verò biliosi, diebus imparibus accedunt. Morbi igitur peracuti,

Tertius dies imparium crisimorum primus est.

Lib. 3. xps. nup.

Intercidentes motu materia: indices et decretorii, vi cœlesti de morbis decernunt.

Qui indices, qui decretorii, & cur vtrique radicales.

Tertius imparium crisimorum primus.

Ratio.

cum primo die vehementissimam habeant accessiōem, iudicabuntur tertio die, qui est principiū secundæ accessiōis. eam enim quæ tertio die fit accessiōem, proportionē respondentem primæ, nanciscuntur. Cum in prima ipsos antecedente turbatione iudi-

*Per accessio-
nes morbi iu-
dicantur.*

*Morbi qui
in paribus die-
bus mouentur,
citiùs
crisifiniuntur.
Hip. lib. 1. e-
pid. sect. 2.*

cari non contingat. Per vehementiores autem accessiōes crises fiunt, & morbi qui in paribus diebus mouentur, citiùs iudicatione terminantur. Idcirco dixit Hip. Sanguinis è naribus eruptiones quarto die in tertiana factas, malas esse. Cum enim tertiana vnum

semper intermittit diem, fieri nequit vt iudicatio in quarto die contingat, quando is vnus sit ex intermittentibus: altero autem die, hoc est, quinto tertiana febris vnà cum rigore iudicabitur. Tertium diem decretorium esse Hippocrates etiam experientia comprobauit. Nam lib. 3. Epidimior, Mu-

*In Thaso mu-
lier tertio die
iudicata. lib.
3. Epid.*

liercem in Thaso tertio die liberatam esse scribit. Historia cuiusmodi est. In Thaso mulier austera nimium, ex tristitia cum occasione, quum recta esset, fuit tùm vigil, tùm absque cibo, sitibundaque erat, & anxiosa, habitabat propè filios Pyladæ in campo. Præmo die incipiente nocte, timores, verba multa, mœstitia, febricula leuis, mane cōuulsiones multæ. Cum verò desinerent conuulsiones multæ, delirabat, & valenter fabulabatur,

labatur, dolores multi, magni, continui. Secundo die eadem nihil dormiuit febris acutior. Tertio quidem die, convulsiones cessauerunt, cōma verò & cataphora, & rursus vigiliæ infestauerunt, continere non potuit, multum delirauit, febris acuta. Nocte eadem sudauit, sudore multo calido per totum corpus, absque febre dormiuit, omnino mente conlucet, iudicata est circa tertium diem, vrinae tenues, nigrae, æneorema valde rotundum, non subsidebant. Circa iudicium muliebria multa descenderunt. Verum obiici posset contrarius Galeni locus, ubi asserit quartum diem primum esse decretorium, dicens: Nunc verò à tertio incipit, qui anticipat quartum, in breuioris temporis morbis: & post hunc quintum scripsit, vno die quarto tardiores. Sic enim ferè in omnibus exemplaribus inuenies, cum quartus dies in Aphorismo non sit scriptus, quauis hic dies sit primus iudicatorius, non igitur tertius dies inter crisimos primus numerandus erit. His respondere facile poteris si ad ea quæ paulò antè diximus attenderis. Dicebamus enim ex Galeni doctrina, dies quosdam esse mediam septimanam diuidentes, in quibus videlicet luna in medio quadræ est, indices appellatos, ac quosdam eandem septimanam finientes, & in quibus lu-

Obiectio.

Gal. com. 36

lib. 4. Aph.

Responsio.

na in fine quadræ esset, decretorios dictos: alios verò intercidentes esse. Illos vi cælesti nixos, ac à magno validoque initio prodeuntes de morbis decernere ostendebamus. Idcirco cum ex Galen. in quarto die mutatio ob motum peragrationsis lunæ, per primam eius quadram fiat, dies quartus meritò primus decretorius dicendus est. Hoc modo tertius dies inter decretorios minimè numerandus erit, cum in eo luna non absoluerit suæ peragrationsis quadram. Verùm intercidentiũ ratione habita, si materiæ motum, & accessionum vehementiam circuituumque numerum consideres, tertius, primus inter decretorios, recedendus erit. Quod etiã testatur Gal. dicens: Veruntamen ipsum nunc prætermisit vel ipse Hippocrates, vel qui primus librum scripsit. Si verò omnino Hippocrates illum præteriit. hanc ob causam existimo illud fecisse, quoniam morbi plurimi peracuti, qui cum sudore iudicantur, tertio & quinto die magis, quàm quarto iudicium suscipiunt. Rariores enim sunt, qui die quarto iudicantur: & hoc à Galeno plurimum experientia deprehensum est, ob

Rariores morbi sunt qui 4. die iudicantur. hoc ipsum quærente, quoniam dies quartus ab Hippocrate in Aphorismo prætermis-
Aph. supra citato. Hoc autem videtur accidere, quoniam morbi peracuti primam statim accessionem vehementis-

hemētissimam habent, & reliquas illis proportionales per diē tertium. Didicimus autem quòd in vehementioribus accessioni-
 bus iudicia fiunt, & quòd morbi qui in die-
 bus imparibus accessiōem habēt, citius iu-
 dicantur: qui verò paribus, tardāt. Ideò si in
 principio aliquis morbus incitatur, hoc ma-
 gis accidit in diebus imparibus. Si tardare
 debeat ad dies pares vehementiores acces-
 siones transferuntur.

*Morbi pera-
 cuti 3. die pa-
 roxismū pro-
 portione re-
 spondentē pri-
 mo habent.*

*Qui citius
 aut tardius
 iudicantur,*

Quartū diei historia.

CAP. X.

Quartus dies primus est iudicatorius circuituum, qui diebus paribus iudicantur, ac de sua natura, siue, ut loquitur Galenus. *ἑστὸν ἐφ' ἑαυτῷ*
 id est quātum in se est, septimi index est per Aph. illum: Quibus die septimo iudicatur, iis vrina rubra die quarto nubeculam habet, & alia ex ratione. De sua autem natura ita venit intelligendum, si nihil rarum, & magnum, siue extrinsecus, siue ipsa morbi natura, aut etiam ægrotantis habitu intercidat, sin quid eorum quæ extrinsecus eueniūt. *ἀδρόκηται* siue præter omnium opinionē, nec expectatum euenerit, aut si etiam morbus vehementer ad crisi, vel obscurè pro-

*Quartus pri-
 mus est Crise
 morū pariu,
 lib. 1. xpi.*

*ἡμερ.
 4. de sua na-
 tura 7. index
 Ap. 7. li. 4.*

*Quartum de
 sua natura
 indicem esse
 quomodo in-
 telligendum.*

Aegri natura biliosa, morbus peracutus, anni tepus, regis, alias quoque calida pecca, impediunt, quominus 4. sit index, Lib. 1. 410. i. p.

peret, & moueatur, ægrotantisque vires aut validæ, aut imbecillæ fuerint, attendendum hic est, distinguendumque periturusve sit æger ante diem septimū, an verò post ipsum iudicari debeat. Siquidem vbi incommo- dum aliquod extrinsecus præter opinio- nem, nec expectatum superuenerit, & mor- bus non simpliciter acutus, sed peracutus fuerit, ac præter hæc vires ægri imbecillæ, signum malum, quod die quarto apparuit, septimum diem non expectat: sed talis æger sextanus morietur, præsertim si paribus die- bus exacerbatus sit morbus. Quòd si nihil extrinsecus erratū sit, & morbi motus haud ita velox, & æger validus, siquidem manife- stum in quarto die malum signum fuit, se- ptimo die mors expectanda, sin obscurum, hunc quoque excedet, si accessiones pari- bus diebus fiunt, octauo die: sin imparibus nono, æger decedet. Fac igitur memineris, vbi quartus dies in acuto morbo difficilia- tum symptomata, tum signa, vt tertius ha- buerit, iudicationem breui expectandam esse. Quòd si paribus diebus accessiones fue- rint, in paribus: si verò imparibus, in illis. Vbi autem iudicatio, hic & mors in perni- ciosis morbis. Et sanè sexto die periit Phi- liscus, quòd accessiones paribus fuissent die- bus. In Philisco autem lethale signum erat,

ex co

Vbi Crisis, ibi mors in per- nicioso mor- bis. Galenus Lib. 1. Epid.

ex eo quòd non solutæ tertio die à sudore, fe-
bri nigræ vrinæ, & sitis accesserint, & lingua
inaruerit, & tota nocte non quieuerit, vigila-
ueritque, & delirauerit: atque cū hæc ita fa-
cta esset, quarto die cūcta proritata sunt, vri-
næque rursus nigræ redditæ. Sic itaque quar-
tus indicat etiam sextum, non sua ratione: *Quartus sex-
tum etiam
indicat: sed
non sua ra-
tione.*
sed quia medicus præuidet cum in quo ma-
la signa apparent quarto die, septimum non
expectaturum, sed sexto die moriturum, si &
morbus celeriter moueatur, & paribus die-
bus exacerbetur, si enim periculosus est mor-
bus, & præterea vires ægri imbecillæ, ho-
mo prius vita fungi præuertet, quàm mor-
bus in longius tempus protendatur. Vult
etiam Gal. quartum diem, qui septimi in-
dex est, rem nouam ædere. Rei autem nouæ
æditio, designatiōque patet omnibus. Nam *Quartū diē
re nouā ædere
ex grauibz
est notū, com.
4. in lib.
περὶ διαι-
τῆς.*
si prima die, & tertia fiat accessio, & secūda
haudquaquam facta fuerit, quintam accef-
sionem habituram esse par est, & non quar-
tam. Quapropter si quarta habuerit, mali cu-
iuspiam alterius generationem demonstrat.
Nam si prima & tertia die proportionalem
attulerit accessionem febris, atque de nouo
quarta paroxysmum fecerit, & æger nigra
deiecerit, signum est lethale. Cæterum cum
medium æque ab utroque extremo, initio
inquā, & fine, distet, & eo etiam cum utro-

D

que conuenienti quadam societate, coniun-
gatur, fit, vt dies quartus septimi, x i. deci-
miquarti, reliqui pariter quaternarii reli-
quorum suorum septenariorum medii indi-
ces sint, & prænuntient quid quoq; sequen-
te septenario futurum sit. Cum igitur dies
quartus medius sit inter primum & 7. fit vt
societatem cum utroque extremo habeat,
vt si primus morbum discutere aggrediatur,
ei finem quartus imponat. Si primus nihil ten-
tet, sed quartus morbum indicare aggredia-
tur, septimus finem imponat. In secunda se-
ptimana, eadem ferè quæ in prima ratio ha-
benda est. In qua si primus dies, qui octauus
est, coctionis vel mediocria signa præ se tu-
lerit, vndecimus de morbo decernere aggre-
dietur. Si non decreuerit perfectè, in 14. cri-
sis trāsferetur. Quartus etiam morbos acu-
tissimos indicat, nam febres cum iisdem nu-
mero diebus iudicentur, ex quibus & super-
sunt homines & ex quibus intereunt, sim-
plicissimæ febres, ac signis firmatæ securis-
simis, quarto die, aut citius, cessant: pessimæ
verò ac cum signis grauissimis factæ,
4. die aut citius interimunt. Sic Periclem
in Abderis febre acutissima prehensum, quar-
to die circa meridiem sudasse multum cali-
dum per totum corpus, ac sine febre iudica-
tum esse, refert Hippocrates Item Caluum
in

*An ut in 4.
crisis 7. futu-
ra significa-
tur: ita in in-
dice aliopra-
nosci possit,
alibi dixi-
mus.*

*Quartus cri-
simus est.*

Lib. 3. Prog.

*Pericles sudo-
re iudicatus
est 4. die. lib.
3. Epid.*

*Caluus in La-
rissa 4. obiit.*

in Larissa, quarto circa meridiem periisse acutissimè, narrat. Verumenimvero animaduertendum est rarò cōtingere, vt quis quarto die iudicetur, sed eius diei crisis, aut anticipat in 3. aut postponitur in 5. atque adeò rarum est, vt in eo die iudicetur febris, vt Archigenes bis tantum, per vniuersam suam vitam, crism in 4. die viderit. Galenus verò semel, causa est: quòd febris, aut cōtinua est, aut continens. si cōtinua, accessio in imparibus diebus fit, ac vt cum iisdē iudicationes concurrant, necesse est. Cū autem necesse sit, vt cum accessione concurrat iudicatio, ea in tertium aut quintum incidet, non in quartum: si verò febris continens fuerit, hæc rarò accidit, si verò accidat & peracuta sit, vbi nihil erratum fuerit, die 4. iudicabitur, tum enim natura propriis circuitibus, quos in iudicandis morbis, quando proprio vtitur motu, & ab alio non impellitur, seruat, ad iudicationem peruenit. Verum quoniam febris continens siue synochus rarior est, raro etiam accidit, vt in continētibus nullum committatur erratum, ideo raro fit, vt in 4. iudicatio fiat, sed in 3. aut in 5. transfertur. In 3. quidem si moriturus sit æger, ob errores cōmissos, in 5. verò, si pristinæ sanitati restitui debeat.

Cur raro quæpiam 4. die iudicari contingat.

Ratio.

*Quintus dies
intercalaris
est.*

*Quintus vim
iudicandi ha-
bet ob acces-
siones.*

*Accessio na-
turam stimu-
lat.*

*Crisis acuto-
rum cur in die-
bus impari-
bus contingat.*

*Lib. 7. cap. 1.
Hippocritus.*

*Causa minue-
re difficile
est cur quoti-
die aut quar-
to quoque die
in diuturnis
accessio sit.*

*Natura non
semper statis
temporibus in-
surgit et mor-
bos indicat.*

QVintus dies ex intercidentium, nu-
mero est, vt tertius, qui vt crisin
quarto die futuram præuertit: ita
dum natura, quarto die lassâ,
nec vsquâ concitata conquieuit, quinto tan-
dem die ad iudicationem cōmouetur. Am-
bo idcirco vim iudicandi habent, ob acces-
siones: est enim accessio de numero eorum
quæ naturam stimulant, & veluti prouo-
cant, eam nec consistere, nec conquiescere
permittens, verum concitans, irritansque,
& quasi dixeris, pugnans indicens, vnde in
acutis morbis, diebus imparibus crisis. In
his etenim accessiones sunt. Quæ igitur cau-
sa sit, quamobrem in acutis tertio quoque
die vt plurimum fiant accessiones, in diutur-
nis autem vel quotidie, vel quarto quoque
die, inuenire non facile est: quod verò ita
eueniat, perspicitur. Si enim eo quo & de-
prehenduntur, ordine ipsos collocauerimus,
secunda ab initio accessio in tertium recidet.
Tertia ad quintum, quarta ad septimum,
quinta ad nonum, omnes in imparibus. Cum
ergo natura non semper rato, & statò tēpo-
re insurgat, morbosque iudicet, sed concita-
ta plerumque aliis & aliis causis, à quibus
in acutis morbis accessio maximè continua
efficitur (ostensum verò est, ipsam in impa-
res

res incidere) meritò in imparibus diebus permultæ crises acutorum morborum contingunt, non quod hi dies primariam vim discernendi habeant, sed per accidēs quoddam sic euenit, vt 2. lib. dicturi sumus. Ob errores etiam, crisis in quintum diem illabetur & recidet. vt autem in morbis periculo vacantibus crises tantum tardant, quantum ex erratis interim noxæ agri acceperint: ita in lethali bus præueniunt & præoccupant. Nam si in lethali morbo, lethale signum quartus dies iudicauerit, & in septimum diem mala præiudicata sit crisis, intereà verò erratum non ita exiguum admissum sit, septimū crisis nō expectat, sed morbus iudicio malo iudicabitur. Sed utrū quinto an sexto, idem ex ipsius morbi celeritate, tū ex offensæ magnitudine: necnon ex accessionū forma, interstinguetur. Nam si imparibus diebus ipsæ accessiones fiāt, & morbus sit peracutus, erratāque haud admodū exigua in ipso videlicet quarto cōmittantur, nihil mirū erit, hominem die quinto interire. Si verò in paribus accessiones fiant, nec morbus sit peracutus, nec item erratorum magna noxa fuerit: sextum expectat. Vel an 5. die iudicatio futura sit ex morbi motu cognosces. Nam si

*Crisis in 5. ob
errata illabi
tur.*

*Quando ob or
rores ante 7.
futura est iu
dicatio ma
la an 5. die
an 6. euertura
sit quomodo
prænoscedū.
Lib. I. cap. 10.
¶*

*Ex morbi mo
tu crisis 5. die
futura, quo
modo cognos
citur.*

D iii

Li. 3. Criseon ius oportet meminisse) in quarto die futurū
 esse iudicium sperandum est. Si verò con-
 tinua fuerit, tum magitudinē & motum in-
 trueri oportet. Fieri enim potest vt in ter-
 tio aut quinto die, iudicium accidat. Tertio
 quidē si morbus magnus sit, & celeriter mo-
 ueatur. Quinto autem die, si non admodum
 magnus sit, neque celeriter moueatur. Quip-
 pe iudicium cum accessionibus concurrere
 oportet. Hinc est quod Hipp. ita scriptū reli-
 querit, febres viuum intermittentes diem, al-
 tero vnā cum iudicio rigorem obtinere de
 quinto in septimū circuitū. Plurimis etiam
 quinto ab initio die iudicatū esse morbum
 refert Hipp. dum sic ait: Iudicationes euaria-
 bant, plurimisque quinto ab initio die iudi-
 cabatur morbus, intermittebātque diebus
 quatuor, repetebātque & à recidiua quinto
 die iudicabatur. Alibi sic scribit, ὅτι τὸ διήριον
 ἐκείνης περιεμπαλοισιν ὅτι δὲ τε καὶ μακρότερα. id est, Quē
 aestatis morbi corripunt, ei quinto die eru-
 ptiones iudicatoriæ, accidunt, quibusdam
 etiam id tardius fit. sed duplex scriptura est:
 nam legendum est, vel ὅτι, vt aures intelliga-
 mus: vel ὅτι τὰ, hoc est, quem: nos vtrunque
 explicabimus. Si ergo secūda scriptura pro-
 banda est, sententia Hippocratis erit huius-
 modi: Vidi hominem, quem cum morbi æ-
 stui corripuissent, vt tertianæ, ardētēque fe-
 bres,

Hipp. sect. 2.
lib. 6. Epid.

Hipp. lib. 1.
Epid.

In Thaso
morbi quinto
ab initio die
plurimū iudi-
cabantur. sta-
tu. 3. lib. 1.

Epid.
Sect. 6. lib. 6.

Quibus æsti-
ui morbi ac-
cidunt, in
quinto die iu-
dicatione
accidunt,
Hip. li. 6. Ep.
sect. 6.

Ex Gal, cō.
nuper. in hūc.
in hāc sent

bres, & herpes, statim, hoc est quinto, aut septimo die esse liberatū. quòd morbi à bili orti breues sint. Illi autem dissoluti sunt, eruptione vasis cuiusdam, vt aut sanguis eruperit, aut per hæmorrhoidas fluxerit. Si legas *ἄρα*, id est, aures: hic erit sensus. Excitatus est alicui abscessus æstiuo tempore secundum aurem, qui cum discuti non posset, in pus conuersus est: cumque ille ruptus esset, quinto, septimove die liber euasit. Præterea & Metonem quinto die iudicatum fuisse refert Hippocrates, cuius historia eiusmodi est, Metonem ignis præhendit, lumborum grauitas cum dolore. Secundo die cum aquam bibisset multam, venter bene reddidit. Tertio capitis grauitas, deiectiones tenues, biliosæ, subrubræ. Quarto omnia exacerbata sunt, fluxit bis à dextra nare sanguis paulatim, nox implacida, deiectiones similes his quæ tertio fuerant die, vrinæ subnigræ quæ pendentia subnigra haberent, & dispersa non sudauit die quinto ex sinistra nare affatim profluxit sanguis, & merus sudauit, iudicatus est. à iudicio vigil, aliena loquutus, vrinæ tenues. Memoria autem mandadum est, quod in tertii diei enarratione dictum est, nempe capitis grauitas, quod copia sanguinis in cerebrum ascenderit. Memoria quoque tenendum, san-

*Morbi à bile
orti, breues
sunt.*

*Meto quinto
die iudicatus
est. li. i. Epid.*

Gal. in cō.

D iiii

Larga sanguinis e naribus eruptio ut plurimū liberat.

guinis è naribus largas & copiosas eruptiones, magna ex parte liberare, ac in Metone, sanguinis eruptionem quarto die, qui iudicatorius est, capisse: quinto autem perfectè, ubi sanguis eruperat, sudórque promanarat, esse iudicatū. Sic in Thaso Philistes diu

In Thaso Philistes die quarto obiit.

Lib. 3. Epid.

capite doluit, atque etiam aliquando subporatus iacuit. Ex potibus autem cum febris continua fuisset excitata, dolor nocte exacerbatus est, primū incaluit. Primo die vomuit biliosa, pauca, flaua primū, post æruginosa, plura, ab aluo stercora exierunt, nox implacida. Secundo die surditas, acuta febris, hypochondrium dextrum distensum est, & ad interna procedebat, urinæ tenues, pellucidæ, habebant enæorema genituræ simile, paruum: circa meridiem valde infaniuit. Tertio die implacidus. Quarto conuulsiones exacerbata sunt omnia. Quinto,

Anginosa s. die defuncta est. li. 3. Epid. Quintus dies index 9. aut 11.

mane obiit. Anginosa etiam quæ apud Bitionem habitabat, quinto defuncta est. Cæterum quintus dies prænuntiat futuram iudicationem vel 9. vel x i. Nono quidem, si celeriter moueatur morbus & biliosus sit, vndecimo verò, si tardius. transfertur autem in x i. crisis quoniam 10. decretorius non est. Indicat etiam septimo iudicandum morbum, ut docet Hippocrates lib. de Iudicationibus iis verbis

οἷς ἐν ἡμέρῃ τῇ δ' ὀνόματι τῆς ἰν-
τυρώτης

πρώτησιν ἡμέρῃσιν, τέταρταίσι τε μάλλον, καὶ μεμωμένας Quintus futu
 τρίζονται. ἡ δὲ τῶν ἰβδύμεν, ἀπαλλάσσονται τοῦ πυρετοῦ. tam 7. iudica
 tionē aliquan

Quibus incæperit dolor primis diebus, & do prauiciat
 quarto, & quinto die magis præmuntur, hi
 septimo à febre liberantur. Galenus item
 refert se anno quodam vidisse permultos, Lib. 2. κριτ.
 ἡμερ.
 quibus cum quinto die sanguis è naribus
 profluxisset, septimo vel nono morbus iudi
 catus est.

Sexti dici historia. CAP. XII.

Sextus dies decretorius est, non simpli- Sextus crisi-
 citer & absolutè, sed cum addito de- mus est non
 cretorius malus est, eius enim maximè absolute, sed
 ad malum.
 proprium est, vt cum periculo & obscure iu l. 1. κριτ. ημερ
 dicet. Gal. sextum diem, quanto pauciores Quantum
 in eo iudicantur quàm in 7. tanto quoque sextus mali-
 malignitate hunc superare comperit: quasi gnitate sep-
 timum supe-
 ex diametro septimo naturam habeat oppo ret.
 sitam. Etenim plerique ex his, qui in quarto Multi ex his
 in deterius mutationem accipiūt, sexto mo- qui 4. die mu-
 tationem in-
 riuntur. E contrario rursum, si bona con- deterius acci-
 piunt 6. mo-
 tingat in eo die mutatio, septimum expe- riuntur.
 ctat. Quod si aliquādo, quod raro tamen fit,
 bonam transmutationem quæ quarto die
 facta sit, sextus dies excipiens iudicare cona-
 bitur, difficile dictu est, quantam is pertur-
 bationem, periculum, quantum denique me

*Hinc trium
anima facul
tatum actio
nes vitari
contingit.*

*At sudor
synopticus,
siue qui cum
syncope & a
nimi deliq
uo fit, ei qui
critice excer
nitur contra
rius est.*

tum adferat, tantum scilicet ac si homo iam
iam moriturus esset. Nam si in somnium fe-
rantur ægroti, raro quid simile ipsis euenit:
iacentque penitus cum sensus, tum vocis ex-
pertes. Et si aliqua excretio ipsis accadat, ani-
mo consternatur, pulius concidit, decolores
fiunt, tremunt, collabuntur, cum contra, sep-
timus dies semper pro excretionis propor-
tione ferendi facilitatem adaugeat. Porro
verò cum sexto die excretiones contingunt,
maligna, acrida, foetidaque multa. & deiciun-
tur, & vomuntur, Sudores rari quidem, æqua-
les, de toto manantes corpore, & calidi: qua-
les si quando contingunt, concidunt ægro-
ti ut plurimum, & collabuntur: ac tum ti-
mor spectatores huiusce rei ignaros corri-
pit. Est cum parotidas etiam malignas, aut
icterum, aut alium quempiam abscessum, a-
lio certamine ad sui solutionem egentem,
sextus idem dies attulit. Quod si & per vri-
nas idem aliquando iudicarit, ne has quidem
bonas inueneris nam crudas, decolores, te-
nues, bonum nullum sedimentum habentes,
sed interdum quasi testaceum, interdum
etiam arenosum, omnino autem inæquale
incoctum, & sola ipsa quantitate iuuantem
vrinam comperies, quibus sexto die super-
uenerit. Hæc sunt diei sexti moderatissima
leuissimaque opera, si quis æger saluus sit eua-
surus.

furus. Plurimos autem alios in syncopen de
 repente coniecit, aut largo sanguinis proflu-
 uio extinxit, aut euacuationibus immodicis
 vel etiam catoche quadam aut mania mul-
 tauit. Alios verò in manifestam perniciem
 coniecit, icterum inuehēs, parotidas non bo-
 nas excitans, & ad hæc marasmis incurabili-
 bus irretiens. Et quod demum mali genus,
 ille dies non infert? Est itaque sextus veluti *Ga. 7. regi: 6.
vero tyrannus
comparat.*
 tyrannus, septimus vt rex. Hic siquidem bo-
 ni instar alicuius principis, prouidet & prof-
 picit iis qui à se iudicantur, vel supplicii
 magnitudinem minuendo, vel victoriam
 adornando, & conferendo. At sextum diem
 huic contrarium finxeris, & vel pernicie il-
 lius, quem iudicandum cœpit, gaudere, vel
 eiusdem salute dolere comperies: quærereq;
 quomodo animum expleat, & malè ægrum,
 qui in ipsum incidit, multet, longòque sup-
 plicio afficiat. Hip. Philiscum sexto die ob- *Philiscus 6.
die obiit.*
 iisse refert, ac Dromeadæ vxorē quæ filium *l. 1. epid.*
 pepererat, sexto die mane riguisse, interca- *Dromeadæ
uxor 6. die
celeriter de-
functæ est.*
 luisse, ac paulò post, conuulsiones à capite *ibid.*
 cœpisse, & celeriter defunctam esse. Porro
 si in 6. die in peius mutatio fiat, difficile iu- *Cum 6. die in
peius muta-
tio sit. diffici-
le iudicium
sequitur.*
 dicium sequitur. sic & Hermocrati cum mor-
 bus regius 6. die aduenisset, periit 27. die. sic
 Eurianactis filia cum 6. die iudicata esset, &
 erupisset etiam aliquid suppuratum circa se

*Hermocrat.
l. 3. Epid.
Euryanactis
filia ibid.
Virgo in Ab-
deris. ibid.*

Obiectio

*Virgo larissa
6. die libera-
ta est. statu
3. l. 3. epid.*

*Larissa vir-
ginis prima
mēstruorum
eruptio, eua-
sionis a mor-
bo causa
fuit.*

dem, nihilominus 17 die periit. Virgini, ve-
ro quæ in abderis habitabat, horror 6. die
incoepit, & pluribus diebus cum perseuera-
ret, ægre liberata est in 27. verum obiiceret
quispiam sudore calido multo, de toto cor-
pore manante, cum larga sanguinis è nari-
bus eruptione Larissam virginem, sexto die
iudicatam esse: historiam referre non pige-
bit: in larissa virginem febrisprehendit cau-
sosa, acuta, vigil, sitibunda, lingua fuligino-
sa, sicca, urinae boni coloris, sed tenues, secun-
do die labor, non dormiuit. Tertio multa
excurrerunt ab aluo aquei coloris, sequen-
tibusque diebus talia ex facili percurre-
runt. Quarto minxit tenue, paucum, uri-
nahabuit encephala sublime, non subsedit,
ad noctem delirauit. Sexto è naribus sanguis
largiter valde effluxit, horruit, sudauitque
sudore multo calido per totum corpus, sine
febre iudicata est. In febre autem & iam iu-
dicata, muliebria primùm tunc prouene-
runt, virgo siquidem erat. Erat autem & per-
petuo anxia, horrida, faciei rubor, oculorū
dolor, capitis grauitas. Huic non reuersa est
febris, sed iudicata est, fueruntque dolores
diebus paribus. Quod autem tempus mulie-
brium attigisset virgo, manifestum ex his
quæ scripsit Hip. ita inquiens: muliebria tūc
primùm prouenerunt. Videtur quoque &
morbus

morbus ipse fuisse plethoricus, iudicatusque
 sexto die, quod & dolores diebus paribus
 haberet, vt ipse scripsit, Sed admirabile est
 quod morbus non reuersus fuerit, quum
 sextus dies nunquam fideliter iudicet. No-
 uum itaque hoc & valde rarum in ipsa fui-
 se significauit, vbi scripsit. Huic non reuersa
 est febris, sed iudicata est, tanquam reuerti
 deberet. Sed & causam scripsit, quod nō re-
 uerterit adiiciens: in febre, & iam iudicata *Causa cur 6.
die iudicatus*
 muliebria prouenerunt: nempe quod mane- *morbis non*
 ret diebus post iudicium ipsi vacuatio, satis *reuerterit.*
 erat ad muniendam quæ sexto die præcesse-
 rat, iudicationem per sanguinis eruptionem
 & sudores, & maxime quod nulla phlegmo-
 ne esset principis partis, neque maligna esset
 abundantia. Sic Melidiæ cum horror sexto
 die accidisset cum magno labore, ideo in vn *Melidia l. i.
epid.*
 decimo liberata est, quoniā reliqua omnia
 erant mitiora, nec rigor in ea apparuit, sed
 horror, rigor enim a validiore causa fit. Cæ-
 terum quod dixit Ga. in sexto, neque bonas
 fidasque aut perfectas, sed periculosas, & pes-
 simas fieri crises, de morbis potissimum bi- *In quibus*
 liosis, intelligendum videtur: nam sanguinei *morbis crises*
 morbi nonne sexto die perfecte, & cum fide *6. die male*
 salutariter, sine periculo, & cum præceden- *videri non*
 tibus indiciis solui possunt? *possint.*

Septimus
omnium cri-
ticorum, i.
Omnes cri-
ticorum die-
rum notas ob-
tinet.

Septimus omnium decretoriorum die-
rum primus est, non numero videlicet
& ordine primus, sed viribus, & digni-
tate, siue vt græci loquuntur. *δυναμὴ καὶ ἀξιώ-
ματι*. Omnes enim decretoriorum dierum
notas complectitur. Siquidem plurimos iu-
dicat, & integrè: & cum manifesta excretio-
ne, aut abscessu: sine vehementi periculo: &
vt plurimū quartus cum præiudicat. Nam si
vt omnino vel vrinarum in eo die vel sputo-
rum, vel deiectionum, appetitus, mentis, sen-
sus, vel alterius cuiuspiam cuiusmodi mani-
festa contingat mutatio: certè quin huic si-
milis in die septimo sese offerat fieri nullo-
modo potest, bona nimirum, si ad salutem:
mala, si ad malum facta fuerit commutatio.
Vt plurimū igitur bonæ crises sunt, quæ
die septimo fiunt: etenim hoc ei præter cæ-
teros adest proprium & peculiare. At verò
quamuis septimus vt plurimū ad bonum
iudicet, quidam tamē septimo die intereūt:
vel in eo die mutationem in deterius nacti,
in aliquo sequenti decretorio die moriuntur.
Nam adolescens octauus æger lib. 3. epid.
qui in mendacium foro iacebat, septimo o-
biit, ætate circiter vigesimum. Item mulier
illa quæ ibidem ordine decima est, cum pri-
mo die

Bona crisis 7.
propria & pe-
culiaris est.
Licet 7. vt
plurimum ad
bonum iudi-
cet, quidam
tamen in eo
moriuntur.
Adolescens
qui in Mēda-
cium foro ia-
cebat, 7. obiit
lib. 3. epid.

mo die igne prehēsa esset, & anxiosa, sic enim Galeni codices græci habent τὸ δ' ἀσώδης *Mulier ex abortiuo foetu 7. interiit. ibid.* veruntamē in codicib. Hippocratis hæc dictio non habetur, licet velit Gal. hoc verbum malignitatis febris factæ indicium existere, septimo obiit. quemadmodum & illa cuius historia ibidem sequitur, septimo obiit phrenitica, Euryanactis filia septimo die à quo postremò delirauit, defuncta est. *Altera ex abortiuo foetu 7. obiit phrenitica ibid.*

Quidam etiam septimo die mutationem in peius nacti, in aliquo sequenti crisimo interierunt. Silenus enim cum septimo obituiisset die, extremitates non amplius recaluisse, nihil minxisset, vndecimo obiit die. *Locus in græcis codicibus Hip. restit.*

Sic homo ille qui ordine duodecimus est. l. i. Epi. vndecimo interiit, quod septimo die omnia exacerbata essent, urinæ enim oleosæ fuerant, verba multa continere se non potuit, venter proritus humida & turbida reddidit cum lumbricis, nox laboriosa &c. Præterea mulier illa quæ iacebat in mendacium foro, decimoquarto interiit, nam septimo die riguit omnia exacerbata sunt, vigil. quinto laboriosè habuit. Sexto eadem, ab alio liquida multa excurrerunt, Septimo riguit febris acuta, sitis multa iactatio circiter occasum sudauit per totum corpus frigidum, extremitatum refrigeratio, & non amplius recalescebant, non dormiuit, parum delira-

Euryanactis filia 7. die a quo postremo delirauit defuncta est Silenus 7. die in deterius mutatio nem nactus l. i. epid. Homo quidam l. i. epid.

Mulier quæ iacebat in mendacium foro 7. die deterius habuit ideo 14. die obiit l. 3. epid.

uit, & rursus celeriter ad mentem rediit. Decimo tertio, nigra, graueolentia, multa vomuit, rigor circa meridiem, muta. Decimo quarto sanguis è naribus, obiit. Mirum profecto videri possit, quod Hip. nec in primo nec tertio epid. vllius egroti meminerit, qui septimo die ad bonum iudicatus sit.

Hippocrates in primo & tertio epid. nullum refert qui 7. die ad salutem iudicatus sit.

Octauus & decimus diei hist.

CAP. XIII.

Crisis 8. diei similis fere ei est quæ 6. accidit.

Octauus aliquando intercidit ac eos qui 7. male iudicandi forent excipit.

R Arò in octauo, & decimo soluitur morbus, & nec fidè, nec benè, nec perfectè, sed & præter hæc obscurè simul, & citra diei prænuntii notas. Quod si verò aliquando subita morbi solutio, in 8. diem aut decimum incidat, similis ferè ei est, quæ sexto accidit. Dùm enim morbus ad septimum, verbi gratia, diem ruit, eoque cursum suum destinat, & pro sui ratione, in eodem iudicari debet. Interea tamen vel mediæ accessionis magnitudo, nõ expectato proprio & legitimo tempore, naturam ad crisin insurgere compellit, vel etiam quidpiam eorum quæ extrinsecus eueniunt, ipsam irritat, crisis sexto die prærumpit, septimòque futuram crisin, sextus dies præuertit, verùm dum non est tanta morbi celeritas, vt a sexto anteuertere possit, præsertim cū morbus ad malum iudicandus est, in 8. protèditur. Ad hæc crisis

crisis quæ 7. die futura est, nonnunquã duos dies attingit. Cui verò diei attribuenda sit eiusmodi crisis, animaduertendum erit. nam si vel 4. vel 11. die indice factò, crisis quomodo vel septimum vel decimumquartum attigerit, existimare oportet ipsam illorum esse & ad illos pertinere. Sin extra illos dies excidat, vt neque in illis incipiat, neque in iisdem desinat, & perficiatur, constat non amplius dicere licere morbum septimo, aut decimoquarto esse iudicatum. Sed alio quopiam die, nempe eo qui totam crisin in se cõprehenderit. Si verò nullo indice præcedente subito crisis eueniat, duos dies complectens, ad has notas respiciens, vtriusnã sit distingues, ad accessionum rationem, dierum naturam, numerum criticorum temporum, & ipsum criseos tempus. *Quando crisis duos attingit dies cuiusnam adscribenda sit.*

Ad accessionum quidem rationem, sic: Imparibus diebus si æger grauius laborauerit, propria magis diei imparis crisis est, quemadmodum si paribus, illius etiam propria, nam in accessionibus vt plurimum crises fiunt. *Lib. I. de pl. nris. hinc.*

Ad dierum naturam, hoc pacto: Si ambigatur vtrum ad septimum aut ad octauũ, vel an ad nonum an decimum crisis pertineat. Siquidem, bona perfectã, & sine periculo est, septimi magis est, si imperfecta, mala, & periculosa, octauĩ. *Si crisis indicata non fuerit in 4. aut 11. aliove cõtemplabili quæ attendere oportet.*

Iam ad numerum criticorum, *Accessionis ratio. Dierum natura. Temporum iudicandi numerus.*

E

*Criseos tem-
pus.*

*Decimus
rarò admo-
dum iudicat
aut nequa-
quãl. 3. prog.*

*In Thaso Py-
thion decimo
die defunctus
est. l. 3. Epid.*

*Mors, gene-
rale crisis si-
gnificatum
amplectitur.*

ticorum temporũ (quoniam hæc 3. sunt pro-
posita, criticæ accessionis principium, criti-
cæ motionis principium, & ipse finis criseos)
qui dies duo in se tempora complectitur, is
magis crifim sibi vendicat. Si verò & ipsum
criseos tempus, expendatur, vtrius diei lon-
gius tempus fuerit, illi sanè potius crisis ad-
scribetur. Quin si quatuor hæ notæ in vnũ
diem introducantur, huic & crifim attribue-
re par est. Sin vna ex his absit & desideretur,
sic quippe adhuc etiam adscribes. Sed iam
tamen alterum diem, ipsius criseos partici-
pem esse putandum est. Quod si æquales no-
tæ fuerint, crifim quoque vtriusque diei cõ-
munem esse. est etiam existimandum. Cæte-
rum tan rarò decimus dies iudicat vt Gal.
lib. 1. Epid. sic dixerit: Inter pares verò non
rectè dixerunt 28. & 10. Nam nullo pacto
sunt iudicatorii. Verùm refert Hippocrates
in Thaso Pithiona, qui supra Phanum Her-
culis habitabat, decimo die mortem obiisse,
Galen. in com. notat in hoc ægro omnia,
tum symptomata, tum signa lethalia ab ini-
tio fuisse, atque exacerbationes in diebus pa-
ribus. Ibidem etiam scribit mortem gene-
rali crisis significato subiectam esse. Dicitur
enim secunda significatione, non solum il-
le qui seruatus est, sed etiam is qui obiit iu-
dicatus. Scribit etiam Hippoc. ei mulieri
quam

quam primum in Cranone curauit, decimo die sudorem in supernis partibus multis factum esse. Præterea maritus ille Lechus puer peræ apud Sitodochū, cuius meminit Hipp. lib. 4. Epid. ad quem septimo die ingressus est, die octauo moriebatur, neque meiens, neque egerens. Præcordia dura, & magna, & spiritus densus. Hic moriens, nec frontem quidem sudore humectauit præ dolore.

*in cranone
primum cu-
rauit Hipp.
10. die sudor
accidit.
sect. 3. l. 6.
Epid.
Aeger l. 4.
epid. 3. mor-
tuus.*

Noni diei historia.

CAP. XV.

Nonus in medio duorū decretorio-
rum, septimi dico & vndicini collo-
catus, vel non factam in septimo cri-
sim, vel in vndecimo futuram sibi vendicat.
Sed rarius quidem septimi, frequenter verò
vndecimi crisim excipit. Etenim peculiāris
& propria septimi diei crisis nunquā ad no-
num, nisi fortè errores multi commissi sint,
perueniat. Nam septimus, vt dictum est, per-
fectione & dignitate decretiorū dierum
primus est, & plurimos integrè iudicat. Item
bonæ crises huius diei, præter cæteros pro-
priae & peculiāres sunt, vnde fit, vt septimo
iudicationes nunquam ad nonum, nisi mul-
tis erroribus admissis, perueniant. Nam
si multi & magni fuerint admissi, vel ante
vel septimo ipso mors potiùs, quàm nono
crisis expectanda esset. quod tamen intelli-

*Nonus in me-
dio critico-
rum duorum
7. & 11. col-
locatus.
7. Crisis nun-
quam ad 9.
nisi ob erro-
res peruenit
li. 3. criseos*

E ii

*Quorum mor-
borum crises
9. affumit.* gendum venit, de his morbis, qui neque ad-
modum simplices sunt, neque admodum ma-
ligni, sed qui horum medium tenent, nec ita
celeriter mouetur. Vndecimi verò diei iudi-
*Cur à 9. ad
11. transfer-
tur crisis.* catio contrà se habet. Nam hæc à nono, ad
vndecimum transfertur, etiam si in ipso no-
no, omnia rite facta fuerint, & in eodẽ etiam
violenta accessio fuerit, quoniam vndeci-
mus crismus est, saltem minor. Nonus, in-
tercidens tantum. Morbus autem qui ante 9.
non ita violentos habuit paroxysmos, ad 11.
peruenire posse videri queat. Idcirco Silen⁹
*Aegrotus 2.
tempest. 3.
l. i. epid.
Hipp. l. 3.
prognost.
Morbi qui
tardius mo-
uentur 11.
qui celeriter
9. iudicantur* die nono nequaquam obiit, sed vndecimo:
Hip. etiã prodidit plurimos tertia die dole-
re incipere, vexari maxime 5. liberari no-
no, aut vndecimo. Cæterum in animum rur-
sus reuocabis, vt nonum diem hoc loco cõ-
memorauit, tanquam decretorium, quem-
admodum antea indicaui, tertium, non
*Hæc Gal. in
com. senten-
tia Hipp.
Herophon 9.
iudicatus est
l. i. epid.* per quaternariã aut septenariam circuitio-
nem habentes iudicationem: sed de ratione,
qua intercidant. Herophon cum ex sym-
ptomatis per noctem placidè habuisset, min-
xissetque melioris coloris vrinas, cum alba
& pauca subsidencia, dolorèsque secundum
lienis rectitudinem, in tibiam vtrãque trãs-
iissent, sequenti die qui nonus erat, cum su-
dore est iudicatus. Tanti erat, decessisse que
molesta erant ad partes imas, vrinæque con-
coctio

coctio. Veruntamen ne sic quidem potuerunt hæc à morbo prorsus ægrum vindicare, qui die nono sudauerat. Quare reliquias quasdam habebat prauorū humorum, quæ recidiuam quartodecimo die excitabant, à qua omnino est die septimodecimo iudicatus. Seruabatur etiam in hoc egro iudicium diebus decretoriis.

Vndecimi diei historia.

C A P. XVI.

VNdecimus sepe de morbis decernit, ^{11. frequen-} estque decimi quarti index vt 4. se- ^{ter de mor-} ptimi, vbi enim hic vndecimus ma- ^{bis decernit,} nifestum aliquod & omnino fidū coctionis ^{minus 14. cu-} signum ostenderit, in 14. crisim futurā præ- ^{ius index est} nunciat, sin obscurum signum fuerit, iam a- ^{An 11. cri-} liis signis animum oportet attendere. Nam ^{sin 14. futu-} si morbus celeriter moueatur, & nihil impe- ^{ram indicet} diat aliud, forsan etiam & 14. decreuerit: sin ^{quomodo con-} minus, crisis in 17. vel alium decretorium ^{templadum.} sequentem incidet. Quod si die 11. nihil fu- ^{Si ob erratē} erit indicatum, fieri non potest vt 14. decer- ^{14. non decer-} nat. Cōsiderandus verò hic est etiam totius ^{nat, crisis 17.} morbi motus. Consideranda & alia omnia ^{eueniet.} cū symptomata, tum signa, an ne videlicet ^{Si 11. nihil} 17. an etiam decimo octauo, an vltra crisis ^{indicer: 14.} futura sperāda sit. Cum autem prima septi- ^{non decre-} mana bifariam diuisa sit, & sectionem reci- ^{uerit.} piat, quartus qualis septimus futurus sit, præ

E iii

*Hebdomada
rum quater-
narii suorum
septenarii
medii indi-
ces sunt.*

*Lib. 2. HIPIS.
HMEP.*

*II. prenun-
tius est.
Melidia l. 1.
epid.*

*II. die crisis
facta 4. die
iudicata.*

*Silenus 4.
die grauissi-
mis sympto-
matis crucia-
tus undeci-
mo obiit. hip.
l. 1. epid.
Hæc Gal. in
comment.*

nuntiat, nonne eadē secundæ septimanæ ra-
tio erit? si quartus quidem morbos, qui pri-
mo die nō cessarūt, soluere ipse molitur, vn-
decimus similiter eos quos 7. non discussit?
Si verò morbus maior fuerit, quàm vt quar-
to die iudicari potuerit, hic quidem apparat
ad crīsim morbum, at finem septimus im-
ponit: pari ratione qui morbi septimo non
quieuerunt, eos vndecimus iudicare cona-
tur. Atque sic vel ipse iudicat vel 14. iudicā-
dum præparat, quo etiam die rursū simi-
lis ineunda ratio est, in eandēque confide-
rationem veniendum. Quartus etiam vnde-
cimū indicare potest. Hinc cum quarto die
bonæ vrinæ in Melidia esse incēpissent, sed
tenues, & proinde cruditatem, licet non ex-
actam, significantes, ea tertio quaternario,
nempe vndecimo die, perfectè iudicata est.
Hinc etiam Silenus ad vndecimum vsque
morbum pertulit. Is cū ex laboribus & po-
tationibus & exercitationibus intempesti-
uis igne prēhensus esset, vndecimo obiit die.
Hic æger iisdem ab initio tum signis tum
symptomatis, nisi viribus validis fuisset, se-
ptimo periisset die, & sane die illo propè
obiit, scripsitque de eo: septimo die obmu-
tuit, extrema non amplius recalescebant, ni-
hil minxit. Cōstat itaque ex his cum ad mor-
tem prope deuenisse. At cū virtus valida es-
set,

fet, ad sequentem iudicatorium diem vnde-
 cimum sufficere potuit, quoniam cum qui
 tertio vel quarto die in pessimis fuerat, tum
 signis tum symptomatis, septimo die perire
 oportebat, cum accessiones diebus impari-
 bus magis fierent. Quod declarauit, inquiēs:
 Tertio exacerbata sunt omnia. Atq; ab his
 rursus: Quarto die eadem fuerunt. Cum igi-
 tur septimum diem præterire, vt dixi, ob vir-
 tutis robur potuerit, octauo die pustulas cū
 sudore habuit, rubētes, rotūdas, paruas, natu-
 ra ipsa cum morbo pugnante, atq; ad cutim
 prauorum humorum superfluitatem propel-
 lente: atque ob id nono die haudquaquam
 obiit, sed vndecimo. Sic homo ille, cuius *Aegrotus 12
tempest. 3. l.
1. epid.*
 meminit lib. 1. epid. Hippocr. cum intem-
 pestiue cœnasset, febre correptus, vndecimo
 interiit. Die quinto videbatur manifeste mo-
 riturus, cum a prædictis symptomacis vrinæ
 quoque oleosæ excretæ essent: quas & die se-
 ptimo mixtas ait modo eadem. Obiit autem
 & hic die iudicatorio vndecimo. Verū Me-
 lidia vndecimo perfectè iudicata est, & ob *Melidia 11.
die perfectè
iudicata est
l. 1. epid.*
 naturæ robur seruata. Vndecimus etiam acu-
 torum morborum terminus esse potest, si
 celeriter moueantur, quanuis alias in 14. fi-
 niatur. Neq; enim simpliciter acuti omnes
 ad 14. prorogantur, sed quidam in 11. iudi-
 cantur. Quemadmodū etiam acuti non ex- *Vndecimus
interdum a-
cutorum mor-
borum termi-
nus est.
Non omnes*

*simpliciter
acuti 14. die
finiuntur.*

actè finiuntur in 20. licet eorum quidam 17.
terminentur.

Duodecimi diei, 16, & 19. histor.

CAP. XVII.

*lib. 1. xpiσ.
ἡμερ.*

*Vnde Gal.
colligit non
exiguam ef-
fe dierum dif-
feretiam l. 1.
xpiσ. ἡμερ.*

*Morbus in
19. subito nō
soluitur.*

*Hipp. lib. 3.
prognost.*

IN duodecimo & decimosexto neminem
vnquam nouit iudicatum Galenus. Quin
si cui aliquando ante se 12. die crisis visa
est euenisse, eā certe vel imperfectā, vel infi-
dā, vel periculosam, obscurā sine signis, vel
omnino ad malū accidere visam esse & de-
prehensam asserit, vnde quoniā ipsū duode-
cimū nūquam viderit iudicātem, alius autē
quispiā rarō simul, & imperfectē, cū pericu-
lo, obscurē, sine signis & malē, ipsum eūdem
viderit iudicantē, inde probat Gal. nō exi-
guam esse dierum differētiam, neque nume-
ro pares esse crises quæ singulis diebus fiūt,
neque æquē fidas bonas &c. Permulti siqui-
dem morbi sunt, qui quibusdam diebus, ab-
solute, pariter & securē iudicantur tuto, ma-
nifestē, cū bonis signis. At qui duodecimo,
rari adeo sunt, vt à Gal. nulli morbi in eo
die iudicati visi sint. Neque etiam morbus
subito in decimonono soluitur, si verò in
eo soluiatur, nec fide, nec bene, nec perfectē,
sed & præter hoc obscurē simul, & citra diei
prænuntii notas, desinit. Duodècimum de-
cretorium non esse docet etiam Gal. expo-
nens illud Hippoc. Qui incœperunt quinto
die

die dolere, aliâque iuxta rationem priorum
 ipsis fiant, his ad decimumquartum morbus
 iudicatur: Quinetiam (inquit) tertia diffe-
 rentia doloris capitis, quinto incipit die, &
 ad quartumdecimum, prorogatur. Propter
 ea quod non admodum calidus sit, neque fe-
 stinet, indicio est quod incipiat quinto die,
 & quia adiecto septenario primis quinque
 diebus omnes fiât duodecim. Duodecim
 verò non sit decretorius, neque etiam fieri
 possit, vt vnũ anticipet diem. Ostensum
 enim iam est cum esse limitem acutissimo-
 rum morborum proprium: itaque merito
 in quartumdecimũ excidit, Cum igitur hoc
 diebus criticis cõtingat puta vt frequenter,
 fide sine periculo decernat, ac cum ipsis fre-
 quenter vel plurima & maxima, vel etiam
 vniuersa decretoria signa concurrerent, æ-
 quum sanè esset vel hac sola ratione dierum
 decretoriorum propriam quãdam naturam
 esse existimare. Cum autem præter hoc de
 sua etiam natura, aliquid afferat in medium
 & conferant, multò sanè magis ipsos secer-
 nemus ab iis, qui neque quicquam confe-
 runt, neque cum multis signis decretoriis
 concurrunt, vt propriam illi quidem, hi ve-
 rò propriam etiam naturam habeant & ab
 aliis differant. Quantum itaque dies criticus
 valeat, clarioris doctrinæ gratia ostendamus

*Vbi dolor 5.
 die incipit 7.
 post nempe
 12. die cessa-
 ret, at quo-
 niam 12. cri-
 simus non est
 in 14. trans-
 fertur.
 Gal. lib. 3.
 prognost.*

*Dierum cri-
 simorum na-
 tura peculia-
 ris, est qua
 ab aliis se-
 cernuntur.*

*Quantum
dies crismis
valeat hypo-
thesi declara-
tur.*

ac fingamus 12. aut 16. aut 19. quos mini-
mè criticos esse diximus, quempiam iudica-
ri, vt si duodecimo aut 16. aut 19. sudore
quidè, sed minimè laudabili morbus fuerit
iudicatus, febrisque in ægroto, at non perfe-
ctè defierit, imò verò vt etiam sudor nō ex-
pectatus euenerit laudabilis, & febris perfe-
ctè discussa, & adhæc vt etiam quid aliud
boni præter expectationem, vel circa respi-
rationem, mentem, oblata, tolerandique fa-
cilitatem, aut aliud quidpiam affuerit (præ-
ter expectationem autē dicimus, nam cum
dies ex hypothese crismus non sit, quidnam
boni expectari possit?) proculdubio sine fi-
de crisis erit, ac recidiua timenda, etiam si
quid, vel minimum æger peccauerit. Cæte-
rum tres hi dies nēpe 12. 16. 19. ordini die-
rum malè decernentium adscribuntur. Die-
rum enim ordo duplex statuitur, vnus eo-
rum est qui perfectè, fidè, crebrò, tutò, mani-
festè, salutariter, & cum signis iudicant. Al-
ter ordo est eorum qui nec fidè, nec benè,
nec perfectè: sed & præter hæc, obscurè, &c.
de morbis decernunt. In primo ordine præ-
cipui dies & selectissimi continentur, è qui-
bus septimus primum locum obtinet, quan-
doquidem nihil ex propositis notis bonæ
crisis ei deest, sed eas præ cæteris sibi vendi-
cat. ab hoc decimusquartus sequitur, dehinc
9. mox

*Dierum ordo
duplex.*

*Ordo felici-
um dierum.*

9. mox 11. deinde 20. his minus decernunt
 5. postea 17. his rursus minus iudicant 4. 3. *Ordo dierum
 infelicitum
 seu malorum.*
 18. In secundo ordine male imperfecte, &c.
 iudicantium, & ferè ex aduerso positorum,
 sextus primus est, huic proximi sunt 8.
 10. 12. 16. 19. Inter hos duos ordines deci- *13. utriusq;
 mustertius ambigit. Quod ex sequenti figu-
 ra constabit. In quo dies ad hunc modum
 coordinati sunt.* *ordinis par-
 ticeps est.*

Dierum ad 20. vsque decernentium ordo.

Optimi dies, 7. 14. his proximi, 9. 11. 20.
 post hos, 17. & 5. deinde 4. quem se-
 quitur 3. ac 18.

Proinde omnes ξ 3. 4. 5. 7. 9.
 simul boni sunt ζ 11 14. 17. 18. 20.

Medius inter hos est decimus tertius. Μετὰ
 ξὺ γὰρ πῶς τούτου τῷ σοίχῃ τῷ νῦν εἰρημίνου πάντος
 τῶν μὴ λουουσῶν ἀθρόως ἡμερῶν, καὶ τῶν λουουσῶν.

Malorum pessimus 6. huic similes sunt 8.
 10. deinde sequuntur 12. 16. 19.

Proinde omnes simul ξ 6. 8. 10.
 mali sunt. ζ 12. 16. 19.

Decim tertii diei 14. & 15. historia. CAP. XVIII.

DEcimustertius, omnium decretorio-
 rum imbecillimus est, sed omnium
 qui non decernunt fortissimus, tan-

13. *Duorum
positorum or
dinum me-
dium tenet.*

*Cur ut crisis
qua 7. & 8.
occupat. sep-
timus potius
dicitur non
8. ita etiam
quando cri-
sis 13. & 14.
occupat non
dicitur 13.
sed potius 14.
Dubitatio.*

quam in medio quodam virtutis vtrorū-
que collocatus. Inter duos prædictos ordi-
nes dierum quodammodo mediū est, ordi-
nem dico dierum planè subito non soluē-
tium, puta octaui, 10. 12. 15. 19. & aliorum
dierū, puta tertii, 4. 5. 6. 7. 9. 11. 14. 17. 18.
& vicesimi, decimūtertius maximè mihi vi-
detur esse collocandus: nec scilicet ita vilis
& abiectus, vt ii, qui secundo ordine conti-
nentur: nec ita rursus soluere morbos na-
tus, vt ii, qui primo ascribuntur. Dies 13. de
quibusdam decernit, cum per impares mo-
ti, ad ipsum perducuntur, vt plurimum ta-
men 14. die iudicari dicuntur, cum in hunc
vsque diem 13. paroxysmus protendatur. Ve-
rum cur iudicatio decimi quarti, sit potius
dicenda, quàm decimītertii dubitari possit,
cum in 13. critica symptomata appareāt, si
enim decimatertia nocte, decretorio more,
accessione correptus fuerit aliquis, dein 14.
febre solutus, non 13. sed 14. iudicatus di-
cetur. Cum etiam septimus qui quoad sym-
ptomata, respondet decimotertio, & quam-
uis sudores solutorii morbi, in totum & in-
tegrum diem octauum exciderint, tamen se-
prio æger iudicatus dici debet. Cur igitur
pari ratione 13. iudicatus non dicetur? Hic
scrupulus eximi poterit si indices dies con-
siderentur, & eorum quatuor quæ à nobis
cap.

cap. 14. dicta sunt ratio habēatur: quatuor
dico nempe rationis accessionum, dierum *Solutio.*
naturæ, criticorum temporum numeri, &
ipsius crīseos tēporis. Iudicandi autem tem-
pora tria esse diximus, nempe principiū ac-
cessionis, principium motionis, & finem iu- *Critica tem-*
dicationis. Hæc autem tria si in vnum diem *pōra tria.*
concurrent, omnis proculdubio de die cri-
simo dubitatio tolletur. Decimusquartus
dies, medium est totius mēsis. In eo enim se-
ptimana tertia incipit, & secunda desinit. Is *Decimus-*
naturam septimi maximè imitatur, acuto- *quartus 7. na-*
rumque morborum terminus, existit, nam *turam imita-*
scripsit Hippoc. acutos morbos intra diem *tur.*
14. iudicari. Hinc mulierem illam quæ in lit-
tore habitabat, trimest. partu grauidam, 14. *Mulier quæ*
iudicatam esse cōmemorat lib. 1. epid. Idem *in littore ha-*
mulierem quæ iacebat in mendacium foro *bitabat 14.*
enixam primum laboriosè masculum, 14. *iudicata est.*
obiisse refert. Verum obiiceret quispiā, cum *lib. 1. Epid.*
è morbis qui pro confesso apud omnes acu- *Mulier in*
ti habentur, nonnulli 14. excedere depre- *mendacium*
hēdantur: quosdā enim ex his qui acuto mor- *foro iacens*
bo laborarunt & 17. & 20. fuisse iudicatos *14. mortua*
apud ipsum Hipp. in lib. epid. comperire li- *est. l. 3. Epid.*
cet. Cheriō vicesimo prorsus indicatus. He- *Obiectio.*
rophon die 17. iudicatus est. Philini vxor *Aegroti acu-*
20. obiit. Omnes acuto morbo correpti. *to morbo la-*
borantes ta-
men ultra
14. indicatj.
Cherion.
Herophon.
Philini vxor

Quomodo igitur si hæc ita habent, viden-

túrque acuti quidã morbi 14. diem excedere, in Aphorismis hunc ipsum diem terminum acutorum fecit? Promptũ & facile esset respondere rarum quidem hoc esse vt, videlicet acuti morbi, post 14. iudicentur: at

Solutio.

Hipp. id tantum enuntiat quod crebro oculis usurpauit.

alterum sæpe accidere consueuisse, nempe, vt acuti morbi 14. iudicentur. Hippocrates autem id solũ quod plerunque oculis usurpauit, enuntiat, nulla habita ratione eius quod raro accidit. Verũ ea enuntiatio altiore quendam habet intellectum, si quis eam diligenter, & vt par est, expēderit. Nam qui morbi exquisitè acuti ad 17. aut etiam vicesimum exciderunt, hi planè tanquã submersi, lentè tardèque moueri incœperunt, tum horum alii quidem in primo quaternario, alii in secundo exactè acutorũ motum assumētes, in 17. & in vicesimum etiam exciderunt, intra 14. suum & hi quoque iudicantur. Certum namque est eos morbos, qui in dierum quaternario vehementiam nancisci incœperunt, deinde 17. iudicantur, decimumquartum suum diem non excedere.

Morbi primis diebus tardi, 4. die vehementiores facti, 17. iudicantur. vel 14. intra computatione a 4.

Siquis igitur vel 5. vel 7. morbi die Phrenitide corripiatur, ac tum postea vel 17. vel vicesimo iudicetur, hunc certum est, intra suum 14. esse iudicatum. Morbi itaque acuti, aut intra 14. iudicantur, aut si hunc diem excedant, fieri non potest quin antequam transeant

transeant 14. aliquam recipiant iudicationem, vel ad bonum, vel malum, vel salutem, vel mortem. Idem testatur Gale. & ipsa rerum natura suffragatur ei ratiocinio, quo dicitur acutos morbos habere terminum iudicationis 14. diem. Nullus enim inuentus est vnquam, qui ab initio velociter moueretur, hunc transgredi terminum, qui aliquam ex dictis non acciperet mutationem: sicuti quidam leues, ac parui circa primos dies existentes, quarto aut quinto die continui, vehementes, & acuti fieri incipientes ad 17. terminarunt. Alii verò sexto, aut septimo die ex acui incipientes ad 20. terminarunt, ita vt morbi, continui acuties, nunquam possit plures, quàm 14. obtinere dies. Ex iis verò qui motus habent inæquales, multi extenduntur vsque ad aliquod tempus exterius præfinitum. Dico autem inæquales habere motus, eos qui aliquot diebus fuere vehementiores, postea sine aliqua significatione torpuerunt, deinde rursus ad aucti continuitatem acceperunt. Siquis vt dixi, faciat in ægrotantibus obseruationē: omnes inueniet, qui duas integras septimanas velociter mouentur, nūquam ad exteriorē progredi terminū. Quanuis igitur nonnunquam 17. aut 20. desinat morbus acutus, tamen intra suum 14. iudicatum esse compe-

Com. 23. l. 2.
aph.

Morbi continuatum acutem 14. dies non excedit.

riemus, si supputationē ineamus ab eo die, quo citatior, & vehemētior morbus fieri incipit, vt verbi gratia, si morbus aliquis primis diebus quietior fuerit, ac deinde superuenientibus quibusdam symptomatis 4. aut 7. die citatior fieri incipiat, nonne hunc intra 14. iudicatum esse dices? nam à 4. ad 17. dies, à 20. totidem esse numerando cognoscēs. Quod probari potest historia adolescē

Exemplum.

tis in Melibœa, qui decimo die *παρήκρουσεν ἀ-
τριμίως·κόσμιός τε καὶ ἡσυχός·* id est, Delirauit quie-
tè, moderatus, & taciturnus *ἰδ, παρήκρουσθη,
πολλὰ παρήλθην* id est, Decimoquarto, mente

*Adolescens
in Melibœa
licet 24. die
obierit 14.
tamen iudi-
catus dici po-
test, l. 3. epid.*

motus est, multum delirauit. *καὶ ἑξέμην.* id est,
Vicesimo valde insaniuit. *τῇ καὶ δ' ἡμέρᾳ ἴθαν.* id est,
Vicesimoquarto obiit. Si igitur à 10. die
quo adolescēs ille incœpit delirare, supputa-
tionem ineas, intra 14. suum iudicatum ef-
se comperies. Decimusquintus dies, neque
crisimis, neque indicibus, neque prouoca-
toriis annumeratur, quāuis rarò admodum
eueniat, vt cuiusdam præcedētium dierum
crisis in ipsum recidat. cum 13. quidpiam
commune habet, eius enim iudicationes
nonnunquam excipit, quando morbi segni,
lentóq; motu mouētur tales morbos Gale.
appellat *νοσήματα κωλυόμενά τε καὶ βραδίως κινούμενα.*
decimumquintum tertiæ septimanæ prin-
cipitum esse volebant Diocles & Archige-

nes

nes. Hic enim 28. iudicatorium esse ponebat, ille 21. morborum acutorum terminum constituerebat.

Decimiseptimi & decimi octavi historia.

CAPVT XIX.

Decimusseptimus cum non solum frequenter, sed & firmiter quoque discernere ita natus sit, ut nec coincidentibus decretoriis, sed validis & primis ascribatur, ipsum ex illorum ordine esse, qui analogiam ad 14. retinent, & verisimile, & rationi consentaneum est. Si igitur 14. ita connectitur cum secunda & tertia septimanis, ut illius sit finis, huius verò principium: sic utique fiet ut decimusseptimus quinti itidem quaternarii finis sit, et idem etiam initium sexti. Itaque si coniunctum quaternionem quarum cum quinto salutarem, & benè discernentem ponamus, id est, si diem 14. tertiæ septimane initium statuerimus, & eiusdem terminum 17. habuerimus, sanè sic salutarem circuitum à 14. quidem, iuxta Hippocratis doctrinam, incipientem. in decimumseptimum verò finientem, (qui quidem 17. vicesimi erit index, vicesimus verò crisimus 17) iudicatorium esse constat ex iis, quæ Hippocrates scripsit, primo Epid. in secunda siquidem constitutione hæc scriptis mandavit: Causi paucissimis contigerunt, & quibus

F

17. dissipationem
habet cum
14. sibi proxima decretorio.

Iuxta hippocratis doctrinam
17. circuitum esse salutarem a 14.

17. Vicesimi index, 20. vero decretorius est.

*Locis ex ip-
so Hip. indi-
catis 17. iudi-
catorum ef-
fescenditur.*

*Fratres duo
17. fidè fuc-
runt secundo
iudicati. lib.
1. Epid.*

contigere, minimè omnium inter ægrotan-
tes laborauère: neque enim hæmorrhagia,
nisi admodum pauca, & quidem paucis cō-
tigit, neque item deliria, reliqua omnia fa-
cilè tulerunt, & his quidem iudicabantur
morbi, bono admodum ordine. Plurimis
cum intermissione intra dies decem & se-
ptem. Deinde sub finem tertiæ constitutio-
nis, accuratiùs adhuc de his, qui decimo se-
ptimo die iudicati sunt, ita scribit. Quod ad
crises, inquit, attinet, eæ ex his quæ experien-
tia colligebamus, partim similes erant, par-
tim dissimiles, vt in illis duobus fratribus li-
cet deprehendere, qui eadem hora febricita-
re incœperunt. Decumbebant, inquit, ad E-
pigenis theatrum, fratres duo, horum natu-
maiori, morbus sexto die: iuniori, septimo
iudicatus est. Inde eadem simul vtrique ho-
ra reuersus est, intermisit dies quinque. In
summa, ab recidiua vtrique simul decimo-
septimo est iudicatus. Verũ ne fortasse hoc
fatis habeat fidei, quò diem 17. crisimum ef-
se credamus, quod scilicet, duo quidam eo
ipso sint iudicati, adhibeamus animum iis
quæ deinceps dicuntur. Plurimis sexto die
morbus iudicatus est, intermisit sex, & ab
recidiua quinto iudicatus est. Iam hoc di-
gnam fidem facit, quod & in 2. aëris con-
stitutione decimoseptimo permultos obser-
uauit

uauit esse iudicatos. Et in 3. non solum duos *Aliis exem-*
 fratres, sed & plerosque alios, quos quidem *plis ex Hipp.*
 sexto die primum dicit iudicatos, deinde sex *petitis 17. in*
 intermissionis dies habuisse, ac rursus item *dicatorium*
 quinto iudicatos, quod est die a morbi ini- *esse confir-*
 tio decimo septimo. Sed & his etiam addens *matur.*
 hæc, dicit. Quibus septimo die morbus iu-
 dicatus est, ii septem quoque dies remissio-
 nes habuerunt. Post recidiuam tertio iudi-
 cati sunt: & hoc est, hos etiam in vniuersum
 17. iudicatos. Et item rursus. Quibus au-
 tem quinto die iudicatus est, remisit septē,
 inuasit rursus &prehendit tres. Intermisit
 vnum, vno iterumprehendit, iudicatus vi-
 delicet & his quoque morbus est, in summa
 decimo septimo. Quinetiam & alios quos-
 dam 6. die iudicatos scribit. Intermisit, in-
 quit, sex,prehendit tres, tum vnum intermi-
 sit diem, & altero rediit decimo videlicet
 septimo die, quo eodem & iudicatus est. Et
 verò alios etiam quosdam sexto die iudica-
 tos commemorat, quibus dies septem mor-
 bus cessauerat, tum post recidiuam quarto *Tandem 17.*
 die, hoc est in summa, decimo septimo fuisse *fide iudica-*
 iudicatos. Cæterum his omnibus dictis, quam- *batur mor-*
 quam sufficientibus ad pulchrè ostenden- *bus.*
 dum decimiseptimi vires & potentiam in *Decernendi*
 decernendo, non contentus Hippocra. Sub- *vim 17. inef-*
 intulit. Neque cuiquam eorum, qui hoc mo- *se quomodo*
Hip. innuit.

do ægrotauissent, morbi recidiuam factam animaduerti.

*Decimus-
octauus ra-
rò indicat.*

Decimus octauus dies (qui rarò apud Hip-
pocratem & Galenum iudicat) iuxta Ar-
chigenis opinionem, ita se habet ad 21. vt
17. ad vigesimum, quemadmodum autem
vigessimus magis iudicat, quàm 21. ita 17.
potius quàm 18. Quin dies qui à 17. sur-
gunt validiores sunt, ac fidei plus habent,
quàm qui à decimooctauo manant, idque
duplici nomine, primùm, quod illi expe-
rientia non solùm frequenter, sed & firmiter
decernere sunt deprehensi: deinde quod hu-
ius ordinis dies, testimonio suo sese inuicem
iuuent. Si enim 17. validè iudicare intelle-
xerimus, profecto hic 20. testimonio suo iu-
uabit, certòque significabit ipsum frequen-
ter iudicare pari ratione vbi vicesimum cri-

*Dierum or-
dinem qui à
17. surgit. va-
lidiores esse
eo, qui a 18.
emanat. idg.
bisariam ex
perimentis
& aliorum
dierum testi-
monio.*

*Exemplis é
1. epid. peti-
tis, ordinem
dierum à 17
validiorum
esse.*

*Herophon.
Philini vxor
Epicratis
vxor.*

simum esse cognouerimus, Is sanè fidem fe-
cerit, testeturve, 24. 27. 34. 37. 40. 60. aliòs-
que eius ordinis dies crifimos esse. Vtrum
verò or. liné qui à 17. an qui à 18. surgit ex-
perientia ipsa comprobet in Epid. Hipp. de-
clarauit, ac tertium ordine ægrotū post tres
aëris cōstitutiones adscriptum Herophontē
decimoseptimo iudicatū fuisse ait. Philini
vxorē vicesimo die obiisse. Deinde & post
hāc vxoris etiam Epicratis, meminit, de qua
sub totius historiæ finē hunc in modū scri-
bit,

bit, Quadragesimo pauca, biliola vomuit.
 Octogesimo integrè iudicata est, & febre li-
 berata. Post hanc sexti ordine ægroti Cleo- *Cleonactides*
 nactidæ meminit, sub orationis finem hoc
 adscribens. Octogesimo riguit, febris acuta
 eūprehendit, multū sudauit, minxit, hypo-
 stalis rubra, læuis perfectè iudicatus est. Deci-
 mus itē æger est Clazomenius, quē & ipsum *Clazome-
nius*
 quadragesimo iudicatū ait, Atqui quadra-
 gesimus dies ex ordine decimiseptimi est,
 quēadmodū & octogesimus. Non solum igitur
 ex eo quod permultos in ordine decimi
 septimi iudicatos fuisse cōmemorat, manife- *Alterius or-
dinis excel-
lencia vnde
arguitur.*
 stum est ipsum eum ordinem altero esse vali-
 diorem. Sed & ex eo etiam quod neque de-
 cimioctauo neq; vicesimo primi, 25. 28. Imò
 neque etiam 32. 35. 42. 63. nec octogesimi
 quarti meminit. Ex ordine autē 18. ne vnus *In toto pri-
mo Epid. ne
vnus quidem
in ordine 18.
perfectè iu-
dicatus est.*
 quidem toto primo Epid. libro sit, qui tutò
 iudicarit, nedum perfectè salutariter, vt non
 occidat, id magnæ cuidā, & insigni alterius
 ordinis dignitati & excellentiæ attribuendū
 est. An igitur in primo Epid. imō sic in ter-
 tio verò aliter? Certè & illic eos in summā *Hip. in assi-
gnando ordi-
de dierum
constans fuit
nec aliter in
primo, aliter
3. Epid. scri-
psit.*
 complectens, quos tota constitutione r-
 censuit, dixit omnes ferè qui incolumes e-
 euaserunt, 80. iudicatos. Alios verò, quorum *Exempla 3.
Epid.*
 par iculatim nominatimque meminit, qua-
 dragesimo. Tertius ægrotus lib. 3. Epid. qui

*Qui in Deal-
cis horto ia-
cebat.*

Heropytus.

*Nicodemus
Abderites.
Virgo in Ab-
deris.
Anaxion.*

*Nemo in or-
dine qui est
à 18. lib. 3.
Epid. serua-
tus est, nec
etiam mor-
tuus, præter
delearcis v-
xorem, quæ
vicesimo pri-
mo obiit.
Mulier in
Cyzico.
Adolescens
in Melibæa.*

*hermocrates
Apollonius.*

in Dealcis horto decumbebat, quadragesimo die pituitosa deiecit, alba, copiosa, sudauit largiter, per totum, perfecte iudicatus est. Alios ratione vicesimi sæpius iterati iudicatos esse ait: vt in Heropyti historia cernere licet, qui centesimo vigesimo die integrè iudicatus est. Itē quosdā 24. die, & 27. & adhæc 34. iudicatos bene simul & tuto & integrè scripsit. Vicesimoquarto quidem Abderites Nicodemus, vicesimoseptimo die virgo in Abderis quam & ipsam cum largè sudasset, perfecte febre fuisse liberatā dicit. Anaxion octauus æger ab æris constitutione lib. 3. Epid. 34. die integrè prorsus febre liberatus est, & fide iudicatus est, verum neminem vsquam toto illo libro 3. Epid. comperias, qui in aliquo die eorum qui ab ordine 18. surgeret, seruatus sit, neque enim solū nemo in his diebus seruatus est, sed ne mortuus quidem si Delearcis vxorem exceperis, quæ 21. interiit: at in dierū ordine, qui à 17. sunt, permulti quidem seruati sunt, & nonnulli vita functi, vt ei mulieri accidit, quæ in Cyzico gemellas cū peperisset, decimoseptimodie mortua est. Et ille in Libya adolescens, qui omnium vltimus ab Hippoc li. 3. Epid. descriptus est, 24 obiit. Tertius ab initio Hermocrates 27. Apollonius qui in Abderis decumbebat, decimustertius ægrotus ab æris statu

statu descriptus 31. Nullus denique neque in primo Epid. neque in tertio aut à morbo liberatum esse, aut interiisse legitur, in toto illo dierum ordine, qui à 18. manat: at verò omnes illis diebus iudicati esse comperiuntur, qui iudicatorii habentur, nempe illis qui in ordine 17. sunt. Vnus tantum 21. obiisse comperietur. Ex Hippocratis igitur doctrina colligere licet decimumseptimum de ordine decimi quarti esse & quandam affinitatem cum illo habere. Ex illo verò, decimū-octauum excidere. Cōstat etiam ex eiusdem doctrina dierum à 17. ordinem validiorem esse, eo qui à 18. surgit. Cū fieri non possit vt dies sibi proximi (cuiusmodi sunt 17. & 18) crisimi simul esse valeant. Si igitur 17. crisimus sit, de ordine crisimorum decimus-octauus excidet.

Omnes in ordine dierum. à 17. manantium. lib. I. & 3. Epid. mortui comperiuntur.

17. & 18. aque crisimos non esse.

Vicesimi diei historia.

CAP. XX.

Vicesimus dies crisimus dies est radicalis, & morborum acutorum quibusdā diebus haud citato motu procedentium, aut imperfectè iudicatorum terminus ab Hippoc. lib. de iudicationibus constituitur, ipse etiam hunc ipsum diem sexti quaternarii, & tertix septimanæ finem statuit. Vt enim 17. primi in tertia septimana quaternarii finis est, & alterius initiū: ad vi-

20. dies morbos acutos lente procedentes iudicat, aut imperfectè iudicatos, superiudicat

F iiii

cesimum sanè diem huius ipsius septimanæ
 finis deueniet, quo rationi consentaneum es-
 se putauit Hippocrates ita 20. diē experien-
 tia explorare, vt decimūseptimum experien-
 tia quoq; antea explorasset, & ne fortè quis-
 piam de eo dubitaret, aut vicesimo primo
 postponeret, postquā crismū esse comperit,
 talem eum esse scriptis mandauit. Quā ob
 rem post illa quæ de 17. Epide. primo scri-
 psit, de vicesimo hunc in modum scribit.
 Quibus autem pone aures parotides subor-
 tæ sunt, his morbus vicesimo die iudicatus
 est. Subsedere autē omnibus, nec in pus ver-
 sæ sunt, sed ad vesicam declinarunt. At-
 que id quidem satis esse posset, verū post-
 ea iterum dicit: Quibus septimus dies cri-
 sim attulit, iis nouē dies morbus interquie-
 uit, rediit, ab recidiua quarto iudicatus est,
 in summa scilicet vicesimo. tum iterum de-
 inceps. Quibus verò septimus dies decreto-
 rius fuit, iis sex dies morbus intermisit, de-
 inde rediit, inquit, tum septimo est iudica-
 tus. hoc est, in totum vicesimo. deinde pau-
 lūm progressus: Sunt, inquit, quibus vndeci-
 mo die crisis superuenit, recidiua decimo-
 quarto. Crisis vicesimo perfectè subsecuta
 est, tum ordine etiam subdit: Si verò, inquit,
 nonnulli vicesimo rigeabant, hisce morbus
 iudicabatur quadagesimo. Ex Hippocratis
 igitur

*Hip. experi-
 entia compe-
 rit 20. diem
 validum cri-
 simum esse.*

*Hipp. Locis
 quibus indi-
 cavit 20. de-
 cretorium
 esse.*

igitur doctrina inferre licet 20. non 21. ordinem 14. sequi. Satis nouerat Hippoc. viū & experientia edoctus, quod si quis validis decretoriis, hoc est, iis, qui in quaterniones & septimanas surgunt, decimumseptimum adscripserit, eundem & 20. & 40. adscribere coactum iri. Et item vt vicesimum quartum, ita & 31. Rursum si quis vicesimum adscribat, statim & 14. & 17. & 40. adscribere cogetur. Et sanè si quis quadragesimum validis decretoriis adnumeret, certū est etiam & hunc huic ordini necessario adscribere, debere decimumseptimum, & 20. Qui verò vicesimum primum validè iudicantibus adnumerat, pari ratione etiam 18. & 42. adscribere cogetur, illum quidem vt vicesimi primi indicem, hunc vt septimanas sex explentem. Neque integræ septimanæ supputandæ, & connectendæ erunt, vt nonnulli ad rationem solum, non ad eò ad experientiam animi appellentes, existimarunt. Oporiebat enim quadragesimum secundum esse decretorium, si dierum supputatio secundum integras septimanas fieret. Sic & 84. decretorius erat inueniendus, non autem octogessimus. His itaque diebus animum adhibere oportet, vt qui decretoriorum dierum ordinem planè doceant. Nam si Cleanactides totius corporis concussione acutâque febre

Hip. eos dies qui a 17. & 20. per quaternarios surgunt, crismus esse voluit, non eos qui a 18. & 21.

Septimane non sunt integre numerande. hinc post 14. orta est inter medicos dissensio de supputatione.

20. Numerus
magnā vim
& dignita-
tem habet.

20. Quid pre-
ter alios xi
mium obti-
net.

20. ΤΙΛΙΑ
περίοδος
ex 3. septima-
nis constans.
Septimus se-
ipsum non
auget.

14. ἡμίτιλις
περίοδος.
2. septimanis
constans.
Quaterna-
narius in se-
ipsum non
ducitur.
Cherion 20.
perfectē iudi-
catus.
Euryanactis
filia 20. pe-
riit. 1. 3. epid.
Philini vxor
20. interiit.
lib. 1. Epid.

in festatus, tandem iudore largo octogesimo iudicatus est, constat sanè numerum 20. magnam quādam vim & facultatem obtinere. Hoc enim sæpius in se ducto & aucto octogesium si. vii & 40. & 60. & centesimum vicesimum fieri contingit, vt post dicemus. Vicesimus ex tribus septimanis conflatus, hoc (præter alios qui præcedunt) eximium habet, vt ἀκριβῶς τελεῖα περίοδος. id est, summè perfectus circuitus sit, quoniam si componatur semper, & in sese ducatur, haud alio amplius egebit circuitu. Atqui ne vni quidem eorum qui vicesimū præcedunt, hoc accidit. Si enim septimus seipsum auget, certè is in 14. 21. 28. 35. & 42. produceretur. Decimusquartus pari modo, & 18. pareret, & 42. & alios circuitus. Et si quaternarius etiam ipse in seipsum duceretur, & bis, ter, aut quater augetur, 12. & 16. validos decretorios efficeret. Cherion qui apud Demenetum habitabat, in vigesimo tantum seruatus est. Euryanactis filia & Philini vxor periere.

Dierum qui post 20. sunt ad 40. vsque historia.

CAPVT XXI.

NVnc mihi adhuc propositum est, ex Hippocr. & Gal. doctrina, quinam à vicesimo ad quadragesimū vsque dies sint crisimi, percurrere. Archigenes sanè

nè quidem Dioclèsque vicesimumprimum ante omnes potissimum primo loco dignati sunt. Et verò Archigenes ipsum vicesimo præposuit. Hippocrati tamen sicut & Gale-
 no, aliter visum est. Hip. enim vsu & experientia edoctus, vicesimo primo decernendi vim ademit. Neque enim in primo Epid. Neque in tertio alicuius ægroti meminit qui in vicesimoprimo iudicatus sit, si Delearcis uxorem excipias, quam vicesimoprimo obiisse scribit, sed quoniam secundus, quartus & sextus Epidem. libri vel ipsius Hippocratis sunt, vel Thessali eius filii, horum etiā paucis meminimus, in secundo libro 20. dies & 40. crisimus comperietur, nō autem 21. nec alius quivis qui ab illo ordine manat. In quarto verò Epid. omnium sic dierū meminit, vt rarò quidem ad 20. perueniat, excedat autem semel & progrediatur ad 24. hinc licet cognoscere 20. simul vt & vicesimumquartum de morbis decreuisse, non tamen vllum ex alio ordine alium. Quinetiam in sexto Epid. paucos quidem cum ægrotos, tūm aëris constitutiones percurrit. At nec hic quidem quemquam in alterius ordinis diebus iudicatum esse videtur agnoscere. Quod si & quinti quoque Epid. cuiuslibet tandem ille sit, meminisse par est, & hic etiam quinquaginta sunt vniuersi ægroti, ve-

*Archigenes
21. preposuit
vicesimo.*

Hip. vim decernendi 21. aduenit.

*In primo
& 3. Epid.
unus tantum comperitur qui 21. die iudicatus sit.*

In 2. epid. 21. Crisimus non comperitur.

In 4. Epid. 21. non meminit, neque in sexto.

In 5. Epid. licet 50. sint ægroti horum nullus 21. iudicatus est.

ti, verum neque decimo octauo, neque vice-
 simoprimo, neque vt paucis expediam, alio
 vlllo huius ordinis die ipsorum quiquam
 fuit iudicatus. Et licet concedatur vice-
 simumprimum crifinum esse, quod in ipso
 quidam iudicati visi sunt, nonne fieri potest
 vt crisis in duos dies protendatur, ac 20. &
 21. etiam occupet? Cum autem duos dies
 crisis occupat facile est cuiquam pro arbi-
 trio, huic aut illi crifim attribuere. Cu alio-
 qui arduum sit sine accurata distinctione cui
 e duobus diebus debeat ascribi iudicatio di-
 gnoscere. Vicesimiseptimi similis est ratio.
 Siquidem hunc etiam Galenus vicefimo-
 octauo anteponit. Diocles & Archigenes illi
 postponunt 27. inter alios praeipuus est. In
 eo morbi iudicantur cum sit finis mensis.
 Virgo in Abderis per sudorem 27. iudicata
 est. Habet quoque & tricesimusquartus vim
 non contemnendam. Nam Anaxion per su-
 dorem 34. iudicatus est: & ipso etiam magis
 quadragesimus. His vero minus decernunt vi-
 cesimusquartus & tricesimusprimus, & mul-
 to his adhuc minus tricesimusseptimus. Ita
 vt in dierum decernentium, & eorum qui
 non decernunt medio collocatus esse videat-
 ur, sed magis quidam esse ex eorum nume-
 ro qui non decernunt. Alii dies qui inter 20.
 & 40. intercedunt, iudicandi vim nullam ob-
 tinent,

*Iudicatio in
 terduo duos
 dies occupat
 vt 20. & 21.*

*27. post 21.
 magis aliis
 morbis iudi-
 cat.*

*Virgo in Ab-
 deris 27. iudi-
 cata l. 3. epid
 34. Dies, po-
 tentiam effa-
 tu dignam
 habet. Ana-
 xion 34. iudi-
 catus.*

*Nicodemus
 in Abderis
 24. iudicatus
 est.*

*λ 37. me-
 dius est.*

tinēt, sunt autē duodecim sequentes. Nempe $\kappa\epsilon$ Vicefimulsecundus. $\kappa\gamma$ 23 $\kappa\epsilon$ 25 $\kappa\varsigma$ 26 $\kappa\theta$ 29 λ triresimus $\lambda\epsilon$ 32 $\lambda\gamma$ 33 $\lambda\epsilon$ 35.

Inter 20. & 40. diem 12. dies non discernentur.

$\lambda\varsigma$ 36 $\lambda\eta$ 38 $\lambda\theta$ 39. Sed qui dies sunt ad decimum quatuorvique, magnas in morbis fluctuationes & perturbationes adferunt. Proximè sunt qui ad 20. qui post hunc ad quadragesimum succedūt vniuersi: hi paulatim vehementiam, laboriosumque certamen remittunt, vt & qui post 40. sunt omnes prorsus languent, coctione potius, & abscessibus, quàm crisis morbis finem imponentes, & solutionem adferentes. Fiunt tamen in his diebus iudicia per excretiones, sed rarò, nec laboriosum certamen habent: & vt

Dies post 40. coctione potius morbos & abscessibus quam crisis terminantur. lib. I. $\kappa\rho\iota\sigma\tau.$ $\acute{\alpha}\mu\epsilon\rho.$

plurimum crises pluribus diebus soluuntur, maximè cùm in abscessum vertuntur, quod exemplis desumptis è primo & 3. Epid. Probari potest. Dies enim qui post decimū quartum sunt vehementiam suā remittunt: vt in

Exemplis probatur dies a 14. vehementiā suā remittere.

Clazomenii historia apparet, cui tumores secundū aures die 27. cū dolore coxæ vehementi adfuerūt, & quadragesimo tandē liberatus est. Hic decimus est egrotus tēpestate 3. Primi Epid. Qui in dealcis horto iacebat, signis coctionis 24. die apparētibus excretionibus, id est sudore quadragesimo iudicatus est. Et Anaxion Abderites 27. die cocta multa eduxit. In vrinis hypostasis mul

clazomenius

Qui in Dealcis horto iacebat.

Anaxion Abderites.

Quo dierum
numerus au-
getur, eomor-
bi magnitu-
do minuitur
& contrà.
Dies ad 14.
vsque ma-
gnas agita-
tiones adfer-
re Phreniti-
cus. l. 3. epid.
Caluus in la-
rissa.
Philistes in
Thaso.
Erasinus.
Anginosa.
Philiscus.
Adolescen-
tulus.
Silenus.
Mulier iacēs
in mendaciū
foro.

ta, alba: tandem 34. sudauit per totū, & pror-
sus iudicatus est. Cōtrà, dies qui sunt ad de-
cimumquartum magnas in morbis adferūt
perturbationes. Primū enim constat Phre-
niticum illum, cuius meminit Hipp. lib. 3.
Epid. sicuti & Caluum Larissæum vtrunq;
inquā die quarto obiisse comperias, & Phi-
listem Thasium. sicut & Erasīnū octauum
cōst. 3. primi Epid. & Anginosam 5. die tres
illos, inquam obiisse. Philiscum sexto, ado-
lescentulum, qui in mendacium foro iace-
bat, septimo: Silenum qui secundus est: con-
stitu. 3. primi, vndecimo: Mulierē illam quæ
iacebat in mendacium foro, decimoquarto
obiisse. Diem autē mortis cuiuslibet horū,
magnas perturbationes antecessisse, citatis
historiis tū. 1. tū. 3. Epid. comperies.

Dierum à vicesimo ad quadragesimum ordo.

A 20. die ad 40.	κζ. 27. post hunc λδ. 34. & ipso etiam vim mētionē di- gnam habent.	magis μ. 40. his minus decernunt κδ. 24. & λα. 31. & his multò mi- nus λζ. 37.
------------------	---	--

λζ. 37. In dierum decernentium, & eo-
rum qui non decernunt medio, colloca-
tus esse videtur, sed magis quidē esse ex
eorum numero qui non decernunt.

Non decer- nentes sunt duodecim.	{	κϞ. 22. κγ. 23. κϵ. 25. κς. 26. κθ. 29. λ. 30. λϞ. 32. λγ. 33. λι. 35. λς. 36. λη. 38. λθ. 39.
--	---	--

Quadragesimi 60. 80. 100. 120. historia.

CAPVT XXII.

Quadragesimus dies interdum quidē ^{40. Interdū} acutorum, ^{interdum} diuturnorum planē morborum in- ^{diuturnorū} ^{terminus est.} termissionem habētium : interdum ^{verò} acutorum terminus sta-
tuitur, cū morbi ii, qui ex decidētia acuti
sunt, exactæ solutionis longissimum termi-
num habeant, diem quadragesimum. Non-
nulli verò etiam cum febre continua sem-
per ad hunc vsque diem protendantur. Hac
vtique ratione Hippocrates 1. Prognost.
hunc in modum dicebat : Bonam autem
respirationem existimare oportet, magnam
vim ad salutem habere in omnibus morbis
acutis, quicunque cum febre sunt, & in qua-
draginta diebus iudicantur. Non enim in a-
cutis simpliciter, etsi potuisset, dixit : sed cū
hoc additamēto καὶ ἐν τεσσαράκονθ' ἡμέραις, id est,
in quadraginta diebus iudicantur, quod sci-
licet acuti quidā sunt, qui vt integrè soluan-
tur, in eum diem protrahuntur. Acuti igitur
simpliciter vltra decimumquartum iniudi-
cati non progrediuntur.

Qui verò in quadragesimum recidunt, hi ipsi interdum sunt, qui non perfectè intra decimumquartum sunt iudicati, interdum verò hi, qui ab ipso statim initio tardè mouentur, licet ad 40. vsque febrem cōtinuam comitem habeant, tales morbos Gal. vocat

L. 2. κρεσ.
ημερ.

νόσηματα ἀρχῆς ὡς τῆς τεσσαρακοσῆς ἡκτινίμενα κολυόμεν· τε καὶ βραδείως κινύμενα, siue ἐπὶ βρυχία καὶ μολινομένα, alias ὑπὲρ βρυχία βραδείως τε καὶ οἷον μεμολυμένως κινύσθαι αἰετῇ· μένα. Veteres interpretes egritudines sepultas in profundo corpōris vertūt, nonnulli tamen medici post 14. ne numerandos

Etiā post
14. diem acu-
torum mor-
borum dies
numerandos
esse.

quidem esse existimarunt morbi dies. Quoniam is terminus est acutorum, præsertim si morbus, motus inæquales habeat, vt si diebus aliis vehementiam sumat, deinde sensim eam remittat, rursūque postea augeatur, & motum continuum sumat. Quinetiam & tertium illud genus lentorum, ac submersorū planè morborū est, qui acutis opponuntur, quadragesimū habet decretoriū.

χρόνιον ἢ χρόνιον νόσημα dicitur. Alii verò medici quamuis numerare morbi dies post 14. soleant, indistinctè tamen iudicationis plures dies, cui dierum placet, adscribunt. Accidit enim vt morbi inueterascentes, cū iudicationis turbationē vehementem, tum alterationis breuitatem remittant, duos sæpe dies vel etiam tres occupent, quo casu perfacile est

Erists ad 2.
aut 3. dies in
terdum pro-
tenditur.

est ei è duobus aut tribus diebus, cui dierum
 quis voluerit, iudicationem adscribere. Ve-
 rum Hippocrates passim, non solũ ante 14.
 sed etiam post, morbi dies numerat: aliquan-
 do enim in ægrotis die septimo, vndecimo,
 vel decimoquarto, morbum iudicatum esse
 ait, aliquando verò circa vicesimũ, quadra-
 gesimum, vel alium quempiam, vt in prima
 statim & secunda cõstitutione primi Epid.
 In prima siquidẽ ait. Quibus breuissimi mor-
 bi fuerunt, iis circa vicesimũ, plurimis, cir-
 ca quadragesimũ, non paucis, circa octoge-
 simũ iudicatio facta est. In secunda verò rur-
 sum constitutione. Sunt quibus, inquit, cir-
 ca vicesimũ diẽ morbus iudicatus est, verũ
 pauci ii, quibus etiã breuissimi morbi fue-
 runt. In tertia itẽ. Sanguis fluere modicẽ cœ-
 pit circa vicesimũ quartũ diẽ, & abscessus in
 hæmorrhagiã conuersi sunt Antiphonti Cri-
 tobuli: iudicatus is est, & integrẽ liberatus
 circa quadragesimum. Vbi aduertendũ erit
 Hippocratẽ post 14. mutata loquendi for-
 mula efferre, morbos circa 20. 27. 40. aut
 60. iudicari, addita particula *ἢ ἔτι* vel *ἢ ἔτι*:
 ante 14. autem *ἀπὸ λῶς τε τὰρταῖον, τεμπτὰιον, ἢ ἐβ-*
δομαῖον κίκρισθαι, quod est simpliciter quarto 5.
 aut 7. iudicatũ esse. Nã quando morbi vltẽ-
 rius progrediuntur, & *χρονίζοντες* fiunt, ea flu-
 ctuatio, quæ præcipitẽ immutationẽ præce-

*Antiphon
 Critobuli fi-
 lius circa 40
 iudicatus.
 lib. I. Epid.*

*Hipp. loquen-
 di formula*

G

Vnde fit vt
iudicatio post
14. plures oc-
cupet dies.

Diuturniores
morbi absces-
sibus potius
aut coctioni-
bus quam ex-
cretionibus
iudicari so-
lent.

Cleonaſtides
vno die &
cum excre-
tione iudica-
tus eſt.

Morbus poſt
14. vno die
αδρῶς ſeu
cum excre-
tione etiam
iudicari.

Nicodemus
Anaxion.
Virgo in Ab-
deris.

dit, & ἀδρῶς fieri ſolet remittitur. Hinc fit vt
iudicationes quæ κατὰ βραχὺ id eſt, paulatim
fiunt, duos aut tres dies occupent. Plurimi
ſiquidem diuturni morbi ſunt, qui abſceſſi-
bus, aut coctionib⁹ potius, quàm excretioni-
bus ſoluuntur. Quod ſi nō nunquā accidat, vt
horū nonnulli abſceſſu inſigni, aut excretio-
ne ſoluantur, ea fanè ſolutio non vno die, ſed
duobus tribusve diebus perficietur: verūta-
men neque iccirco inueteraſcentes morbos,
ſine vlla omnino manifeſta excretionē iudi-
cari, ſicuti nec plures dies neceſſariò adſu-
mere, exiſtimandū erit. Nā octogefimo Cle-
onaſtidem apud Hippoc. i. Epid. comperias
ipſum cōcuſſum eſſe, acutēque febricitaffe
& ſudaſſe largiter, ac διὰ μίαν ἡμέραν, ἢ τοὶ ἀδρῶς,
quod eſt vno die ſeu ſubito & cū excretionē
iudicatū eſſe. Quinetiā alios agrotos repe-
rias, qui vno die, per excretionē in proceden-
te inueteraſcentēque morbo iudicati ſunt.
Nā Nicodemus in Abderis 24. die per vri-
nas iudicatus eſt. Anaxiō per ſudores 34. Vir-
go in Abderis per ſudores 27. Itaque diu-
turniores morbos lentē remittere illam, quē
per certanē cōmotionēque fit, ſolutionē,
rectē & verē dici poteſt. At quod nunquam
vno die ſubita corū mutatio fiat, id eſt à ve-
ritate alienū. Cū enim verbi gratia rigor ve-
hemens non ante acceſſionem omnino, ſed
vna

vnà cum ipsa inuadit, febrisque calidissima toleratu difficilis accedit, sudorque copiosus manat è toto corpore, hominē prorsus febre liberās, nonne id per iudicationē fieri dicemus? Verū in descriptis ab Hipp. ægrotis lib. 1. & 3. Epid. licet deprehendere eiusmodi morborū inueterascentiū solutiones, non fieri cōinuato morbi acumine ad 20. 27. 34. 40. morbi enim continuatū acumen ultra 14. protendi non potest: sed cū soluti esse videntur, secūdo rursus recidiui redeunt, & deintegrò occipiūt. Sæpe autē particulares ipsæ recidiuæ, in diebus quibusdā *Morbi continuatum acumen ultra 14. protendi non potest.* crisimis incipiunt, & cū per aliquē crisimorū numerū processerint, rursus in alio quopiam die crisimo iudicantur, atque sic particulares quidē singulæ accessiones acutæ fiunt, totū verò diuturnū. Interdū verò intermissiones, ipsorū numero quodā decretoriorū dierū circumscribuntur, veluti si quis vndecimo iudicatus imperfectè, decimoquarto morbi recidiuā patiat. Et item rursus, si quis vicesimo iudicatus parū integrè, vicesimo septimo reuertat morbus, inde postea cū acutè ægrotauerit, quadagesimo iterū iudicetur. Exēpli loco esse poterunt Epicratis vxor, Cleonactides, Cherion, Euryanactis filia, Parius, Hermocrates, & nōnulli alii, quorum morbi magna ex parte interrupti sunt, *Morborum intermissiones numero quodam dierum crisimorum circumscribi.* *Morborum motus inequales.* *Ægroti quorum morbi inequales motus habuerunt.*

ita vt aliis diebus vehementiores facti, post ea remissi sunt, rursumque deinde crescentes motū continuatū sumpserunt. Hæc profectò in ægris deprehendet, & quisquis diligenter eis assidere, & qui ægros alios ab Hippocrate descriptos, obseruare voluerit.

*Dies post 40.
contemnit
Hip. præter
60. 80. 100.
120.*

Cæterum alios quidem omnes dies qui post quadragesimū sunt, contemnere planè videtur Hippocr. sexagesimi tamen, & octogesimi, & centesimi vicesimi, habet rationē: sic quasdam puris eruptiones ad 60. vsque diem peruenire dixit li. 2. prognost. Epicratis vxorem octogesimo obiisse refert. Cleonactides eodem octogesimo perfectè iudicatus est. Mulier in Thaso mortua est octogesimo,

*Ægroti qui
post 40. iudi-
cati sunt ex
lib. Epid.*

Parius in Thaso ceteresimo vicesimo die obiit, Heropytus ceteresimo vicesimo perfectè iudicatus est. Sicque dierum crifimorum analogia, numerā diue series à 14. ad centesimū vicesimū perpetuò eadē seruabitur. Vt enim 14. & secunda septimanæ finis est, & tertiæ principii: ita & 34. quintæ terminus est & sextæ initium, vt tres septimanæ viginti semper diebus circūscribantur. Ideoque 60. nō 63. crifimus erit, ac pari ratione octogesimus. 100.

*Decernenti-
um dierum
proportio à
14. ad 120.
seruanda.*

& centesimus vicesimus. Verum vt progressu tēporis crifimorum vehementia paulatim remittitur, & languescit: ita & imbecilles dies crifimos obscurari planè cōtingit, solos ve-

*Minorum,
periodorum
sive quater-
nariorum &
septenariis
vis tandem*

ro


rò illos semper persistere, & vim suã seruare ^{aboleatur, ac}
qui perfectum crisimorum dierũ circuitum ^{perfectis pe-}
absoluũt. Primus autẽ perfectus circuitus is ^{riodis produ-}
est, qui diebus viginti ac tribus septimanis ^{et morbi iu-}
absoluitur: vicesimus quadragesimus 60. 80. ^{dicantur.}
100. 120. perfecti circuitus sunt, qui om- ^{Perfecti cir-}
nes ex 20. bis, ter, quater, ac sæpius aucto ex- ^{cuitus.}
urgunt. Postea 120. dies, menses 4. absoluunt,
ac tum incipit crisis, quæ per menses sit, &
quemadmodũ quartus dies, aut iudicat, aut
7. index est: ita quartus mensis aliquando iu- ^{4. mensis. 7.}
dicat, interdum mensis septimi index est, sic ^{index.}
in annis progrediendum erit, ita vt 4. annus
7. sit index, sic itaque morbos alios mensi-
bus septem, alios annis septem, alios etiã in
binis & ternis annorũ hebdomadis, siue an-
nis 14. & 20. iudicari innuit Hip. apho. 28.
lib. 3. aph. sic scribens. Plurimi verò morbi
puerulis iudicantur: hi quidem quadragin-
ta diebus, illi verò in septem mēsis, aliqui
in septem annis, nonnulli quũ ad puber-
tatem accedunt. Quicunque autem pueru-
lis perdurarint, nec propè pubertatem de-
fierint, aut fœminis, cum menstrua erupe-
rint, hi consenescere consueuerunt.


DIERV M INDICVM ET CRISIMO-
rum concinnitas, & analogia, iuxta
Hippocratis doctrinam.

Indices & cōtemplabi- les dies.	{	4. 24. 44. 74. 84. 104.	{	Quaterna- rii 36. septi- manæ 18.
		11. 31. 51. 71. 91. 111.		
		17. 37. 57. 77. 97. 117.		
Crisimi dies.	{	7. 27. 47. 67. 87. 107.	{	
		14. 34. 54. 74. 94. 114.		
		20. 40. 60. 80. 100. 120.		

Cōcinnitas ea- dē in intermit- tētium febriū periodis seruā- da est. Nam	{	Tertiana exquisita, 7. circuitibus iudicatur.
		Quotidiana, ex pura pituita 60. diebus terminatur.
		Quartana, ex pura melancholia 120. periodis, vt plurimū de- finit.

PRIMI LIBRI FINIS.







ANTONII PETITÆI AMBIANI,

LIBER SECVNDVS CRISI-

merologij, causas Crisimorum
dierum complectens.

*Quid agendum, disputandumque hoc secundo
lib. Item causarum genera.*

CAP. I.



IERVM Crisimorū experiētia
Hippocratis inuentorū, ac gra-
uissimorum medicorum obser-
uationibus, in variis regionibus,
omni tempore comprobatorum,
historiis enarratis:
Nunc hæc cōscribere par est, in eorum gratiā,
qui causas ob quas fiat, vt omnes dies non æquē
de morbis decernant, scrutari, & ratione expen-
dere, præstantius ducunt, quàm in ipsorum dif-
ferentiis experimento indagandis, tempus &
operam impendere. ac primum sanè inuentio-
nis dierum decretoriorum principia, qualia su-
periore libro tradita sunt, pro confessis habere,
& admittere conuenit. Sunt autem hæc genere

A

Duo prin-
cipia inue-
tionis die-
rum Crisi-
moy.

duplicia. Horum alterum genus experientia, al-
terum ratione nititur. Et experientia quidem
planè testatum, comprobatūmq; est, nō omnes
pariter dies de morbis decernere: sed septena-
rios validissima virtute esse præditos: Secundo
post hos loco quaternarios, quosdam extra hos
coincidere: Item neque omnes septimanas a se
inuicem separari: sed ipsarum aliquas etiam cō-
iungi: ad hæc neque omnes quaternarios sepa-
rari, sed horum aliquos disiungi: aliquos etiam
coniungi: præterea Crises vt plurimum contin-
gere in acutis quidem morbis, imparibus die-
bus, in diuturnis, paribus. Sanè hæc omnia de
quibus etiam prius dictum est, experientia a-
bundè satis testata, comprobataque sunt. At
vero nobis Crisimorum dierum causas ratione
vestigare conantibus, perspicuam, fore hanc
nostram tractationem visum est, si ab vniuersa-
libus exordiremur, & causarum omnium gene-
ra ad inuentionem earum, quæ nobis nunc in-
uestigandæ sunt, recenseremus. talem enim
methodum sequi oportet eum, qui rerum natu-
ras, & causas perquirere voluerit, vt Arist. scri-
ptum reliquit. Nam cū consideratio causa-
rum sit sciendi gratia, tum scire vnumquodque
non antè nos existimamus, quàm intelligamus,
quamobrem sit quod in eo positum est, vt cau-
sam primum penitus cognitam habeamus. Cau-
sæ autem nomen bifariam accipi potest: vel
vt explicat rem cuius causa dicitur: vel vt est
id, quod ad alicuius rei constitutionem necessa-
riò requiritur. Priore modo causam vsurpat

Initio φυσ.
ἀκροῦσ.

Causæ no-
men bifa-
riam sumi.

Arist. dum sic scribit libr. 2. φυσ. ἐπεὶ γὰρ τὸ εἰδέναι
 χάριν τὰ φυσικὰ ἢ πρᾶγματεία, εἰδέναι δὲ οὐ πρότερον διόμμεθα
 ἔχασον, πρὶν αὖ λαβόμεν τὸ διὰ τί, πῶς ἔχασον, τὸ δ' ἐστὶ τὸ λα
 βῆν πρὶν πρῶτον αἰτίαν, δηλονότι καὶ τὸ ποιητέον, καὶ πῶς γενέ
 σιος καὶ φθορᾶς καὶ πῶς πάσης τῆς φυσικῆς μεταβολῆς ὅπως
 εἰδότες αὐτῶν τὰς ἀρχὰς, ἀνάγκη εἰς αὐτὰς περὶ ὧν τῶν ζῴ
 οντων ἔχασον. Proinde cum quatuor tantum que
 stiones esse animaduertisset, quibus quidpiam
 quæri posset, eorum quæ ad naturalium rerum
 constitutionem pertinent, quatuor etiam gene
 ra causarum, constituit. Sic enim deinde scribit:
 Vno quidem modo causa dicitur, id ex quo ali
 quid ita conficitur, ut in re ipsa insit, ac perma
 neat, ut statua æs, & argentum patera, & quæ
 sunt eiusdem generis. Alio autem modo, for
 ma atque exemplar, id est ratio & definitio na
 turæ cuiusque, & eius genera, ut eius concentus
 qui διὰ πασῶν nominatur, & dupla proportio, repetit me
 & vno nomine numerus, partēsque quas defi
 nitio complectitur. Præterea id vnde primum
 mutationis, aut quietis principium ducitur:
 veluti is qui consilium dedit, aut cepit causa est,
 & pater filij, vnoque nomine id quod efficit ef
 fectus, & quod mouet, eius quod mouetur.
 Quartum etiam causæ genus est, finis, id est, Finalis:
 cuius causa aliquid fit, ut ambulationis valetu
 do: si enim quærat, cur ambulet, responde
 mus, ut valeat: quod cum diximus, causam nos
 attulisse arbitramur: eaque omnia quæ cum a
 liud motum attulit, inter illud & finem inter
 iecta sunt, ut inter medicum & valetudinem
 macies, vel purgatio, vel curationes & medici
 næ, vel instrumēta. Hæc enim ad finem omnia

Arist. φυσ.

ἀκροας. τ. β.

pag. 143. 1.

to. cod.

Græc. ba

sil. idem

iisdem fe

re verbis

repetit me

taph. τοδ.

pag. 359.

Tomi. 2.

Causa ma

terialis.

Formalis.

Efficiens.

Finalis.

DE CAUSIS DIER.

Alterum
causæ si-
gnificatū.

pertinent. Sed inter se differunt, quod alia opera, alia instrumenta sunt. Altero modo sumptā causam multi ex Aristot. sententia sic describunt: est id ad cuius essentiā, sequitur aliud: ex qua quidem descriptione, quatuor dicta causarum genera deduci possunt: siquidem ad essentiam ipsius materiæ, formæ, efficientis, atque finis, semper aliud sequitur. nisi enim materia ipsi constitutioni sublerneretur, nihil fieret cum *ἐξ οὐδ' ἐνὸς οὐδ' ἐν*. quemadmodum quoque si forma deficiat, quæ dat essentiam rei, res ipsa nequam existeret, ac multo minus si efficiēs deesset, aut efficientis propositum: cum natura, vel arte nihil sine causa producente, & rem ipsam alicuius gratia intendente, fieri certū sit. Quāobrem ut ordine progrediamur de Crisimorū dierū materiali causa primo loco nobis agendum erit, ac inquirendum per singula morborum genera, in quonam genere horum dies ipsi Crisimi, obseruari debeant. an in morbis partiū similarium, ut in intēperie morbosa nudæ qualitatis, aut eius quæ cum affluxu humoris est. Vtrum etiam in morbis partium instrumentarum propriis, cum simplicibus, ut pote indecenti conformatione, magnitudine, numero, positura, aut horum compositione, locum habeant. Inquirendum quoque an in continui solutione, tumoribus præter naturam, considerari debeant, neque omittendum erit, an in symptomatis Critici illi dies spectari possint. Secundo loco causa formalis Crisimorum, eorūque analogia proponetur, deinde mēsum ratio tra-

detur, & an 20. dies potius quàm 21. decernat, aduersariorum Galeni opinionibus refutatis, expendemus ac diligentius ponderabimus. Terriò ad causam efficientem progrediemur, ac in ea declaranda nobis potissimum elaborandum erit, ac ratione (cum supra experientia dies ab Hipp. & Gal. comprobatos, ac iudicandi vidatos recensuerimus) indagandum erit an causa cœlestibus, an naturæ, aut materiæ motui referenda sit accepta, an lunæ schematismi aliquid possint, qua ratione cœlestia Crisim efficiant, & alia eiusmodi inquiremus. Postremò de finali dierum Crisimorum causa agemus, ac sic progrediendo, hoc Crisimerologium absoluerimus.

Causa materialis dierum Crisimorum.

CAPVT II.



CRISIMORVM dierum causa materialis, in morbis spectanda est, quorum crisis statò tempore fieri solet, cuiusmodi sunt morbi à materia pendentes, in quibus quidpiam repenti, & cum magna perturbatione excernendum est. Fit enim crisis natura prius per concoctionem separâte à bonis mala, & ad excretionē ea præparâte. Siquidē vt bona fiat crisis, coctionē præire oportet, subsequi verò discretionē, & postea euacuationē, vt testatur Gal. Ea autē euacuatio fieri subitò solet, nā crisis subita est in morbo,

Crisis vt
bona fiat,
coctionē
præcedere
oportet,
subsequi
discretionē,
& postea
euacuationē.
lib. 2. aph.
13. & li. 4.
aph. 22.

A iij

Intempe-
riem sine
humoris
affluxu Cri-
simorum
dierū cau-
sam mate-
rialem nō
esse.

Omnes
morbos à
materia
pendentes
Crisimorū
dierū cau-
sas materia-
les non exi-
stere.

Quo pa-
cto quidā
sine Crisi
moriātur.
Gal. lib. 3.
Crisew.

Crisis in
exitiali-
bus mor-
bis vigo-
ris tempus
necessario
non expe-
ctat.

vel ad sanitatem, vel ad mortem mutatio. Nudæ igitur qualitatis intēperies morbosā, dierū critico-
rum materia non est, cum in ea nihil motu critico excernatur. Neque tamen omnes morbi, à materia pendentes Crisimorum dierum materiales causæ existunt. Illi enim morbi in quibus paulatim humidum nativum arefcit, atque corpus subinde tabescit, crisin non habēt, ut neque illi qui propter humorum copiam, crassitiem, aut lentorem spiritū ductus obturant, & ob humorum ad interiora motum, qui naturam, initio accessionum, veluti suffocant & extinguunt non aliter quā si lignorum viridum aceruum super flammās coniicias. huiusmodi morbi sine crisi interimere possunt. At nemo repenti à morbo citra Crisim liberatur. Qui enim servatur omnia morbi vniuersalia pertransit tempora, principium, augmentum, vigorem, & declinationem, quanvis in quibusdam per repentinas crises non videatur fieri declinatio. Moriturus autem ad declinationis tempus pertingere non potest, non tamen necessario ad vigorem. Fieri enim potest ut ipse in augmēti, & principij etiam tempore moriatur, ut verò iudicetur non est necesse, potissimum si in principio morbi interit. Hoc autem accidit, vbi natura à morbo plurimum superatur: tum enim aduersus morbum certare non conatur, atqui sine certamine non fit crisis.

*An dies Crisimi in intemperie simplici
animaduertendi sint.*

CAPVT 3.



VERVM obiiceret fortasse quispiam
Crisimos dies etiam in simplicis &
nudæ qualitatis morbosa intempe-
rie considerari posse. Nam crisim ^{Primadu-}
mutationis morborum speciem esse, scribit Gal. ^{bitatio.} Initio lib.
At qualitati mutatio ascribitur, quandoquidem ^{3 Criseor.}
mutatio motus est secundum qualitatem Arist.
autore.

Præterea natura à duabus potissimum cau-
sis, vt post dicemus, ad Crisim promouetur, nem ^{Secunda.}
pe à morbi irritamento, & à cælo: atqui nudæ
qualitatis intemperies naturam vehementer
irritat, & sollicitat, siquidem nullius interuentu
eam infestat, ac stimulat, materia verò siue hu-
morū affluxus naturam infestat, interueniente
tamen intemperie morbosa, nonne igitur na-
turam, nudæ qualitatis intemperie sola irritan-
te, ad crisim promoueri concedes? Cælestis
autem influxus nec minus naturæ, aduersus in-
temperiem simplicis qualitatis decertanti, au- ^{Tertia.}
xiliatur, quàm si in eam, quæ cum humorum vi-
tio est, pugnaret, æqualis enim influxus est.

Nam morborum iudicationes quæ à solis, &
lunæ cōmuni actione proueniunt, aëris im mu-
tatione fiūt, aëris autem immutatio equè cum
simplicis qualitatis intemperie, ac cum ea quæ
cum humorum vitio est, pugnat: at iudicationes

A iij

à communi conditione promouentur, seu ab aëris immutatione: dum singulis diebus, horis, anni temporibus, aëris temperamētum immutatur, & de frigida constitutione in calidam, & contrā de sicca in humidam, aut de temperata in aliam mutatur. Calidam autem & humidam aëris constitutionem Crisim promouere docet

Gal. 1 aph.
6. lib. 3.
Quarta ratio.

lib. 3. pgn.

Dubitatio
nes propo-
sitæ soluun-
tur.

Crisis du-
plex signi-
ficatio.

Gal. Item diariæ febres omnium simplicissimæ quæ spiritus tantum sunt affectiones, sine humorum putredine, nihilominus tamen certis quibusdam diebus desinunt. Hos itaque omnes obices, ne cuiuspiam negotium facessant, amoliri conandum est: sed primum illud memoriæ mandandum, quod Gal. scribit, nempe omnem iudicationem cum quadam euidenti vacuatione, aut abscessu fieri: at in simplici intemperie nulla fit excretio humoris vitiosi, in ea igitur nec Crises nec Crisimi dies animaduertendi erunt. Neque solum in omni Crisi materiæ excretio desideratur, sed etiam & coctio, & secretio. At nudæ qualitatis intemperiem coctionem, aut secretionem admittere, quis dicet? In ea igitur iudicatio non fiet, neque ipsa iudicatoriorum dierum materia erit. verum cum nomen Crisis bifariam sumatur, vel pro quauis solutione, quæ nulla præcedente agitatione fit, hoc modo nudæ qualitatis intemperies Crisim nascisci poterit. Altera significatione Crisis, pro ea perturbatione & agitatione (σάλον καὶ παραχὴν Græci vocāt) quæ euacuationem solet præcedere, vsurpatur, hoc posteriore modo non fit Crisis in simplici qualitate, requiritur enim materia, à qua παραχὴ

ἀξιολόγος cōtingat, & huius excretionē μετ' ἀγῶνος
subsequente, repentina in egrotantis corpore
mutatio concitetur.

*An in morbis organicis, solutione continui, tumoribus
præter naturam, symptomatis, dies Crisimi ob-
seruari debeant.*

CAPVT IIII.

PARTIVM similiarium morbum,
decretorum dierū causam ma-
terialem existere cum demonstra-
tum sit, num inquisitione dignum
videtur, num etiam organicarum
partium morbi, dierum prædictorum causæ ma-
teriales esse possint. quod sanè persuaderi posse
hinc constabit, & primum si conformationem
(quam Galenus sua lingua διάπλασιν vocat) spe-
ctes, cum apoplexiæ omnes fiant vi animali ne-
que ùte defluere ad partes capiti subditas, aut ob
aliquam phlegmonosam dispositionē, quæ ce-
rebrum infestet, aut oppletis ventriculis cere-
bri pituitoso humore; hic igitur morbus cū
in cōformatione sit, in partibus videlicet, quas
natura cauitatibus & meatibus quibusdam dō-
navit, Crisimos dies nanciscitur. nam quicūque
fani dolore capitis repente corripuntur, & sta-
tim muti fiunt, & stertunt, in septem diebus pe-
reunt, nisi febris apprehenderit, quemadmodū
docet Hippocrates. Ipse quoq; ait tetano cor-
reptos, in quatuor diebus perire: qui hos exce-

Dies Cri-
simi an in
conforma-
tione ob-
seruandi.
Gal. cō. in
aph. 42. l. 2

Hipp. aph.
51. lib. 6.

An in cō-
positione
& magni-
tudine.

ferint incolumes fieri. Præterea angina Crisimos dies sequitur, vt Hippocr. lib. 3. Prognost. de ea angine specie loquēs in qua fauces & ceruix rubent, sic post alia inquit: Si verò nec diebus decretoriis deletur rubor, neque tuberculo conuerso in sedem exteriorem pus non facile excreat, mortem indicat, aut recidiuam. Præter-

An in nu-
mero par-
tium iusto
corrupto.

ea in numero partiū iusto corrupto, siue numero partiū morbo, Crisimi dies spectari possunt, vt in lūbricis, qui in numero morbum, eorū critica excretionē finiendum, efficiunt. Hos enim cum deiectione expelli morbo ad iudicationē eunte opportunum est, vt docet Hippoc. Nihil sanè obstare videtur quo minus natura ab his lūbricis stimulata, & irritata ad eorū excretionē motu critico se nō accingat, non secus ac cū in prouocatoriis diebus à materia ad Crisim proritatur.

Hipp. lib.
de Crisi-
bus, Apo-
teles. 3.
Sect. 1.

An in posi-
tura par-
tium.

Cæterum in morbo posituræ, siue situs, sit crisis, vt in angina, in qua epiglottis suo situ dimouetur. Quamobrem in omnibus partium instrumentariarum morborum generibus Crisim & Criticos dies locum habere constat. Continui quoque solutionem materiam esse Crisimorum videtur innuere Hippo. dum sic ait, Quæcunque vlcerata annua sunt, aut lōgiore tempore durant in iis os abscedere, & cicatrices cauas fieri: necesse est.

An in con-
tinue solu-
tione.

Aph. 45.
lib. 6. aph.

Periti quoque chirurgi scribunt, capitis vulnera ad centesimum vsque diem lethalia esse. huc accedit quod medici capitis vulnera in vñdecimo die, aut 14. magnas ad bonum vel ma-

lūm mutationes recipere quotidie experiuntur
omitto quæ Hippoc. lib. de capitis vulneribus.
& lib. de fracturis & artic. de Crisi, & diebus in
his obseruandis, prodidit. Quocirca an dies cri-
simos in continui solutione non obseruandos
esse concedes? In morbis organicis cum solu-
tione continui, cōpositis, vt in tumoribus præ-
ter naturā Crisi fieri potest, horū enim alij sup-
purati rūpuntur, plurimi quidē in 20. die. quidā
verò 30. alij 40. quidam ad 60. perueniunt. In
aliis eruptio sanguinis Critica accidit, siquidē
hypochondriorum tumores per sanguinis è na-
ribus eruptionem in primo circuitu ad salutem
iudicantur. Quidam autem priusquam suppu-
rentur, interdum per sudorem iudicantur, vt ex
Anaxionis historia constat. Nunc superest vt an
symptomata decretoriorū dierum materiales
causæ existere possint, scrutemur: Quod sanè
fieri non posse fortasse quispiam contenderet,
quoniam symptomata cū in tribus consistāt,
vel in functionū læsionibus, corporis affectib⁹,
& exeūtibus à corpore: priora duo materiæ ex-
cernendæ expertia cum sint, ideo iudicatione
carent. Exeūtia autem à corpore, an iudicatio-
nem sortiri dicentur, cū per ea iudicatio fiat?
esset enim iudicationis, iudicatio. Hippo. tamen
lib. de iudicationibus hoc prodidit: Ex his qui-
bus dolor fieri cœperit primis diebus, & quar-
ta, & quinta magis premuntur, ad septimum li-
berātur. Itaque cum dolor symptoma sit, & ab
initio ad septimum desinat, nōne etiam Crisi-
mi dies symptomata & signa causas sui mate-
riales agnoscent?

An in mor-
bis compo-
sitis & tu-
moribus
præter na-
turam Cri-
simi dies
spectandi
sint.

Hipp. l. 2.

prognost.

Hipp. l. 1.

prognost.

L. 3. epid.

An sym-

ptomata

causæ ma-

teriales

dierū Cri-

simorū esse

possint,

Tria sym-

ptomatū

genera.

Hipp. apo-

telesmate

8

sect. 1. lib.

de crisib.

DE CAUSIS DIER.
Dubitationibus superioribus respondetur.

CAPVT V.



T igitur superioribus omnibus dubitationibus respōdeamus, & certò quidpiam statuamus, illud primum tenendum erit, Crisim & Crisimos dies considerari potissimum debere in morbis illis, quorum causa materia humida & fluitans est, & ad perturbationem apta, pro vario sui motu, per actionē lunæ, & solis. hinc Galenus dum rationem, cur non omnes dies eadem vi decernendi præditi sint, scrutatur, eam superioribus corporibus refert acceptam. Id inuestigat ex eo quòd corpora cœlestia in hæc inferiora vires suas transmittant, & prout luna in animantium humiditates agit, frugum incrementum, & maturitatem accelerat, corpora demortua putrefacit, mulieribus menstrua prouocat, epilepticos circuitus sollicitat. Crescēte enim luna, eaque decrescēte, humiditates in corpore fluunt, crescente quidē bonæ: decrescēte verò supflua & prauæ. Hinc etiam febrium periodos, æstus maritimos, incremento & decremento lunæ commoueri perspicuū est. Verūm morbi qui à proprio principio mutationem sumunt, lunam sequuntur: iis verò qui tanquam ab aëris nos ambientis conditione contingunt, in toto quidem anno sol, in singulis mensibus luna præest. Sic omnes diuturni morbi Hippo. cōsilio ad solem referendi sunt. scripsit enim, morbos æstiuos hyeme solui, hye

In morbis
ab humidi
tate (vt ma
teria flui
tante & so
lis aut lu
næ, necnon
naturæ vi
agitari ap
ta) emergē
tibus, Cri
ses & Cri
simos dies
obseruari.
L. 3. κρι
σιμων.

Ob id mē
strua luna
decrescen
te proflu
re Arist.
scriptis tra
didit lib. 7
hist. anim.
ca. 2. & 1.
de gen. a
nimal.
cap. 4.

males æstate, & verè genitos, autumno: autū-
 nales verno tempore definere. Nam solis actio
 communis est: lunę verò propria & communis
 erit, si morbus à materia pendeat quæ celeriter
 moueatur, & naturam maximè stimulet, iudiciū
 & iudicatorios dies à lunæ motu sortietur, si au-
 tem morbi materia lentè moueatur, eius morbi,
 & crisis, & dies decretorij, ad solis motum refe-
 rendi erunt. sed hæc suo loco postea trademus.
 Dicendum igitur morbos eos dierum crisimo-
 rum materiales causas esse, qui à materia humi-
 da ac solis & lunę vi agitari, & commoueri apta
 pendent. Ideo in hectica, aut ephemera non fit
 crisis, hæc enim naturæ & materiæ morbificæ
 certamē comitatur. Organicarum partiū mor-
 bos, cū iam facti sint, & nulla in his adsit lu-
 cta, neq; Crisim nec criticos dies nancisci, haud
 præter rationem dixeris, neque solutionis conti-
 nui morbos, nisi febris superueniat, aut inflam-
 matio subsequatur. tum enim dies Crisimi ani-
 ma duertendi erunt. Inflammationes verò, vt he-
 patis, cerebri, & pectoris, aliarūque partium
 cum materiam naturæ molestam, eique veluti
 bellum indicentem sortiantur, Crisi etiam desi-
 nunt. Multi denique alij morbi, quibus natura
 temporis progressu assueta est, nec in his confli-
 ctus spes subest, etiam si materię participes sint,
 iudicationem saltem manifestam nō recipiunt.
 Attamen in quibusdā horum Hippocrates Cri-
 simos dies, quāuis nulla excretio fiat, etiam nu-
 merandos esse innuere videtur, dum sic scribit:
 Quibuscunque cerebrum corrumpi inceperit,

Humores
 menstruo
 spatio re-
 tenti, ad
 lunę mo-
 tum, qui vl-
 tra 4. men-
 ses retinē-
 tur, ad so-
 lem redi-
 guntur.

In fine lib.

φύσεως ἀν-
 θρωπ.

Cap. 18.

huius lib.

Aph. 50.
 lib. 7. aph.

Hippocr. intra tertiam diem moriuntur, si verò hos euase-
aph. 50. l. 7 rint, sani fiunt. Cæterum vt paucis complectar
acuti morbi, cum febre coniuncti, iudicantur,


Acuti morbi cum febre putrida coniuncti iudicantur, parui soluuntur. Tumores præter naturam, quâ calidi sunt, & suppurantur, & quâ febrem inuehunt & materiam naturæ infestam continent, iudicatione etiam desinunt. Neque tamen inficias inus nōnunquam in diuturnis morbis crisin euenire, dum cocta materia in aliquem locum reposita & agitationi apta vni-
co impetu, a natura valida foras propellitur, licet tum morbi διαδοχῇ non fiat, aut ὑποπροφῇ, aut ἐπιπλοκῇ, hinc 60. 80. 100. & 120. morbi iudican-
tur: aliquando 7. mense, 7. anno aut 14. &c.

Symptomata autem criticè desinere, pro natura morborum, à quibus fiunt, dici poterunt, quæ licet causam materialem, ex qua, non sortiatur, materiam tamen in qua consistunt, & penes quam numerantur, obtinent. Quod ad partum attinet, & an in eo Critici dies animaduertendi, & supputandi sint, vt in morbis acutis, satis abundè in τεκμηρολογίαῖ nostro demonstrabimus.

De causa formali dierum Crisimorum.

C A P V T VI.

κόσμος vn-
de cognos-
citur.



EXPLICATA dierū Crisimorum causa materiali, nunc formalis nobis inquirenda est, quam κόσμον, siue Criticorum & indicū dierū cōcinnitatē, proportionē & analogiam perpetua & cōtinuata numerādi serie in morbis

seruandam, esse arbitramur. κόσμος verò intelligi-
tur, numerando per minores, maiores & maxi-
mas periodos. Minores periodi sunt, quæ qua-
ternariis, maiores, quæ septimanis, circumscri-
buntur. Maximæ autem sunt, quæ tres hebdo-
madas cōplectuntur, & à 20. die in se aucto sur-
gunt, cuiusmodi sunt vicesimus 40. 60. 80. 100.
& centesimus vicesimus. Per minores quidē pe-
riodos seu quaternarios, ita numeratur, vt duo
primi quaternarij semper copulentur, & tertius
à secundo separatur, & cum tertio cōiungatur.
Per maiores verò periodos, seu septenarios, cō-
trā numerandum erit. Nam primi duo septena-
rij separandi sunt, & tertius cum secundo con-
iungēdus, vt lib. primo demonstrauimus. Per ma-
ximas periodos talis dierum supputatio fit, vt
nullo amplius opus sit circuitu, ideo vicesimū
ex tribus septimanis conflatum ἀκριβῶς τελείαν
περίοδον εἶναι id est, summè perfectum esse circui-
tum, asseruimus, quemadmodum & 40. 60.
80. 100. 120. hi omnes circuitus cum haud alio
amplius egeāt circuitu, dum scilicet semper cō-
ponuntur, & in sese ducūtur, perfectissimi sunt.
Proportio autem & analogia dierum Crisimo-
rum perpetuò eadem seruāda erit. quemadmo-
dum enim 14. & secundæ septimanæ finis est, &
tertiæ principiū: ita & 34. quintæ terminus est,
& simul sextæ initium, vt tres septimanæ vigin-
ti semper diebus circumscribantur. Ideoque sexa-
gesimus, vti supra ostendimus, non autē 63. erit
decretorius, ac pari ratione octogesimus, cen-
tesimus & centesimus vicesimus. Sed vt progres-

Cip. 5.

fu temporis Criseôn vehementia paulatim re-
 mittitur & languescit: ita & imbecilles dies de-
 cretorios obscurari planè cōtingit. Soli illi sem-
 per persistunt & vim suam seruant, qui perfectū
 decretoriorum dierum circuitum absoluūt. Vi-
 Gal. lib. 2. detur autem, quantum experientia discere licet
 πρὸς ἡμέρας. primus perfectus circuitus is esse, qui diebus vi-
 ginti absoluitur. Si enim per disiunctionē sem-
 per septenarius numerus procederet, vt in duo-
 b⁹ primis septenariis cernere licet: esset quoque
 hac ratione ipsa septimana perfectus primus
 circuitus. At quoniam secunda à prima seiuncta
 est, tertia autem secundæ copulata, liquet eam
 rationem, quæ ab initio seruabatur, nō amplius
 post 14. seruari. Attamen post vicesimum, idem
 circuituum ordo perpetuò seruatur, 34. propor-
 tione respondente decimoquarto, ex duabus se-
 ptimanis disiunctis conflato, 40. item propor-
 tione respōdente vicesimo, copulatam tertiam
 septimanam explente. Quod nos docens Hip-
 pocrates, vbi in Prognostico de vicesimo die ver-
 ba fecit, subiungit: Post hos eadem ratione at-
 L. 3. prog. que additione prim⁹ circuitus ad 34. perueniet.
 Primum enim dixit, post vicesimum, tricesimū-
 quartum. Primum, inquam, vt circuitum, nō vt
 diem decretorium. Nam & 24. & 27. post vice-
 simum sunt decretorij. Sed postquam ipse etiā
 de minoribus circuitibus abundè satis docuit, ac
 de septimanis etiam tractauit, reliquos statim
 ordine duos circuitus voluit subiungere, nem-
 pe eum, qui ex duabus septimanis cōflatus est,
 velut semiperfectum quēdam circuitum. Eum
 verò

verò qui ex tribus, summè perfectū esse docuit:
nam profectò & 40. & 60. & 80. centesimum
& centesimū vicesimum, ex vicesimo sæpius au-
cto fieri contingit. Cū autem 120. dies, 4. mē-
ses sint, Crisis quæ ratione mensium fit, tum in-
choat, & ad quadraginta octo menses, siue an-
nos quatuor, viget. & quemadmodum dies 4. in
acutis morbis interdū septimi index est, inter-
dum etiā decernit: ita in diuturnis morbis quar-
tus mensis aliquando septimi index est, nōnun-
quam etiā iudicat, sic in annis progrediendū
erit, vt quartus annus septimū iudicet. Quem-
admodum in fine lib. superior. ex Hippo. osten-
dimus. Pueris plurimas affectiones iudicari, nō
nullas intra 40. dies, alias intra 7. mēses, quas-
dam intra annos septem, alias verò iam ad pu-
bertatem accedentibus. Hippocr. quoque libro
quinto Aph. ait. Quibuscūque morbi comitia-
les sunt, ante pubertatē mutationem accipiūt:
quibuscūque vicesimo quinto, commoriuntur.
Aduertēdum autem erit indices dies interdum
Crisimorum dierum quorum indices sunt, tem-
pus æqualiter diuidere, 4. enim septimi tempus
diuidit, & 7. decimumquartum, septimus enim
14. aliquādo index est. & 20. quadragesimi. Pre-
cedunt etiam nonnunquam indices suos decre-
torios, vno tantum quaternario, vt 11. qui 14.
index est, & 17. qui 20. indicat. Neque mirū vi-
deri debet si dixerimus septimum indicem esse,
licet priore lib. à nobis dictū sit indices esse qui
septimanam diuidunt. at 7. dies hebdomadam
claudit, iudicare tamen potest quid 11. aut 14.

aph. 28. l. 3.

Addit Aui-
cen. ad 21.
annū quas-
dam affe-
ctiones p-
trahi.

aph. 7. l. 5.

aph.

Dubitatio
nis a motio

DE CAUSIS DIER.

In cōmēt. nostr. i li. Hippo. de Crisibus apoteles. 5. lect. 7. euēturum sit. Indicis enim officio fungitur, pro natura coctionis, cuius manifesta indicia apparent septimo die, æqualiter diuiso temporis spatio, cum materia perfectè cocta 14. die excernēda est, vtrum autē fieri possit vt vndecimus 14. indicet, & 17. vicesimum quemadmodum 4. indicat septimum, alibi demonstrauius.

Eandem causam formalem in intermittentiū accessionibus esse seruandā quæ dierum in continuis.

CAPVT VII.

κόσμος in febrib. cōtinuis & intermittētib.



L. j. epid. const. 3. Aph. 54. l. 4.

L. 3. prog.

INTERMITTENTIBUS autem febribus eiusmodi κόσμος, id est, ordo decretorum dierum seruandus est vt non primis diebus attēdamus, neq; hos simpliciter deinceps cōmemoremus, sed accessiones, vt de tertiana exquisita in aphorismis prodidit Hipp. eam septē circuitibus, quod longissimum est iudicari: nempe vt hæc, septem circuitibus iudicatur, eadem ratione alia quidem in nouem circuitibus, alia verò in vndecim, & ita deinceps pro iudicantiū dierum numero. Atque de quartanis eandē esse rationem sic in prognostico, inquit, ὅτι δὲ τοῦ τε. ταρταίου κατάστασις, ἐκ τῶ τοιούτου κόσμου, I. est autem quartanarum constitutio, ex eadem concinnitate. hunc locum exponens Galenus, sic scribit: quemadmodum in febrib. continuis numeramus omnes deinceps dies in prædictionē futuræ iudicationis: ita in intermittētib. accessio-

nes, vt quod in cōtinuis septimus dies valet, id in intermittētib. septimus circuitus possit. Ob id tertiāna exquisita septem circuitib. non diebus iudicari solet. Quinetiā quod quartus dies à principio numeranti ad septimum est, id quartus circuitus ad septimum circuitum. Quartus enim dies septimi index est. Sicuti igitur ī morbis continuis acutorum quidem morborū terminus est quartusdecimus, peracutorum verò septimus: sic in intermittētib. breuissimi tēporis tertiāna febris terminum habet circuitū septimum. Rursus autē sicuti in peracutis, morbus potest iudicari, & in quinto, & in quarto, & in tertio die: sic & in tertiāna in eisdem circuitibus fieri solutionem cōtingit, nō expectante natura septimū. Quod si quispiam dubitet, qui sit vt acuti morbi 14. die iudicentur, & tertiāna exquisita 13. Nā circuitus 7. in 13. diem recidūt. dicēdū videtur, accessionē quidem tertiānæ in finem 13. incidere, & Crisim declinationem excipere, ac partem 14. occupare. Quod autē scribit Gale. tertiānam exquisitam in 13. terminari, sic accipe: si postremæ accessionis quies non supputetur. Quare tertiānæ ad continuam proportio ita se habebit, idēmq. κόσμος in intermittētib. qui in continuis seruabitur.

Qualis tū
merus die-
rum, in cō-
tinuis, ta-
lis paroxif-
morum in
intermittē-
tibus.

Gal. cō. in
aph. 59. 11.
4. aph.

Dubitatio
nisamotio

Cō. in aph.
citatum.

*Cur quaternarij & septenarij, integris diebus non nu-
merantur.*

C A P. V I I I.

QV A T E R N A R I I integris diebus nume-
rari non debent, sed ab iis aliquid ita de-
mēdum, vt ex binis quaternariis vnus septena-

B ij

DE CAUSIS DIER.

riis confletur. Ipsi quoque septenarij integri nō sunt numerandi, alioqui ex tribus septenariis, non vicesimus, sed 21. dies confurgeret. Erit igitur numerandi ratio, ex quaternariis & septimanis quibusdam coniunctis, & disiectis, vt. li. i. retulimus. Id autem citra rationem fieri existimandū non est. Cū neque menses, neque anni, exacto calculo, nec vlla summa excurrente, computentur. Mensis temporis interuallum est propemodum 30. dierum, aliquanto minus, nō perpetuò ipso 30. dierum spatio æquabili constat. Huius rei causa est, quòd luna 27. diebus, & 8. horis circuitum proprium peragit. quo tempore sol propemodū 27. gradibus à loco illo recedit, quem proxima *συνόδῳ* mensis initio occupabat. Hoc spatium luna ante biduum non percurrit, cū singulis diebus ipsa 13. gradus, & propemodum 11. minuta peragret, ac ipso biduo sol etiam per duos ferè gradus interea longius progreditur: Ideo fit, vt luna duos propemodū dies cum dimidio, paulo plus, aut minus post proprium suum circuitum, peractum, in consequendo sole, insumat. Sic itaque totus mensis, à consecutione in consecutionem, à 29. diebus, cum dimidio, in triginta erit. non tamen perpetuò, id spatij æquale esse obseruatur. Ergo 30. diesensem *συνόδικον* constituentes, integri numerandi nō sunt. Propterea Galenus cum dierum Crisimorum causas ad lunarem circuitum referre vellet, alium mensē experimento à se comprobatum, introducendū putauit. hunc ex duobus mensibus componit: nempe mense per

Neq; annus, neque menses integri numerandi.

Mensis spatium quot dierum sit

L. 3. xpiσ, ημερ.

agrationis, qui est 27. dierum & 8. horarum, & mense illuminationis, qui 26. dierum est, cum parte dimidia, quæ sunt horæ 12. si totum componas, & in summam colligas 53. dies, & 20. horæ exsurgent. Rursus si hanc summam in duo æqua diuiseris, habebis criticū mensem, siue medium, quem sequitur Gale. hic quidem 26. diebus & horis 22. cōstat. qui numerus *οἷον ἐν μεθαρσίῳ γίνεταί τῷ κοινῷ καὶ τῷ ἰδίῳ*, id est, medio quodāmodo est circuituū proprii & communis, siue apparitionis aut peragrationis. Maior enim est communi, horis 10. minor verò proprio horis 8. Hac ratione septimana huius medii mensis maior erit septimana mensis illuminationis, horis 2. & dimidia: minor autem septimana mensis peragrationis totidem horis. Sic itaque septimana hæc mensis medij *ὀλιγοχρονιώτερα*, id est, breuior longior septimanis singulis amborum mensiū, ex quibus coaluit mensis hic medius. Iam verò si totum hoc mensis medij tempus, id est, dies illos 26. & horas 22. in duas æquales partes diuiseris habebis 13. dies & x1. horas: si verò ī quatuor hebdomadas, quamlibet hebdomadā diebus 6. horis 17. cum dimidia constare comperies, qui numerus ab integra & iusta septimana deficit plus quarta diei parte, id est, plus quàm sex horis. dimidiam enim horam supra sex ex septem diebus deesse deprehendes, si exactiori calculo rem discutias.

Medicina-
lis mensis
maior est
mense illu-
minatiōis
horis 10.
mese verò
peragratio-
nis horis 8.

Septimana
medij mē-
sis, longior
est septima-
na mēsis il-
luminatio-
nis: currior
septimana
mēsis pera-
grationis.

Legitur
Falsō in co-
dicib. græ.
Gal. l. 3. die
rū decret.
ἐκτῷ pro
τετάρτῳ.

Neque etiam annus integer numerari debet
Nam licet totus orbis in 360. partes ab Astrolo-
gis diuisus sit, sol tamen, ipsum nō permeat 360

Cur annus
integer nō
numera-
tur.

Ptol. ini-
tio lib. 3.
μεγαλης
συντάξεως.

lib. 3. pro-
gnost.

Anni cir-
cuitus iux-
ta Alphōsi
supputa-
tionē quot
dierum sit
An nullo
calculi er-
rore annus
nostris tē-
porib⁹ bre-
uior dica-
tur, quā
priscis, sci-
tu dignū.

Mensis lu-
naris tri-
plex.
Gal. lib. 3.
χρῆς. 4 μερ.

diebus: sed trecentis sexaginta quinque, neque
his tantummodo, sed in 365. diebus, & quarta
diei parte, id est horis sex, & item adhæc parte
quadam propè quodāmodo cētesima. Idcirco
Ptolemæus ad 365. dies & horas 5. addit minut.
55. grad. 12. De anni supputatione magna inter
astrologos controuersia est, vtcunque sit an-
nus Galeni (quē non 365. dierum tantummo-
do esse scribit, sed etiā quartæ partis diei, & ad
hæc partis cuiusdam propemodum centesimæ)
Alphonsinam supputationem (quæ est dierum
365. horarum 5. minut. 49. grad. 15.) excedit mi-
nutis 17. gradibus 54. annū verò Ptolemæi mi-
nutis 11. gradibus 57. An nostro seculo annus
11. ferè minutis sit breuior quā temporibus
Galenī, vt nostræ ætatis Astrologi asserunt, a-
liās trademus. Nunc mihi ad reliqua festinanti,
id indagare, per otium non licet.

De tribus lunæ mensibus.

C A P. I X.



X lunæ motu tres menses distingun-
tur. Primus περιδικός vulgò mensis dici-
tur peragratiōis, quem Gal. τὸν τῆς
δικείας περίου χρόνον, & τὸ κατὰ τὸν ζωδιακὸν περίου, in-
terdū ζελινιακὴν ὅλην περίου vocat, quo luna ab vno
zodiaci puncto recedens, ad idem punctū, inte-
gro circuitu emenso, in proxima coniunctiōe,
redit. in qua quidem circuitiōe peragenda
spatiū 27. dierum cum 8. horis propemodum,

(hoc additamentum propemodum, aut ferè vbi que intelligi velim) insumit: ita vt in quouis signo duobus diebus naturalibus, & horis sex, cū aliqua horæ parte immoretur. Ex hoc peragrationis lunæ motu, in schemate 16. laterum Astro nomi vires varias lunæ ascribunt, prout alia atque alia subit signa, planetisq; modo his, modo illis iungitur. Hic est lunæ motus proprius ab occasu in orientem in suo eccentrico planetam super signiferi polos deuehente. alter lunæ motus est super caput & caudam draconis, tertius in proprio epicyclo, qui interdum secundum ordinem signorum est, aliquando contra eorum ordinem. hinc lunam in suo motu, cursu velocē, aut retrogradam, aut stationariam, appellari dicunt nonnulli, quod sane astronomis consentaneum non videtur, cū ex eorum præceptis constet planetas præter solem omnes epicyclum habere, in quo cū sydus ad ortum fertur directus planeta vocatur, cū ad occasum, retrogradus: cū verò vtrinque eccentricum contingit, stationarius vulgo appellatur, quod veluti stare sub signifero videatur, cum vltius neque ad orientem, neque ad occidentem feratur. At lunæ, ob motus velocitatem, qua circum epicyclum perpetuo ab oriente in occasum decurrens rotatur, ab epicyclo semper eam ab occasu in ortum rapiente, statio directio & retrogradatio non tribuitur. Alter mensis lunaris coniunctionis seu consecutionis appellatus (Galenus *μηνιαίων χρόνον* simpliciter vocat) tantum temporis complectitur quantum luna oberrando

Verus Lunæ motus.

Lunæ stationē aut retrogradationem nō tribui. cōtra quorund. opinionem. Mensis συνδυικός seu cōiūctionis.

Vbi suprā.

B iiij

insumit ab hora, qua cum sole coit, donec iterū suo cursu perlustrato solem ipsum consequatur. Exceditque tempus hoc mensem peragationis, tātō tempore, quanto lunæ opus est in transitu illius spatij quod à sole versus occidentem peragratum est, interim dum luna circulum suum integrum conficiebat. Id spatium quidem vnus fere signi spatium definiunt siue biduo & horis. 4. cum aliquot minutiis, non tamen semper idem est, sed à duobus diebus & 4. horis in duos dies & 16. horas. Cū enim luna solem in ea parte in qua vltima coitione reliquerat, vt exempli causa, in prima Arietis parte, non inueniat, cū sic progressus sit, vt signum fere integrum transferit, ac ad primam Tauri partem proximè accedat: ea duos dies & 4. horas cum minutiis aliquot, aut paulo plus temporis in cōsequendo ipso sole insumit. Ideo fit vt mensis coniunctionis interdū 29. dies & horas 12. cum 44. minutiis & 3. secundis aliquando ferè triginta dies contineat. Tertius mensis apparitionis, seu illuminationis, quem Galenus aliquando τὸν τῆς πρὸς ἡμᾶς φάσεως interdum τὸν εἰς ἡμᾶς ἐνεργείας πείδιον, aliàs τὸν μηνιαῖον χρόνον τῆς πρὸς ἡμᾶς φάσεως interuallum est, à primo nascentis lunæ conspectu, ad vltimum vsque diem euanescentis quod sanè non semper æquale est, variatur enim pro ratione occultationis lunæ, vulgò tamen 26. dies & horas 12. completi dicitur. qua ratione mense coniunctionis tribus fere diebus, quibus luna occultatur, & lumen à sole acceptum nobis non impertit, breuior esset, & mense pera-

Mēsis apparitionis
lib.3. κρ.
ημερ.


grationis 20. horis. si enim horas 20. ad 26. dies & horas 12. adiunxeris exurgent 27. & 8. horæ. Itaque tum numerus dierum mēsis apparitionis cum numero dierum mēsis peragrationis conuenit, quando in coitione duobus diebus & 4. horis latet, vbi verò mēsis apparitionis dies 26. & 12. horas complectitur, tum luna triduum latet, & quando duobus diebus delitescit, tum mēsis illuminationis dierum est 27. & horarum 12. Item quoties vno die occultatur, toties ille 28. dies & horas 12. complectitur. Denique, quo diutius delitescit luna, eo mēsis ille τῆς εἰς ἡμᾶς ἐνεργείας ἥτοι τῆς πρὸς ἡμᾶς φάσεως breuior est: contrà quo minori tempore occultatur, eo mēsis ipse plurium dierum erit. Eiusmodi varietas contingit, quoniam vbi sol ab initio capricorni ad finem geminorum progreditur, luna climatibus septentrionalibus ob Zodiaci & horizontis obliquitatem, illorūmq; signorum rectum descensum, citius sese profert. Verūm aliis duabus causis id variari potest, in septentrionali latitudine citius emergit quàm meridiana. Item citius nascitur, quando motu velox est, quàm vbi tarda est. Motus autē diurnus Lunæ nouæ, aut plenæ circa perigæon epicycli 14. graduum 24. minutorum est. at circa epicycli apogæon 12. graduum, minutorum 8. hec tarditas Lunam diutius occultare potest.

Tēpus occultationis nō semper equale est.

Cur Luna aliàs citius aliàs tardius, interdum post συνόδον αὐτῆς terodie, aliquando tertio, sese prodit.

DE CAUSIS DIER.
Cur Galenus mensem Criticum introduxit.

CAPVT. X.

 Erūenimvero Galenus probare volēs
ex Lunæ motu, vicesimum diem Crisi-
mum esse, ac tres septimanas comple-
cti, & quatuor mensis septimanas, his Crisimis
diebus finiri nempe 7. 14. 20. & 27. id inquam
ad causam superiorem referre & ratione aliqua
à priori sumpta demonstrare, cū tentaret, &
commemoratorum trium Lunæ mensium nul-
lus, in quem Crisimorum horum dierum ratio-
nem reducere cōmodè posset, suppeteret, eos
tanquam suo instituto minus congruentes, præ-
termittit. Neque enim 20. diem de morbis de-
cernere potius quàm 21. probare potuisset mē-
se peragratiōis. Nam eius mensis tres septima-
næ 20. dies & 12. horas constituūt, qui numerus
12. horarū ἀμφοτέρῃσι. I. ambigit & in vtramque
partem vergit, ita vt si iudicatio illis 12. horis
accidat, æquè ad 20. atque ad 21. referri possit,
cum ad neutrum propius accedat. Adde quod
supputatio penes mensem τῆς δικίας περιόδου I. pe-
ragratiōis fieri nequit, cum is mensis, proprii
motus sit: At dies Crisimi nō tantum Lunæ cir-
cuitum proprium sequūtur, sed etiam cōmunē
eius vim quā in hæc inferiora trāsmitit. Quod
demonstrare cupiens Gal. mensem cōiunctio-
nis reiicit, siquidem huius septimanæ longiores
sunt, tres enim illius mēsis septimanæ 22. dies &
3. horas ferè complectuntur. Ab hoc mensæ 29.

Mēsis per-
agratiōis
cur à Gal.
omittitur.

Mēsem cō-
iunctiōis
lē cur præ-
termittit
Gal.

dierum & 12. horarum, si tres dies, quibus Luna
 fileat, nec inferiora hæc immutat, sed veluti com-
 busta, ac radiis solaribus obumbrata nihil effa-
 tu dignum præstat, detraxeris, supererunt dies 26.
 & horæ 12. hunc numerum vt plurimum conti-
 net mēsis apparitionis, quem etiam minus pro-
 posito suo conuenientem Gal. omittit. Nam si
 26. dies & horæ 12. in quatuor partes æquas se-
 centur, singulæ partes dierum 6. & horarum 15.
 erunt. Harum autem tres partes, siue tres septi-
 manæ breuiores sunt neque 20. diem complent,
 nam octaua diei vnus parte à 20. diebus, defi-
 ciunt, quare ad 19. potius quàm 20. pertinerent.
 Adde quod mensis ille indeterminatus est, cum
 Luna non semper æquali temporis spatio, post
 coitum cum sole, lateat. Cum igitur aduerteret
 Galenus corpus humanum, & à proprio, & à
 communi principio immutationem accipere,
 & crisim ab utroque principio euenire, (pro-
 prium dico mutationis principium, cum à cau-
 sa interna vt humorum vitio, morbus accidit,
 & crisis pro ratione humoris morbum commit-
 tentis fit, quam quidem mutationem Lunæ cir-
 cuitus peragrationsis promouet: morbi enim
 proprii motu Lunæ reguntur. Commune prin-
 cipium mutationis corporis aut morbi dicitur
 causa externa, vt aër ambiens, aut quæcunque
 tandem sit causa communis quam Lunæ circui-
 tus illuminationis adiuuat) idcirco ex mense
 peragrationsis qui & proprius Lunæ circuitus
 dicitur, & ex mense illuminationis seu appari-
 tionis, qui etiam communis circuitus dicitur,

Mēsem il-
 luminatio-
 nis cur
 Gal. ad in-
 uentionē
 Crisimorū
 dierū non
 usurpat.

Corpus hu-
 manū mu-
 tationes,
 vel pprias
 à pprio Lu-
 næ circui-
 tu, vel cō-
 munes à
 Lunæ cō-
 muni mo-
 tu, subit.

DE CAUSIS DIER.

medium mensem siue criticum composuit vt
suprà diximus. Si igitur hi duo circuitus nempe
Lunæ proprius, qui 27. dierum est & 8. horarū,
& communis, qui vt plurimum 26. dierum est
& 12. horarum, in vnā redigantur summā, dies
53. & 20 horas constabunt. quam summā si in
duo seces, 26. dies, & horas 22. habebis. Hunc
autem numerum circuituum proprii & com-
munis quodammodo mediū sequitur Galenus.
rursus hic numerus bifariam sectus dat 13. dies
& 11. horas & tum oppositionis aspectus est, si-
quidem his diebus, & horis elapsis in puncto
illi, in quo erat, quando incēpit morbus oppo-
situs, luna existit. Item numerus hic in quatuor
diuisus, dat dies 6. horas 12. & sextā partis diei,
seu 4. horas minuta 60. tertia 18000. seu dies 6.
horas 16. minuta 90. vel minuta 60. cum 1800.
grad. Nam minuta 90. horam vnā cum dimi-
dia constant 60. minuta, horam vnā. 1800. se-
cunda, horæ dimidium efficiunt, vt septimana
medij mensis Galeni à iusto & integro septem
dierum numero vnus diei quadrante, & exa-
ctiori adhuc calculo, quadragesima octaua defi-
ciat, & ad dies 6. horas 17. cum dimidia assurgat,
& tum aspectus quartus est, 6. etenim diebus,
horis 17. cum dimidia elapsis, quadram vnā
luna emensa est, & est medię inimicitie aspe-
ctus, qui non ita vehementer ex causa superiori
Crises promouet, vt medium mensis: sed mul-
to vehementius ex causa inferiori, ob humorum
motum. Quæ cum ita se habeant, si tres septi-
manæ coniungantur dierum erunt. 20. & hora-

Mensis Ga-
leni.

Mēsis Cri-
tici partes.

Summa se-
ptimanæ
mēsis Gal.
dierum 6.
horar. 17.
cū semisse.


rum 4. cum dimidia proinde si ita exactè ratio-
nem inierimus 20. dies magis crisimus dicetur
quàm 21. cum 4. tantum horæ & dimidia supra
20. exsurgant, vicesimo multo viciniore sint q̃
21. Ideo quoniam mensis hic medius vicesimo
diei magis quadraret, quàm tres alij supra com-
memorati, hunc tanquam legitimū retinet Ga-
lenus. Itaque tertiæ septimanæ finis in 20. die
erit & 4. horis cum dimidia, & quia mensis 26.
diebus & 22. horis constat, 27. dies potius de
morbis decernet quàm 28. vt in Epidemiis, Pro-
gnosticis, & libello de Crisibus testatur Hip-
pocrates.

Tres septi-
manæ die-
rum 20. &
4. horarū
cum dimi-
dia.

Galenus
vim omnē
tum Cri-
seos, tum
dierū Cri-
simorum,
ad suū mē-
sem refer-
ri vult.

Aduersariorum Galeni obiectiones.

CAP. XI.



T iam video nonnullos Galenum a-
trocius insectantes his obstrepere,
scriptisq̃ mandasse, hoc Galeni
mense aduersus Archigenem exco-
gitato, nihil opus esse, vt 20. dies Crisimus con-
stituatur, cū ex circuitu peragratiōis Lunę in
signifero, ipse dies criticus comperiatur. Nam
cū luna 27. diebus & horis 8. vniuersum signi-
ferum percurrat, efficitur, vt si id tempus in se-
ptimanas quatuor diuidas, septimana quælibet
sit dierum 6. horarum 20. sicq̃ue sit, vt septima-
næ tres 20. diebus & horis 12. claudantur, ad
quem terminum commotionem criticam ex-
citari dicunt. Si igitur, vt volūt ex circuitu per-

Aponens.
Ioan. Pic.
lib. 3. disp.
aduer. astr.
Manard.
lib. 15. epi.
Prima in
Gal. obie-
ctio.

DE CAUSIS DIER.

agrationis lunæ 20. dies decretorius inueniatur, quorsum Gal. ut id ipsum fieri posset fictitiū Lunæ motum, atque mentem, qui neque naturæ ordini, nec syderum rationi conueniat, excogitauit? Præterea obijciunt alij Galenū hoc cōmentitio suo mēse quod cupiebat efficere non potuisse, ut 20. exactè Crisimum esse aduersus Archigenem statueret: quoniam supra 20. diem horæ quatuor cum dimidia supersunt. Itaque totus dies vicesimus excluditur, tres enim hebdomadæ totum diem 20. prætereunt, ac 21. diei 4. horas cum semisse assumunt. Quidam etiam Crisimorum dierum supputationem iuxta mensem medium non esse ineundam, aduersus Galenum probare conati sunt. Nam si Crisimi dies enumerandi essent, iuxta mensem medium, seu compositum, ex circuitu peragrationis & apparitionis, aliquo temporis interuallo, morbi supputatio intermittenda esset, quòd luna in cōiunctione cum sole existente, mensis apparitionis non sit. Altero autem componentium deficiente, cōpositum quoque deficere necesse est. Cum igitur ab initio morbi dies continuè numerari debeant, iuxta ipsum Galeni mensem, aliquando cessantem, supputatio fieri nō debet, nec ipso tempore morbus per Crisimos dies numerandus est, cuius tamen contrarium experientiæ fide comprobatur. Deinde quoniam altera pars medicinalis mensis dierum est 13. horarum 11. sequeretur 13. diem potius Crisimū esse quàm 14. at hoc Galeni doctrinæ repugnat. quod sequitur patet, nam cum duæ medij men-

Secunda.

Tertia.

fis hebdomadæ 13. dies & 11. horas contineant,
 idcirco 14. horas tantum criticas 11. complecti-
 tur, at decimustertius horas 12. erit igitur po-
 tius criticus quàm 14. sic enim Gal. cum inue-
 nisset tres septimanas 20. dies & 4. horas cum
 dimidia continere, concludebat, 20. diē potius
 criticum esse quàm 21. quandoquidem plures
 complecteretur horas. Quin si dies numerandi
 forent penes Galeni mensē, dies 81. Crisimus *Quarta.*
 esset non 80. at hoc Hipp. & Gal. repugnat.
 Quod sequitur verum esse existimant, quoniā
 supra vicesimum quatuor horæ cum dimidia su-
 persunt, quibus in se ductis & bis auctis supra
 40. diem 9. horæ excurrēt, his iterum multipli-
 catis supra 80. horas 18. parient, quæ ad 81. refe-
 rendę sunt. Item ex Galeni numeratione seque- *Quinta.*
 retur 61. diem potius iudicarium esse, quàm
 60. quod Hippoc. & Gal. doctrinæ aduersaretur
 id autem consequi constat quod nouem septi-
 manę 60. dies & 13. horas cū dimidia contineāt.
 Itaque dies 61. cum sit 13. horarum cū dimidia
 & 60. decem, illum potius quàm hunc criticum
 esse consequitur. Adhæc recentiorum aliqui ve- *Sexta.*
 ritatis legem sibi prætexentes, illudque Aristot.
 usurpantes, præ veritate equū esse quemque sua
 decreta tollere, aduersus Galenum multa pro-
 ferunt, eiusque de Crisimorum ratione, inuenta
 conuellere tētant. Hi autem scribunt Hippo-
 cratem in epidemiis retulisse multos vicesimo
 septimo die 34. 40. quosdam 80. iudicatos, &
 Heropythum quēdam centesimo vicesimo die
 perfectē iudicatū fuisse, atqui nulla potest esse

Septima.

cum hoc dierum numero mensis à Galeno excogitati congruens ratio. Siquis enim vel 80. vel 120. iudicetur, cum ij dies mensem Galeni multo interuallo excedant, quónam pacto huic Crisimo mēsem suum qui 26. dierum, & 22. horarum est, adaptabit Galenus? Quod si in 27. lunam ad idem punctum, in quo cum morbus incœpit, erat, remeare dixerit, quomodo igitur naturam ad crisim incitat, cum amplius in opposito loco nō sit. Præterea falsum supponi aiūt dum Galenus mensē suū ita effingit, quasi luna toto triduo semper à sole obtegatur. at cū sæpenumero eodem die, & vetus, & noua luna conspiciatur, mane priusquam sol exoriatur, vetus: vespere autem eius diei nouaculā facie, iā soli congressa, & ab eo lumen accipiens, effici dicunt vt non satis firma huius mensis medicinalis compositio haberi possit: præsertim cum ita fieri videatur, ac si luna æquali semper motu nunquam velocius aut tardius moueretur. at cōtrarium & experiētia & Ptolemæi & Purbachij autoritas monstrant. Cū igitur mēsis apparitionis non semper sit æqualis, nec perpetuo solis radiis in coitu delitescens luna, æ quo tempore combusta, seu solis splendore obumbrata maneat, efficitur sane vt neque Gal. mensis ex ipso mense apparitionis & mense peragratiōnis constitutus, sit semper æqualis: si vero non, perpetuò æqualis sit, quónam pacto Crisimorum dierum certa ratio haberi potest?

Aduersariorum.

HAE igitur rationes sunt, quibus ipsi, velut copiis acie instructa, armatorum ve cuneis ad congregiendum, aut vincendum paratis, in Galeni castra irrumperere, eumque de statione depellere, aduersus eum hastam erigere, districtisque gladiis fortiter congregi, ac valido impetu eum conterere, conati sunt, cuiusque dicta, ut conuellerent, vires ingenii, neruosque omnes effuderunt. Ego vero, tametsi ingenii viribus parum possim, in hoc tamen praelio, pro Galeno manus conferre, conabor: ac constati, infractoq; animo, aduersariorum manu, hoc est, rationes, experiar. Has sane rationes, non ita validas video, ut potentissimum hostem Galenum deturbare possint. Vicesimum enim diem, potius quam 21. crimum esse verissimum est, ac Galeni experientia comprobatum, & ab Hippoc. in Epid. Prognost. & Aphorismis, testatum, ut supra diximus. Experientia igitur comperto vero, causam Galenus inuestigare conatus est, non quod demonstrationibus firmissimis se uti existimaret: sed his, quae magis facere videbatur, ad huius mensis inuentionem, cuius tres septimanae in 20. die desinunt. Idcirco monet lib. 3. κρίσις. ημερῶν ut, si cui huius disputationis subtilitas displicet, difficilisque videatur, hanc non perdiscat: ad hanc suam de criticis diebus rationem, literis mandandam, amicorum quo-

C

Obiectio-
nis secundæ
dilatio.

Cur duæ
primæ sep-
timanæ se-
iunctim nu-
merandæ
sint, & ter-
tia coniun-
ctim.

rundam precibus se impulsus fuisse, ingenuè fatetur. Sed aduersariorum obices sigillatim amoliri omnes contendamus, ac primum ad id, quod obtrudunt 21. diem potius crifimum esse, quàm 20. (quem ideò totum excludi volunt, propterea quòd tres hebdomadæ mensis medii, vicesimi primi quatuor horas & dimidiam supra 20. excurrentes, assumant) sic respondemus, finem duntaxat vltimi diei hebdomadæ medicinalis numerando, assumendū non esse, verū totum diem postremum: ac perpendendum num eiusmodi dies, 20. die potius, quàm 21. participet. Cū verò dies medicinalis horarū sit 23. & 14. partis horæ, ex 21. die quatuor horas cum semisse assumet, at ex 20. 19. cum dimidia, minus 14. parte horæ. Ideo potius ad 20. quàm ad 21. pertinebit. Hinc etiam colligi potest, cur hebdomadæ seiunctim ac coniunctim numerandæ sint, quandoquidem vt tres hebdomadæ 20. dies naturales constituent, dies vnus in septenorū naturalium enumeratione denuò repetendus erit. Hunc autem diem, aut vltimum primæ hebdomadæ, aut secundæ esse oportuit: at quoniam altera septimana medicinalis minimam partem, vtpote 6. horas duntaxat cum semisse, ex vltimo die primæ septimanæ assumit, necesse fuit vltimū alterius hebdomadæ bis repetere, quoniā tertia medii mensis septimana, maximam ipsius 14. partem, puta 13. horas assumit. Præterea
non

non tantū eo consilio, Galenus medium men-
 sem excogitauit vt 20, diem potiùs quàm 21. Prima ra-
tio dilui-
tur.
 crisimum esse aduersus Archignem obtineret,
 & posteris persuaderet, dictaque Hippocratis
 vera esse patefaceret: verū etiam vt id ipsum
 longo vsu & experientia deprehendisse testa-
 tum relinqueret, remque inter veteres medi-
 cos controuersam dirimeret. Hinc Auerr. sic, Auerr. c.
40. lib. 4.
collectan.
 inquit. Cecidit diuisio inter antiquos de die-
 bus criticis, sed dies critici approbati sunt per
 duos viros qui priores in hac arte occurre-
 runt: & sunt Hippoc. & Gal. & creditur quòd
 verum dicant propter experientiam eorū mul-
 tam. Galenus itaque subtili artificio longaque
 peruestigatione, mensem suum medium depre-
 hendit, penes quem in quartas & quartæ me-
 dia diuisum, dies crisimi numerarentur. Cū
 igitur à luna, duplex in hac inferiora vis cri-
 sim promouens, nimirum propria, & commu-
 nis transmittatur, & cœlestia motu & lumine
 præcipuè agant: necesse habuit Galenus me-
 dium mensem introducere, vt ex eius com-
 positione dierum criticorum ratio constaret.
 Et quamuis ab vtroque mense vis crisim pro-
 mouens profluat: non tamen quilibet horum
 mensium criticus introducendus est, alio-
 qui permulti errores inde nasci possent, nec
 certò quidies critici forent, cognosceretur:
 quare vtraque vis lunæ crisim promouet, nec
 vna ab alia seiungenda est. Ex propria enim

DE CAUSIS DIER.

humorum in corpus humanum impressione,
& ex communi quæ a luna fit, crises in his, aut
illis diebus contingere vult Gal. Idcirco utrâ
que lunæ vim spectans, duos coniunxit men-
ses, vt interueniente motu & lumine, aman-
datis erroribus, vera criticorum dierum ratio
consurgeret. Quod si hæc admittere nolint, fa-
teantur oportet mensis peragratiōis tres se-
ptimanas 20. dies & 12. horas ita complecti, vt
12. illæ horæ ambigētes æquē ad 20. diem at-
que ad 21. pertineant, at crisis illis 12. horis e-
ueniens ad vtrumlibet diem referri possit, si-
quidem 12. horæ, supra 20. diem excurrentes,
& tres septimanas explent, & sunt 21. diei pars
altera: an igitur rectē hi criticam commotio-
nem in 20. mensis peragratiōis excitari, hinc
efficere possunt? Hunc autem mensem naturæ
& syderibus consentaneum esse cōstat, siue per
eccentricos, aut per epicyclos lunam mutari
dixerimus: At homocentrorū descriptionem,
nec naturæ, nec obseruationi cōsentaneam ef-
ficemur. Ad tertiam rationē agedum pro-
grediamur, ac respōdere non dubitemus Ga-
lenum medium circuitum, ex peragratiōis &
illuminationis lunæ circuitu, inuenisse, non
quod in quodā tempore dierum supputatio-
nem interrumpi, & morbi motum cessare, vo-
luerit: sed eum proposuit, vt ex ipsius mistio-
ne mensis consurgeret, cuius septimanæ tres
20. die desinerent, neque enim iuxta Gal. pla-
cita

Tertia ra-
tio dissol-
uitur.

cita mensem apparitionis nunquā deficere ne-
cesse est: sed eius longitudinem ita aduertere,
vt ex ipso & altero medius resultet. Quid? si
præter hæc proprium lunæ circuitū crisis cau-
sam, sine alterius interuentu, esse: communem
verò circuitum, altero interueniente crisim
promouere dixerimus? Verum si opponeret

Cauilli a-
motio.

aduersarius, Galenum asseruisse lunam vim
suam à sole fortiri, id quidem fatemur, sed il-
lud Galeni de vi valida lunæ, quam à perfecta
illuminatione nanciscitur, accipiendum est.
Nihilominus tamen vim & efficaciam aliquam,
licet non ita validam, habet, vt in maris fluxu,
refluxūque etiam tempore interlunii seu con-
iunctionis lunæ cū sole perspicere licet. Hæc
autem lunæ vis paulo debilior quando luna
combusta est, licet à solo peragrations lunæ
circuitu promanet, crisi tamen promouendæ
sufficere potest. Verumtamen quoniam eius-
modi crisis illuminationem lunæ non subit,
ideo imperfecta, infida, & periculosa, & ad per-
niciem censenda est. Idem dici potest de crisi

Luna etiā
filēte, hæc
inferiora
mutari pos-
se, contra
Manardi &
Pici opini-
onem.

eueniente in decem horis, quas mensis criti-
cus, præter manifestæ apparitionis mensem, ha-
bet, si quis enim crisimus dies in hoc incidat
tempus, minus validè decernet, & crisis in iis-
dem horis infida ac imperfecta continget.

Mensis cri-
ticus quot
horis men-
sem appari-
tionis supe-
rat.

Quod autem diem vltimum septimanæ medii
mensis potius 13. quā 14. participare asserunt,
id quidem fatemur, non tamen ob id 13. po-

Quartæ ob-
iect. refuta-
tio.

Ptolem.
Aphor. 60.

Cur 14. po-
tius quàm
13. de mor-
bis decer-
nit.
Quinta &
sexta argu-
mentatio
soluitur.

Vis critica
circuituū
perfectorū
vnde pro-
manat.

tius quàm 14. iudicatio ascribenda est. Nam pars illa quam ex 14. ultimus ipse dies assumit, validiorem decernendi vim nanciscitur, quàm pars 13. Quandoquidem ut sentit Ptolemæus, virtus lunæ in crisi efficienda, per lunæ oppositionem est. At ipsa, cum ultimus secundæ septimanæ criticæ dies 14. participat, magis opponitur, quàm cum ipse 13. maiorem partem assumit, siquidem in fine 14. recta oppositio est. Responderi etiam potest Gal. non negare 13. esse crissimum, ut supra ostendimus: sed experientia compertum est 14. potius de morbis decernere, quàm 13. & 20. potius quàm 21. quod ex Gal. obiciunt, id ad 20. potius quàm aliorum dierum inuentionem ab eo usurpatum videtur. Præterea non vult Galen. quatuor horas quæ supra 20. excurrunt, ita supputari ut in 40. cum totidem horis coniungantur & supra 60. 13. horæ sint cum dimidia, ac 18. supra 80. sed voluit ipse ex vicesimo bis, ter, quater, & sæpius in sese aucto, iteratoque maximas, & perfectissimas periodos fieri, cuiusmodi sunt 40. 60. 80. 100. 120. hæ summæ perfectæ periodi sunt, & quia harum singulæ tres septimanas expleant, eoque cōpositæ sint: adde quod nō amplius alio indigeant circuitu. Huc accedit quod iuxta eorū opinionem 41. 61. 81. de morbis decerneret, non 40. 60. 80. ut priore lib. ostensum est. Cæterū primus circuitus perfectus est 20. dies cuius critica vis à

quaternariis 6. & septimanis tribus ex quibus
 conflatus est, promanat, huius verò circuitus
 vis critica, ad reliquos quinque perfectos cir-
 cuitus, vt pote 40. 60. 80. 100. 120. extendi-
 tur. Sex enim perfecti circuitus sunt ad 120.
 Quemadmodum igitur primi circuitus perfe-
 cti, nempe 20. diei vis critica, à sex quaterna-
 riis, quibus constat, proficiscitur: ita à primo
 circuitu vis decernendi ad sextum vsque cir-
 cuitum, perfectum nempe 120. diem (quo iu-
 dicatus fuit Heropytus) protenditur: dixerim
 quoque in omni dierum circuitu vim decer-
 nendi à primo lunæ motu deriuandam esse
 & continuata serie, ab illo, inquam, motu pri-
 mo, supputandū, secundus enim circuitus per-
 fectus videlicet 40. cum 7. dies vltimæ hebdo-
 madæ primi mensis contineat, vim iudicandi
 à primo lunæ motu manantem sortitur, ne-
 que dūtaxat à primo circuitu, vtpote 20. vim
 iudicandi accipit, verum etiam vim quandam
 peculiarem ratione illorum 7. dierum, quibus
 participat. ideo ambitu suo hos crisimos dies,
 24. 27. 31. 34. & 37. complectitur, quod reli-
 quis perfectis periodis non euenit, vt Hipp. in-
 nuere videtur, scribens post 20. eodem modo,
 & secundum eandem rationem primum cir-
 cuitum quatuor & triginta dierum, secundum
 40. dierum, tertium sexaginta dierum esse.
 Quod si obtrudant aduersarii 27. non esse cri-
 simum quod luna eò vnde discessit, cum mor-

Sex circui-
 tus perfe-
 cti ad 120.

Quannis A
 uicenna vo-
 luisse videa-
 tur post pri-
 mum men-
 sem ex so-
 lis motu
 supputan-
 dos esse di-
 es.

Hinc Pico
 resp.

An post 27.
 luna dierū
 ad 120. pro-
 ductorum
 causa sit.

L. 3. progn.

An 27. dies
 crisimus sit

Obiectio. bus incœpit, remeet, ob id nec naturam ad cri-
sim incitare, cum in oppositione non existat.

Solutio. dicendū vim oppositionis lunæ in 27. die non
esse spectandam principii morbi ratione, sed
14. aut 20. respectu. Nam à loco opposito vn-
de luna proficiscitur vim quandam aduer-
sam refert. Nonne etiam oppositio esse potest
tū, cum luna eò vnde discessit, reuertitur. cū ad
locum appellere, & ab eo digredi opponatur?
sed hæc ad causam efficiētē pertinent, de qua
paulò post nobis latius agendum erit. Ad reli-
quas obiectiones diluēdas pergamus, ac aduer-

Ultima ra-
tio dissol-
uitur.

Pici argu-
mentum in
ipsum re-
torquetur.

sariis respondeamus, lunam quidem nō sem-
per tres dies in coitu cum sole delitescere, nec
mensē apparitionis perpetuò æqualem esse:
verū Galenus id instituti habuit, vt quod ad
enumerationis crisimorum dierum inuentio-
nem sibi cōducere cognosceret, illud sibi pro-
poneret imitandum, erat autem apparitionis
seu communis impressio mensis, qui con-
iunctionem seu consecutionem longissimam
sequitur, nempe eam, qua luna tres dies inte-
gros in consequendo sole impendit, & radiis
solaribus immersa toto triduo obtegitur. Ve-
rū an non aduertunt hi mensē peragratio-
nis (quem introducendum potius quàm criti-
cum putāt) eadem ratione explodi posse, cum
eius septimanæ æquales non sint? Neque enim
vt ipsi statuunt, mēsis sui supposititii septima-
na vna, perpetuo dierum 6. & horarū 20. erit:
sed

sed alia longior, alia curtior, neque etiam ob
 varium lunæ in proprio epyciclo motum, in
 14. oppositionis aspectus esset, ac neq; alterius
 septimanæ finis, tertię initium existeret. Deni-
 que, vt paucis perstringam, his aduersariorum
 rationibus Galeni decreta neutiquam conuel-
 li posse perspicio, & omnes quæ aduersus Gal.
 producuntur rationes, ac si nullius pōderis es-
 sent, prætermitto. Sunt enim Galeni placita
 experiētia cōprobata. At rationes quæ in Ga-
 lenum adferuntur, non ipsius Galeni experi-
 mentum oppugnant: sed inuentionis critico-
 rum dierum à se excogitatam rationem, quam
 inconcussam ac firmam esse, vt diximus, Gale-
 nus ipse non est arbitratus. Maneat igitur Ga-
 leni de criticis diebus ratio, nec quicquam ip-
 sum à statione his aduersariorum irruptioni-
 bus deiici posse existimemus. Quod si nos $\chi\omicron\sigma\mu\omicron\rho$, id est, crisimorum dierum ordinem, lunę
 motu perperam metiri contendant, cū ipse
 lunæ motus æqualis non sit, sed modo citatior
 modo tardior. Si igitur status & determinatus
 est dierum Hippocratis ordo, quomodo in lu-
 nam referri potest, cū in ea nihil ratū & sta-
 bile inueniatur? cū etiam $\chi\omicron\sigma\mu\omicron\varsigma$ propria sit
 $\tau\acute{\alpha}\xi\iota\varsigma$, id est, ordo: vt $\acute{\alpha}\chi\omicron\sigma\mu\acute{\iota}\alpha\varsigma$, $\acute{\alpha}\tau\alpha\chi\acute{\iota}\alpha$? Re-
 spondemus tam non errantium syderū, con-
 cinnitatem retinentium, quā errantium ve-
 locius aut tardius, nec quotidie æqualiter la-
 torū motus omnes, ad vnū ordinē reuocari: &

Duo prin-
 cipia sunt
 inuentionis
 dierum cri-
 simorum.
 Cauillorū
 exclusio.

Obiectio.

Responsio.

DE CAUSIS DIER.

Gal. lib. 3. prognost. quamuis luna omnes quartas, motiones & circuitus æquales non fortatur: omnes tamen peragrations mensēs æquales habet, ob concinnitatem ac mirum ordinem. Eius enim motus certus ac definitus est, æqualibus temporum interuallis, dum semper eadem zodiaci loca percurrit.

Dierum Crisimorum causa efficiens externa, unde petenda. CAP. XIII.

AT verò Crisimorum dierum causa formalis exposita, agendum quænam eorum efficiēs causa sit, explicemus. Hæc sanè duplex est: vna interna & particularis, à conflictu naturæ, & materiæ morbificæ, altera externa & vniuersalis, à cœlestibus, vt potest luna, sole, aliisque syderibus. Cœlestia enim critica commotionem promouere, & experientia comprobatur, & ratione res scrutantibus, haud obscura causa est. Nam materia ortui, & interitui, aut cuilibet immutationi obnoxia viæ & ordini vni per se, licet vna numero existat, non annectitur. Quod item viæ & ordini vni adhæret, id per primam atque præcipuam causam omnium mutationum, quæ in his inferioribus fiunt, ordini innititur: at critica commotio viæ & ordini vni adhæret, & annectitur. Quod autem primum est in vnoquoque genere, causa sit oportet reliquorum sub eo genere cōtentorum, quare cœli motus reliquorum omnium causa prima atque præcipua erit. Criticorum

Causa efficiens dierum crismorum duplex est.

Cœlestia critica commotionem promouere.

Arist. 8. phis.

ricorum autem ordinem à sola natura seu facultate corpus regente non proficiscis ex eo constat: quod ipsa in aliis potius, quàm aliis diebus, velut certis limitibus præfixi, mouere nõ astringitur, at tùm, cùm humor morbum committens concoctus est, mouet. Verum coctione perfecta, quem motus ordinem sequeretur, nisi cœlestia hũc ipsum dirigerent, & adiuuarent? Neque etiã materia morbifica crisimorum ordinis causa existit. Nã *ἄτακτος, ἢ τοῖς ἁκόσμος* est. Et quamuis determinatum & certum quẽdam ordinẽ teneret, si bilis sit, tertio quoque die. Item si melancholia, quarto quoque die motus aderit. At crisim. dierum ordinem, per septenarios & quaternarios procedere, experimento compertum est, hunc autem numerum cuiuspiã humoris motui proportionem non respondere, liquet: aliter enim in continuis, tertianis, quartanis febribus dies numerãdi forent. Cum igitur crisimorum ordo, à casu non sit, (alioqui rarò, & in paucis cerneretur) oportet illum à causã ordinata, cuiusmodi cœlum est, repetere, ab ipso enim horum inferiorum ordo & constantia manat. Cœlestia autem hæc inferiora suo motu & lumine regere, omnes ex Arist. doctrina norũt. Astronomi influxum addunt, quem etsi à motu & lumine distingui volunt, vtriusque tamen concursu multum augeri nõ diffitẽtur. Huic negotio octauæ spheeræ stellas & planetas, potissimum solem & lu-

Crisimorũ
ordinem à
sola natura
seu facultate corp⁹
regente nõ
pendere.

Neque a
materia
morbifica.

Crisimorũ
ordo a causa
ordinata

DE CAUSIS DIER.

Cur crisi-
morum die-
rum ratio
a luna pe-
tenda sit
potius quā
ab aliis pla-
netis.

nam præficiunt: sed quoniam luna terræ vici-
na est, ac ut ipsi morbi acuti, motu velox est,
mūdique humiditates variat, adde quod qua-
ternariorum & septenariorū numeratio, eius
mutationibus quadrare dicitur magis quā
aliis planetis Ideo Galenus eam in acutis mor-
bis, ut solem in diuturnis, verorū crifimorum
causam esse adstruxit.

*Solis in hæc inferiora vires. Item luna schematismi eiusq; in hæc
inferiora vires.*

CAP. XIIII.

Gal.lib.3.
ap. 1. 1. 1.

H Omnes astrorum omnium vim expe-
riri, & eorundem viribus frui voluit
Gal.ac solem hæc inferiora ratis ordi-
nibus moderari, immutabilique constantia gu-
bernare, ac rectorem omnium existere. Ipse e-
nim veris, æstatis, autumnii, hyemis author est,
ipse manifestā vel ex hac terrestri fæce gignen-
di animalia procreādique, vel efficiendi, ut ea
quæ oriuntur è terra, maturitatem assequantur,
vel ad generis propagationem animantia so-
licitandi, vim habet. Ex eius per signiferū pro-
gressu, annus perficitur, ac anni tempora sic di-
stinguntur, ut varia eorum fiant temperamēta,
variique in corpore humores procreentur, aut
procreati concitentur. Magnæ sunt etiam lu-
næ in hæc inferiora vires, & effectus varii: sed
qui tamen solis effectibus cedant: mensibus il-
la semper præest, ut apertè in animantibus ac
potissimuū marinis deprehendere licet. Hæc
provt ad solē accedit, aut recedit, varios sche-
matismos

De motu
humorum.
Sorā. Eph.
in Isag.
Aestus ma-
ris recipro-
cos à luna
tum lumi-
ne suo, tū
diurna con-
uersione
regi copio-
se docet
Plin.cap.
27. lib.2.

matissimos sustinet. Ipsa siquidem soli cōiuncta
 ferè triduo delitescens (quod tempus Græcis
 σύνοδος, Latinis interlunium, intermenstruum,
 luna silens, aut combusta dicitur) cūm ex coi-
 tu emergit falcata, seu corniculata apparet, &
 μηνόςδης die 4. vocatur, tum à sole 45. gradibus,
 distat longius verò progressa, cūm iam ferè
 90. partibus, siue quadrante circuli, à sole ab-
 est, vt septimo die, dimidiata cernitur, & διχό-
 τομος appellatur, hinc lumine quotidie auge-
 scente, turgida, vndecimo die, ἀμφικυρτος voca-
 tur, ac globosa conspiciatur, ac tum centum tri-
 gintaquinque gradibus à sole distare dicitur.
 Vbi verò à sole longissimè abscessit, ac diame-
 tri spatio disiungitur, die decimoquarto ple-
 no orbe resplendens, πανσέλινος appellatur, ple-
 nilunium, seu oppositionem dicūt, quo vide-
 licet tempore luna circuli medietate seu cen-
 tum octoginta gradibus siue signis sex, à sole
 abest. ab hoc loco, ad solem pedetentim reuer-
 sura, quotidie decrescendo imminuitur, & ite-
 rum ἀμφικυρτος 17. die. deinde διχότομος die 20.
 dicitur. Rursus item μηνόςδης & denuo falcata
 27. die splendet, donec tādē absoluta perio-
 do cum sole congregiēns, sub eius radiis deli-
 tescat, & ad easdem vices exeat. Cæterum ipsa,
 his quæ oriuntur è terra, dat incrementum: a-
 nimantia saginat, menstrua statō tempore mu-
 lieribus sollicitat, morbo comitali laboran-
 tium circuitibus insidiatur, pro ratione pro-

De lunæ
 mutatio-
 nibus vide
 macrob.
 l. i. somn.
 scip. cap. 6.
 Vitellion.
 74. ac 77.
 propos.
 lib. 4.

Gal. lib. 3.
 κρισι. ημικρ.

DE CAUSIS DIER.

Gal. ca. 28.
lib. 8.

Quo pacto
luna circa
interlunium
agit.

De his vi-
de Plin. li.

18. cap. 32.

35. 28. & li.

16. cap. 39.

& li. 2. cap.

99. & 41. &

cap. 7. li. 9.

Coll. ca. 10

1. 2.

Pl. ca. 5. l. 8.

Pallad. c. 6.

lib. 2. & 27.

l. 1.

Phil. Iud.

li. de som.

pag. 367.

oper.

Vitelio in

suo optica

gressus eius ad solem, vel recessus eius à so-
le. Mutationes alterationesque eius vehemen-
tes validæque sunt, cum in interlunio, tum e-
tiam in plenilunio. Circa interlunium om-
ne lumen, quod à sole haurit, cælo regerit,
eoque frigefacit, quoniam nondum illustra-
ta, à nocturno frigore minus nos tueretur.

Quod ad plenilunium spectat, mutuatitium ip-
sa lumen ipso plenilunii tempore in terras abun-
dè refundit, eoque calida euadit. Differetia ta-
men utriusque habitus magna est, inquit Pli-
nius, sed manifesta. Nam æstate interlunio ca-
lidissima est, hyeme gelida. E contrario in ple-
nilunio, æstate gelidas facit noctes, hyeme te-
pidas: causa euidens, sed alia redditur à Fabia-
no & Græcis authoribus. An verò luna legiti-
mo an notho lumine illustretur, in dubium re-
uocat Philo Iudeus. Vitellio lumen suum fœ-
nerare solem asseuerare non dubitat, ut inte-
rim quæ de cæteris syderibus ipse prodit omit-
tam. Porro de viribus, quas luna præ cæteris
syderibus in hac inferiori natura exercet, plu-
ra traderem, nisi breuitati studerem. Si quem
hæc delectant, adeat atque euoluat Ptolemeum,
Plinium, alios scriptores astrologicos: nostri
instituti fuit breuiter tantum quosdam locos
præstantium authorum commemorare.

Dierum crisimorum causa efficiens iuxta astronomorum placita.

CAP. XV.

Volunt Astronomi lunam cœlestium corporum vim communiter, frequenter, atque facilè cùm radiis, tùm qualitatibus in hæc inferiora demittere, eaque ipsa & gubernare, & immutare. Ipsa in rebus omnibus quæ fiunt magnas commotiones excitat, cùm a prima accessione ad opposita, quadrangula, aut quadrangulorum media loca defertur: in quadrangulis 7. die vehemens agitatio fieri solet, quoniam signa sic se intuentur, ut qualitatibus duabus, aut agente duntaxat, dissideant, quanuis radiorum minor concursus, ad signum, in quo morbus incœpit, perueniat. In quadrangulorum mediis ut 4. die non ita vehementes, commotiones fiunt, quòd cum minori radiorum copia signa sese intueantur, ac oppugnent, vnaque duntaxat qualitate, eaq; ut plurimum patiente dissideant. At in oppositionibus maxima commotio excitari solet, quoniam luna, & signa, cùm radiis, tùm qualitatibus sese mutuo oppugnant, sic accidit, ut cùm luna ad loca, illis quæ tenuit, inuadente morbo, inimica, peruenierit, inter morbum & naturam pugna exoriatur: Si igitur quispiam ægrotare incœperit, luna arietem occupante, septimo sequenti die maximas alterationes patietur: quoniam ipso die septimo luna Cancrum signum frigidum & humidum Arieti si-

MAJF. FIG.
l. 3. de vita
cœl. cōpar.

Astronomi
ca ratio.

gno calido & sicco cōtrarium tenet. Quo tēpō
re si crisis non contingat, nec beneficus plane-
ta reperiatur, decimusquartus morbi dies ex-
pectandus est, quo quidem die Luna in princi-
pio Libræ existente, duplex crisis causa concu-
rit, nempe opposita radiatio & signorum dissi-
dium in altera qualitate, quandoquidem Aries
signum calidum & siccum, Libra verò signum
calidum & humidum est. Si verò expectata cri-
sis tum nō eueniat, nec planeta fœlix adfuerit,
Luna sequētem quadram percurrente, ac alios
hostiles aspectus subeunte, nempe in princi-
pio Capricorni, vicesimo die, aut ad morbi ini-
tium remeante vt 27. die crisis speranda erit.

*Quomodo cœlestia in hæc inferiora agant, & crism efficiant,
eamque interdum ad salutem, alias ad mortem.*

CAP. XVI.

Arist. li. de
gener. ani-
mal.
Dubitat. 1.

Secunda.

DVhitaret fortasse quispiam, quo pacto
corpora cœlestia crism efficere pos-
sint, cum scribat Arist. actionem dun-
taxat cadere inter ea, quæ in materia commu-
nicāt: At cœlestia corpora cum humanis in ma-
teria non conueniunt. Illa enim æterna & cor-
ruptionis expertia sunt, hæc verò momētanea
& interitui obnoxia. Item actio omnis non ni-
si contactu fit: sed cœleste corpus non tangit
humanum. Nam ea tantum se tangere quæ in-
uicem & agunt & patiuntur, voluit Arist. At
corpus cœleste nihil patitur. Ceterum si cœle-
stia crism efficerēt, cum ab illis vis æqualiter
in

in corpora humana demittatur, tum in omni-
 bus corporibus, eodem die, vel ad salutē dun- Tertia.
 taxat, vel mortem tantū crīsim efficerent: ve-
 rū multi eodem die & intereunt & supersti-
 tes euadunt, qui etiam eodem temporis mo-
 mento morbo correpti sunt. Dicemus igitur
 cælestium actionem, iuxta Astronomorum do-
 gmata, vnam quidem vniuersalem esse, quæ
 motu & lumine fit, alteram particularem, qua
 corpora suis qualitatibus afficiuntur, vt cū ver-
 bi gratia, aiunt hunc, aut illum planetam refri-
 gerare calefacere hum. aut sicc. Alia quoque Forma ce-
lestiū spe-
cifica quæ
fit-
 eorum actio est per formam specificam, quæ
 eius quod afficit, cum eo quod afficitur conue-
 niens aptitudo est, vt commodē, & facilē alte-
 rum, suam exerat vim, alterum excipiat: hac
 quidem actione cælestia valent, & in his infe-
 rioribus mutant omnia. Ea est, si Albumazari Album. in
introduc.
 credamus, præcipua & insignis vis syderum,
 quam unicuiq; eorum, ab eo qui summæ rerū
 præest, tributam esse ait, non secus quā ma-
 gneti cū ferrum, aut electro, cū aceres tra-
 hit. Sed obiectiones dissoluamus, dicentes il-
 lud Arist. actionem inter ea cadere, quæ com- Obiectio-
nes dissol-
uuntur.
 municant in materia, verum esse de actione,
 quæ in agente passionem relinquit, cuius ipse
 in phisicis meminit, dum prodidit: quicquid
 agit, id ipsum pati, at dum cælestia in inferiora
 agūt, eorum actio talis censenda non est, quod
 etiam alibi docet. Inter cælestia & inferiora

D

DE CAUSIS DIER.

corpora contactus est, dum illa primo & secundo modo dicto in hæc per aërem agunt, aër siquidem & corpus mutuò sese afficiunt. aër tamen patitur, nec agit in cælum non secus quàm quod tristitiam infert nos tangit, ipsum verò non tangimus. At cœlestia actione illa quam formam specificam vocauimus, sine aëris immutatione corpora immutant, vt volunt Astronomi. Ipsam faustas & infastas res, ab eo quo incœperūt tempore, per bonos aut malos aspectus reddere, eamque in inferiora per semicontactum sine materia agere, asserūt. Præterea cœlestium actio æquabilis est, at corpora eam recipientia non æquabiliter præparata sunt, ideo ferè fit, vt quidam pereant, alii euadāt. Cùm igitur à motu Lunæ & aspectibus planetarum, necnon stellis fixis crisis debeat, mirū non fuerit, si duo ægroti, eadem hora morbo correpti, eodem modo non iudicentur, agentis enim virtus ob diuersitatem recipientis varia fit: à sole enim tela linea albescit: & facies deambulantis nigrescit, ac ab eodem igne argilla durescit, & cera liquefit. Aduertendum etiam erit, ad ætatem, locum, & tempus. Respiciendū quoque est iuxta Astrophilorum placita in quo signo Luna initio morbi fuerit. Cæterum si ægrorum alter puer sit, temperamento calidus & humidus, alter autē senex frigidus siccus, tum crisis variari poterit. Idem de tempore & loco considerandum. Præterea si Lu
na

na morbi initio Marti calido sicco adhæserit: morbus verò alterius propositorum duorum ægrorum à caliditate proficiscatur, tunc sanè ingrauescet illius morbus: si verò à frigiditate, nō æquè infestabit. Quod si obieceris: statua-
 mus anni partem, ac amborum ægrotantium
 ætatem, calidam, necnon vtriusque morbum à
 caliditate prouenire, cur eorum crisis, eadem
 non contingit? Diceremus id quidem euenire
 posse, ob temperamenta corporis varia, siquidē
 interdum alter ægrotantium, natiuo tempera-
 mento calidus: alter verò frigidus est. Sed for-
 tasse rursus insurgeres: Fingamus vtrōsque co-
 dem tēperamento præditos esse. Respondemus
 fieri nō posse, vt duorum hominum tēperamen-
 ta ita conueniant, vt inter se non dissideant. Et
 licet demus quorūdam temperamenta in vni-
 uersa natura conuenire, & eadem existere pos-
 se, tamen naturæ propriæ sunt, & hominum
 ἰδιουσυγκρίσιαι. Quod si propositorū ægrorum tem-
 peramenta, morbi ratione inter se non differre
 fateri cogamur, in vtroq; tamen omnino con-
 uenire, ac veluti in vnum conspirare nequeūt.
 Multa enim ἀδύνητα in dies, ac vni potius quàm
 alteri accidere possunt.

Obiectio.

Solutio.

Obiectio.

Solutio.

*An cœlestia malam crīsim efficiant, & quo pacto, & qua vi stelle
 tanta distantia, terrena afficiant,*

CAP. XVII.

VErūm opponi posset cœlū crīsim perni-
 ciosam nō promouere, imò cuiuscūq;
 morbi crīsim die crīsim euenientem,

*

D ii

DE CAUSIS DIER.

Obiectio. esse salutarem, quoniam ipso die naturā, viri-
bus cœli adiuta, aduersus morbū pugnat, cū
prius ipsa, nullius ope interueniente, in morbū
ageret. Si igitur natura ipsa nullo externo præ-
sidio fulta morbo ante diem criticum relucta-
batur, nec ægro periculum imminebat, non-
ne magis morbo resistere poterit, cū virtu-

Responsio. tis cœlestis præsidii septa erit? Respondemus
vim cœlestem non semper naturæ opem ferre,
aut ad bonum aduenire, sed nōnunquam cele-
rioris prostratiōis causam existere, paucō enim
auxilio aliunde petito, natura intempestiuē ex-
suscitatur, ac insurgit, ipsāque ad pugnam ac-
cincta, morbique impetu repressa, celerius suc-
cumbit. Idcirco plerosque perire cōspicimus,
in quibus die crisimo crisis inœpit. Quod au-
tem ante diē criticum nō succumbat æger, id
fit, quia morbus in naturā sensim agebat, eam-
que longa mora pedetentim infestando, tandē
μικροσμῶ defuisset, sed natura ipsa adminiculū a-
liundē sibi suppetere sentiens, contra morbum
insurgit, ac decertat, ideo repētē interit æger.

Dubitatio. Sed dubitares quo pacto fieri possit, ut corpo-
ris natura sentiat ac percipiat tēpus adminicu-
li, cū ipsa intellectu ac sensu careat? Ipsamet
Li. 6. Epid.
Aph. 2. sect.
5. natura, inquit Hipp. nō ex intelligētia *ἰσίδους* si-
ue ad suas actiōes, vias & impetus inuenit. Præ-
terea, cū cœlestia in hæc inferiora, aëre interce-
dēte, agāt, quī tunc aër immutatur, dū eiusmodi
adminiculū, cœlitus demissū, defert? an qua-
litas

litatis aëris immutatione id fieri dices, cum interdum frigidus, nonnunquam calidus sit? *Solutio.*
 spōdendū inferiora hæc a superioribus bifariā immutari, vel radiorū cœlestium influxu abditto, vt voluerunt nonnulli, quādo in hæc inferiora per actiones & aspectus suos, vires demittunt: vel aperto, vbi aëris immutatione, sensibilis fit influxus, hoc modo Sol aërē calefaciens, terrā calefacit: neq; sequi necesse est, naturam mente & sensu præditā esse, nā superiorum & inferiorū connexio est, per quā auxiliū cœleste percipitur, ac tūm morbus in isto motu a natura oppugnatur. *Questio.* Si quæras, quo pacto tāto interstitio stellæ terrena afficere possint? quomodo vehatur, ac deferatur emissā virtus, ne in descensu dilabatur? volūt nōnulli exertos porrectosque in terram, & reuerberatu coactos hoc præstare radios, quorū ex resultu intēditur, atq; invalescit virtus, idq; nō tātū in Solis & Lunę, verūmetiam Veneris, Iouis, Martis, Syrii radiis conspicuè cerni aiūt. Delationē autē reflexionemq; luminis, de cæteris non ita percipi oculis, q̃ vel distātia nimia attenuātur, vel ob exilitatē hebescūt radii. Ego verò vt eodē modo per aërē eos ferri concedā, vbi in aliquod obstaculum impegerunt, resilire ac geminari, moueor: quoniam singulæ stellæ, suis distinctisque coloribus sese in oculos ingerunt nostros. Si descensu longiore comminuti deficerent ac dispergerentur radii ipsi, nec seorsum singu-

radii a stellis vim qua terrena afficiunt deferunt.

DE CAUSIS DIER.

li ad oculos porrigerentur, ac pertingerent,
non distincta cōtueremur corpora, sed in con-
fufum quoddam lumen aspiceremus.

Aduersariorum Galeni obiectiones refelluntur.

CAP. XVIII.

Obiectio.

Obiectio.

COelestia igitur hunc elementarem or-
bem afficere, & quo pacto cōstat. Quod
si concedatur, vt negari à nullo sanè po-
test: quo animo, qua fronte, quāve opinione,
nōnulli tā audacter, Galeni de crisimis diebus
rationes, impugnant, omninóque euertere co-
nantur? Negant ad Lunæ motum, in quadratis
& oppositis locis dies crisimos referri debere.
Nam si ad Lunæ motum, & influxū, in quadra-
tis, & oppositis locis, referri dies decretorii
debēt, ægritudines omnes in nouilunio inci-
pere oporteret, alioquī, nec diei 7. dimidia Lu-
na, quadratúsque aspectus, nec diei 14. plena
Luna, oppositúsque aspectus respondebūt: nisi
initium morbi à nouilunio sumatur. Præterea,
cū quēpiam morbus peracutus inuadit, Lu-
na initium Arietis tenente, crisis in principio
Cācri futura esset: atqui tūm secundę septima-
næ initiū adest nempe dies octauus. Igitur cri-
sis octauo die continget, non in fine Gemino-
rum, nempe 7. die, crisim verò in Cancro fieri
debere cōstat, quoniam tūm Luna occupat si-
gnum inimicum illi, & vtraque qualitate cōn-
trarium, quod morbi initio tenebat. Cancer
namque signum frigidum & humidum est op-
positum

positum Arieti calido & sicco. Verum nō ad- Solutio.
 uertunt hi, omnem positum signorū, gradum,
 siue punctum cuiuslibet signi, posse quadrato-
 rum aut oppositorum initium exitere, pro ra-
 tione morbi tū inuadentis. Nam dierum cri-
 ticorum computatio à morbi principio deri-
 uatur, at verò morbus, in principio primi si-
 gni quadrarū circuli vt Arietis, Cancrī, Libræ
 & Capricorni, non perpetuò sed raro admodū
 inuadit. Quando igitur in quopiam alio pun-
 cto morbus inuadit, tum ab eo quadrati & op-
 positi aspectus principium sumendum est, non Obiectio.
 à nouilunio. Sed iam intimis ipse sensibus per-
 spicere videor, qd mihi ab his aduersariis Gal.
 obiici possit. Nos non minimū hallucinari
 contendunt, quòd morbi principio attenden-
 dū esse velimus, vt cū Luna fuerit, in quadra-
 tis, aut oppositis, principio morbi, locis, tū
 crises fieri dicantur: siquidem non semper die
 7. in quadratis, nec 14. in oppositis initio mor-
 bi luna locis inuenietur. Nam si quispiam in
 nouilunio morbo corripitur, qui 7. iudice-
 tur, alium verò prius Luna silente morbus in-
 uaserit, tum si Lunæ, causam criseos acceptam
 referre debeamus, huius crisis in finem quartę
 illuminationis ipsius Lunæ recidet. Atqui dies
 ipse 8. erit ab initio morbi. Igitur in 8. crisis Solutio.
 incidet. Respōdemus bifariā in Luna quadras
 spectari, vel ratione illuminationis, vel per-
 grationis, siue transitus Lunæ per signa: propo

D iiii

sitorum autem ægrotantium quartæ, æquè 7. die definūt, ita tamē, vt eius qui primo ægro-
tare cœpit quarta, alterius quartā vno die præ-
uertat. Et quamuis apparitionis luminis quar-
ta, morbum non promouerit, ipsa tamen quæ
peragratiōis est, morbum eius, qui prius labo-
rare cœpit promouit: hæc igitur cū crīsim in
7. efficere possit, eam in octauum protrahi ne-
cesse non est. Itaque in omnibus morbis, qua-
dra, peragratiōis Lunæ esse potest: at in pau-
cis, ipsa quæ apparitionis luminis est. Ideo di-
cebat Gal. Lunā duplicem mutationē in mor-
bis efficere, vnā cōmunem, quam à lumine
habet, alteram propriam, quam à motu pro-
prio per signiferum sortitur. Neque acutorum
morborum crīsis perpetuò speranda est, donec
Luna signo initii ægritudinis, contrarium, in
vtraque qualitate, signum, teneat. Etenim ad
morborum acutorum crīsim, duo cōcurrunt,
nimirū humor naturā stimulās, & Lunæ aspe-
ctus, ambo pro efficiētiæ aptitudine, crīsim aut
inhibere, aut promouere possunt. Exempli gra-
tia, morbi peracuti crīsis, ratione aspectus Lu-
næ septimo die euenire solet: nonnūquā tamen
humor ita naturam irritat, vt crīsim septimò
futuram quintus præoccupet. Interdum verò
quoniā humoris acū ē continuatū non est, in
9. crīsis protenditur: & quoniā peracuti mor-
bi, vt biliosi imparibus mouentur, accidit, vt
crīsis salutaris, non 8. sed 7. eueniat.

Duplex à
Luna mu-
tatio fit in
morbis.
lib. 3. κ. ρ. ιθ.
ν. μ. ρ.
Obiect. se-
cundæ so-
lutio.

Dierum crisimorum causa efficiens interna, facultas est corpus gubernās, vel morbi eiusq; materiae dispositio: ita tamē vt facultas ipsa, viribus coelitus demissis commitata, radicalium dierū, & indicum: intercedentiū verò potissimū, morbificę materiae motus causa sit. Quod sic accipi nolim, quasi nō admitterem, ad dies vulgò dictos radicales, naturam morbi non concurrere. Nam morbi dispositionem requiri, & humoris impetum concurrere, in idem non recidunt: & quemadmodū in aliis rebus naturalibus, vtpote hominis procreatione, Sol velut vniuersale efficiēs, homo vt particulare, dum cōueniunt, certum producant effectum, si patiēs bene dispositum sit, & omnino patiatur, sin minus, monstrum nonnunquam fit: ita accidit vt quando efficiēs vniuersale, vtpote Sol, & potius, eius vice rex Luna, quę regēdæ huic inferiori plagæ meritorē destinata est, cæterosq; planetas terrarū vicinitate excellēs, facilè huius inferioris mundi humiditates immutat, si in eas affectui recipiēdo idoneas, Luna ipsa dominatum obtineat. Neq; in tali actione necesse est agētem cū materia cōmunicare, aut cōtactum adesse, neque si influxus occultus fiat, aëris immutatio exigitur, nisi optimā aëris cōstitutionem, vim illam cœlestem citius excipere velimus. Nā in constantibus tēporibus, si *ὡραὶ αἰσ τὰ ὡραία* fiunt, con-

Hip. Aph. 3.
lib. 3. Aph.

DE CAUSIS DIER.

Morbi salu-
tares quo
pacto le-
thales fiāt.

stantes & boni iudicii morbi fiunt: in immoderatis verò incōstantes: & difficilis iudicationis. Et quemadmodū agens vniuersale, vel materia haud bene disposita, vel agente particulari deficiente, effectu suo frustratur: sic etiam crisis, licet à cœlestibus promota, ad bonū vergere possit, accidit tamen, vt ob ægri, aut medici erratū, aut naturæ defectum, talem finem haud nanciscatur, quin morbi, qui natura sua, non tamen sine periculosis symptomatis sanitatem pollicentur, ob errata admissa, lethales fiant. Cū autem facultas corporis, fortis existens, & bene se habens, materiæ dominatur, & à benefica Lunæ constitutione adiuuatur, coctioneq; absoluta, circa morbi vigorem sine irritamento, humorem excludit, tum crisis bona sequitur. Corporis namque partes, facultatis re-
tentricis bene se habentis ope, tum benignos, tum noxios humores, tandiu retinent, donec iis concoctis facultas expultrix, si valida sit, insurgat, & sese proferat, & quod è benigno humore excrementi superest, illud aliò atque aliò amandās, tandem in locum quempiam cōmunē reponat, ac deinde foras expellat. Humor verò prauus, acuti morbi soboles, tandiu retinetur, donec omnibus ritè peractis, sine irritamento, statis tēporibus, eius excretio insignis tandē naturæ ductu, eiusque ordinato motu, consequatur. At cōtra accidit, quando humor tum benignus, tum nocuus, copia, aut quali-
tate

tate peccās, ipsi naturæ dominatur, eamque stimulat: nam si benignus, & calore perfusus sit, & ad superiora viā affectet, vomitu: si ad inferiora, alui profluuiō, intēpestiue, nempe nondū perfectā coctione, excernitur. Noxius quoque copia, & vitio naturæ infestus, crudo adhuc morbo existente, ob concitatū morbi impetum, benigno etiam comitatus, foras protruditur.

Intercidentium dierum ratio.

CAP. XX.

IN intercidentibus igitur, siue prouocatoriis iudicatio fit, aut ob humoris *ὑγρόμορον*, cuiusque summum calorem, & tum præuertunt crisimum diem: aut quod paucus sit humor, isque, iuxta quorūdam opinionem, multo mitior, quā qui naturam, in crisimo radicali ad crisim excitare valeat, ideōq; crisis remoratur, & in prouocatorios siue intercidentes dies cadit: aut quia ipsi, crisimis diebus (quod voluit Gal.) proximi sunt. Huc accedit, quod cœli cōstitutio benefica, in his euenire potest, quorum fauore, natura vegetior reddita, pugnam aduersus humoris noxii molestiam instituit, eāque adoritur, & tandem dirimit, & his 4. causis prouocatorii crisimorum vicem subcunt. Auicenna intercidentium causam, vel ad 2. quartā, ea, quæ extrinsecus accidunt, vel ad pigrū aut velocem morbi motum, vel corporis in robore, & imbecillitate dispositionē, refert. Nonnūquam etiā accedit, vt crisimi, prouocatorii

Intereidentium causa

Cur prouocatorii dies crisimorum vicem subeūt, causæ.

2. quartā.

DE CAUSIS DIER.

efficiantur. Nam septimus a 9. prouocatorius est. Nec mirum videri debet si inuicem commutentur, vicesque alternas subeant. Nam, quod cupiam natura insitum est, accidentibus labefactari posse, Phisici contendunt. Verum quareret quispiam, si intercidentes dies crisiui esse possint, an indices habebunt? responsum sit, eos quidem, ab humoris impetu, non a celestium influxu, siue Lunæ obtutu, indices, suos dies, eosque intercidentes dictos obtinere: tertius enim nonnunquam quartum indicat, interdum 5. & quintus alias 7. index est: & septimus, ubi crisiuius a celesti aspectu non est, 9. aliquando indicat. 9. verò interdum 11. index est: & 11. nonnunquam iuxta quorundam opinionem 13. index esse potest. Horum autem dierum, in acutis, & peracutis morbis, duntaxat rationem habendam esse videri possit: quandoquidem humor, eos morbos committens, eiusmodi est, vt suo *εργασμα*, naturam ad excretionem, celestium auxilio non expectato, irritare possit. Et quoniam morbi acutissimi biliosissimi sunt, teste Gal. propter humoris idiotropiam, natura tertio quoque die irritatur. Idcirco dies hi, ternario numerantur, repetito vbique tertio die. sic 1. 2. 3. rursus 3. 4. 5. iterum 5. 6. 7. deinde 7. 8. 9. postea 9. 10. 11. tandem 11. 12. 13. ultra hunc diem intercidentes non produci, quidam contendunt. alii in 11. aut 9. desinere volunt, ob eam, arbitror, causam,

Li. 3. Prog.

fam, quod humoris molesti impetus, sensim languescat, perturbationisq̃ue vehementia, ita temporis progressu imminuta fit, vt non amplius natura irritetur, & ea, quæ ipsam instant, etiam ante tempus propellere, ac amoliri compellatur. In omnibus primis diebus, valde acutorum morborum crisis, ab inferiori causa prouenire potest. In sequentibus, cum morborum acumẽ remittatur, nõ item. Verum intercidẽtes vltcrius protẽdi non negat Hipp. ipse enim decimioctauĩ & quadragesimioctauĩ meminit. Qui autem dies ad 40. vsque intercidant, in schemate de iis constructo comperies. Sunt autem decem hi 3. 5. 6. 8. 9. 10. 13. 18. 21. 30.

Cur interei-
dentes per
impares, vl-
tra 13. non
videntur
protrahi.

Comparatio dierum & horarum Crisimarum. CAP. XXI.

CRisimi dies non omnes æqualem decernendi vim nanciscuntur, sed alii, aliis, vel ob Lunæ aspectum, aut materiæ motum in iudicando validiores sunt: sic 14. ob cœlestem aspectũ, septimo validius iudicat, nam 14. die Luna oppositum morbi initio locum in 7. quadrangulorum medium tenet: at si humoris motus qui in 7. concitator esse solet spectetur, septimus omnium decretorum dierum viribus & dignitate primus censebitur: quo enim morbus in eo vehementior, & eius motus velocior est, eo ipse validius decernet. His de causis 4. tertio: & 13. decimoquarto valentior est. Quod si Galenũ

opponeres, afferentem. Primos morbi dies
 criticos, postremis validiores existere, Hinc-
 que quartum in decernendo 7. validiorem ef-
 se inferres. Respondemus Galeni locum intel-
 ligendum esse, dùm crismi dies verè radicales
 inter se cõferuntur. Quartus autem non eiuf-
 modi est, imò iudex est. Itaq; nihil obstat, quo-
 minus 7. omnes alios verè crismos viribus su-
 peret. Item, si indices inter se compares, quar-
 tus cùm index sit primus, vndecimum vel 17.
 in iudicando viribus excellit. Quænam, post
 primum mensem, dierum ratio seruāda sit, &
 utrūm Luna dierum 27. sequentium ad 40. vs-
 que, & à 40. ad 120. causa sit, suprà retulimus.
 Cæterum, asserunt nonnulli, dies impares ideo
 esse valentiores, quòd ipsi duas numeri species
 contineant, nempe parem & imparē. Dies ve-
 rò pares imbecilliores esse, quoniam vnā dun-
 taxat numeri speciem, vel parem tantū vel im-
 parē cõplectantur: si enim 10. dies feces, sem-
 per aut duos pares numeros, aut duos impares:
 at si 11. diuiseris duas numeri species, puta pa-
 rem & imparem habebis. Hinc sequi putant,
 vt dierū impar numerus pari sit validior. Sed
 hæc delirantium somniis similia videntur. A-
 liud animaduersione dignū, dierum horas in
 primi mensis diebus nō eadem ratione nume-
 randas esse. Quemadmodū enim dierum crisi-
 morum & indicum alii, aliis potentiores sunt,
 ita horum, quædam potentiores horæ sunt. In
 primi

primi mensis quarto die, nouem primæ horæ obseruandæ sunt: in 1. septenario, horæ primæ 17. attendendæ: in 11. duntaxat primæ tres: in 14. primæ 11. concitatiores: in 17. horæ 21. in 20, horæ 17. grauiiores & meliores esse solent. Quod experimento comprobari poterit, si iudicatio in fine potentiorum horarum vt plurimum contingat: vt si in quarto, horā circiter nonam: in 7. circa 17. in 11. circa 3. horā, & in aliis eadem ratione crisis accidat: ipsa in reliquis debilioribus horis, imperfecta, aut deficiens euenire solet. Et quanuis singulis tum horis, tum diebus a morbo per crisin liberari possit æger, non tamen absoluta, & fida crisis censenda est, si bonis conditionibus careat: sed horæ prædictæ valentiores sunt, quoniam in his Luna ad quadrangula aut quadrangulorum media perueniēs, vires suas magis exierit. Animaduertendum etiam est in reliquis mensibus horas non iisdē viribus pollere. Nam in secundo mēse horæ duæ a septenariis demēdæ sunt: in tertio, 4: in quarto, 6. horæ à septenariis detrahendæ erunt: vt septenarius primus mēsis primi cum 17. grauiiores horas sortiatur, secundi mēsis septenarius primus, 15. habebit: septimus 3. mēsis, 13. septimus quarti mensis, vndecim horas obseruandas, obtinebit. Eius rei causa est, quòd non eandem vim obtinent, neque inter indices, primi cum posterioribus, neq; primi critici, cum vltimis, sed valentiores quidem

Causa astronomica

In aliis mē-
sibus que-
nam hora-
rum ratio
habēda sit.

Causa abla-
tionis ho-
rarum ab
aliis mensi-
bus.

DE CAUSIS DIER.

primi existunt, & in longum protracto morbo, imbecilliores redduntur.

Causa finalis dierum crifimorum. CAP. XXII.

SUpereft, vt ad caufam finalem crifimorū dierum pergamus. Quæ fanè ratione cau-
fæ efficiētis motuum crificorū fiue ea ex-
terna fit, à coeleftibus corporib⁹, fiue interna, à
materiæ morbificæ impetu, ftatuenda non vi-
detur: fed potius ratione naturæ corpus guber-
nantis. Ipfa fi quidem, cum morborum medica-
trix fit, per fe *ἰφιδου* citra intellectū reperit, vt
tum niētare, tum ea quibus lingua fubferuit,
& quæuis alia fimilia. Indocta exiftit na ura, &
citra difciplinam quæ oportet efficit. Ipfa, vi
quadā infita ordinatè procedit, & animalis fa-
nitatē omnibus fuis aētionibus tuetur. Defini-
ti ac ordinati funt eius motus, vbi valida eft,
& materię dominatur, & propria ratione agit.
Indefiniti verò ac inordinati, ideòq; incogni-
ti, vbi victa eft. Dierū crif. noticia ad curatio-
nem cōfert, quoniā ipsis diebus quiefcendum
eft, aliis autem mouendum. Ad prædictionem
verò vt cum quarto die figna cōtionis appa-
rent, ægrum à morbo euafurum prædicimus,
quod docet Hipp. dū ait: Quibus feptimo die
morbus iudicatur, horū vrina quarto die nebu-
lā cōtinet rubeam. aliáque fecundū rationem.

Hipp. Aph.
2. feēt. 5. li.
6. Epid.

Aphori. 71.
lib. 4.

LIBRI SECVNDI FINIS.

